

Մ. ՍԱԲԵՐ

5488

ԲԱՐԻ ԼՈՅՍ

ԱՆԿԱԿՐԺԵԿԱՆ
ԸՆԲԵՐՅԵՐԿՆ
Բ. ՏԵՐԻ

ՅԵՎՈՐ ԿՐԲՈՆԱԿԱՆ
ՅՐԱՎԱՆՈՐ - ՉՈՍՏԵՐԱԿՆ
Քարթլոյի Գործարար
և ԳՈՒԼՆԻ, ԳՈՐ ԱՆԻ ԲԵՐԻՆ ԵՎ ԿԱՆ

ԳՆԴԶ



491.99-8
U-92

ՏՈՒՐՈՒՄ - ՋՐԱՏԱՐԱԿԻՉ
ՅԵՎՈՐ ԿՐԲԵՆԻՆԻՆ
ԱՆԳԱՐԱ ԶԱՏՏԵՍԻ ԲԵՐԻՆ ԵՎ ԿԱՆ
Կ. ԳՈՒԼՆԻ

ՄԱՆԿԱԿԱՆ

ՀԱՅԿԱՍՏԱՆԻ ԿՐԹԱԳՐԱԴԱՐԱՆ

91.99-8
U-92

1005-10

Մ. ՍՈՒԼԹ

ԲԱՐԻ ԼՈՅՍ

ՄԱՆԿԱԿԱՆ ԺԱՆՐԱԿԱՆ
ԸՆԹԵՐՑԱՐԱՆ

Բ. ՏԱՐԻ



Ուր տղան իր խօսած լեզունով
կը գրէ եւ կը կարդայ:

5488

Տպագրիչ-Հրատարակիչ

ՅԱԿՈՒ ԱՐՐԱՀԱՄԵԱՆ

Պոլիս, Անգարա ճառքսի, Քեփս ԷՖ. Խան, քիւ 7
1933

ՀԱՅԿԱՍՏԱՆԻ ԿՐԹԱԳՐԱԴԱՐԱՆ
ՄԱՆԿԱԿԱՆ ԺԱՆՐԱԿԱՆ
ԸՆԹԵՐՑԱՐԱՆ

06 AUG 2013

9434

ՄԵՐ ԱԶՆԻԻ ՊԱՇՏՈՆԱԿԻՑՆԵՐՈՒՆ

«Քարի Լոյս»ի սոյն երրորդ հրատարակութիւնը կը համապատասխանէ նշդիւ մեր ծրագրին Տարրական Դասընթացքի Բ. Տարիին:

Հաւատարիմ մեր ընդգրկած ուղղութեան, զոր յստակօրէն պարզած ենք առաջին երկու հրատարակութեանց առթիւ, ըստ ամենայնի ջանադիր եղած ենք արտայայտութեան պարզագոյն ձեւերով եւ բնականէն առնուած բանաւոր մէթոտով մը, հարթելու, բնականօն վիճակի մը վերածելու ընթերցանութեան առաջին դասագիրքերու բուն կոչումին հա՛յասող եւ սակայն ցարդ՝ լոկ իբրեւ գրական հանդերձանք հրամցուած խել մը դժուարութիւններ, խրթնութիւններ թէ՛ ոճի, թէ՛ ասացուածներու եւ թէ՛ բառերու մարզերուն մէջ, որոնք դժբախտաբար այնքան տաղտուկ եւ ժամավաճառութիւն կը պատճառեն թէ ուսուցչին եւ թէ աշակերտին

Մեր նպատակը գրականութիւն ընել չէ: Տղան նախ լաւ ընթերցում սորվելու է իր հասկցած լեզուովը, յետոյ կուգայ գրականութիւնը իր կարգին: Ցաւա՛ր չէ որ այս երկու կէտերը շփոթուած են իրարու հետ:

Խօսուն լեզուէն դէպի գրական լեզուն անցքը ըստ կարելոյն անզգալի դարձնել, ահա մեր նշանաբանը, որ տրամաբանութեան եւ ներհուն փորձառութեան անժիմտելի մէկ պահանջն է: Կը սիրենք յուսալ թէ մանկավարժական սոյն բանաւոր ուղղութեամբ՝ մատերնիս բուն վէրքին վրայ կը դնենք, ընդ առաջ երթալով բազմաթիւ նախանձախնդիր պաշտօնակիցներու ջերմ փափաքին:

Ինչպէս ցարդ, նոյնպէս եւ սոյն գործին ընթացքին մէջ, միշտ նկատի ունեցած ենք նորահաս տղու մը մտքին հասողութեան մակարդակը: Բնտրուած նիւթերը, արձակ թէ՛ ոտանաւոր, ընդհանրապէս սերտ առնչութիւն ունին տղուն ապրած կեանքին, սովորական մտածումներուն եւ զգացումներուն հետ: Հասնելին եւ օգտակարը լծորդուած իրարու հետ, ո՛չ միայն համաձայն են մանուկին հոգեբանութեան, այլեւ հասկնալի են գրեթէ միշտ, վասնզի իր լեզուովը կը խօսին իրեն հետ: Ինչ ինչ բառերու բացատրութիւններ հարկաւոր էին իբրեւ մանրադիտական կամրջակներ՝ մանկական լեզուն մեր սովորական լեզուին վերածելու համար աստիճանաբար: «Ձայս առնել եւ զայն չթողուլ:»



18032-58

Քերականութեան նախնական ծանօթութիւնները պարզագոյն բացատրութիւններով, բաժնուած են գործին բովանդակ ընթացքին մէջ, պատշաճ դասաւորութեամբ:

Հարցումները եւ վարժութեանց հրահանգները կրնան ընդլայնուիլ կամ յապաւուիլ տղոց կարողութեան չափով:

Գիրք միշտ զուգընթաց է ընթերցանութեան հետ, դասը լաւագոյն կերպով տպաւորելու համար մանուկին մտքին մէջ: Տրուած նմոշները՝ միեւնոյն ատեն, գիտի փորձեր են, որոնք շարադրութեան իբրեւ նախագիծ կը ծառայեն Ասոնք ալ ի հարկին՝ կրնան բարեփոխուիլ կամ ընդլայնուիլ իմաստուն դաստիարակին կողմէ, միշտ նկատի ունենալով տղոց ըմբռնելու կարողութիւնը, որովհետեւ մանկավարժական շատ ծանօթ սկզբունք մըն է թէ իր գործին գիտակից ուսուցիչը արդէն հեղինակութիւն մըն է, որ իրաւասութիւն ունի ընտրութիւններ ընելու դասերուն մէջ, տրուած պարտականութիւնները պատշաճեցնելով տղոց մտաւորական վիճակին:

Եթէ մեր տոյն համեստ աշխատութիւնը, որուն շարժառիթն է լոկ առանց յաւակնութեան հրամայական պահանջի մը գոհացում տալ յաջողի գէթ մասամբ ղիւրացնել մեր յարգելի պաշտօնակիցներուն անձնուէր ջանքերը, որոնց ականատես ենք ամէն օր, ինչպէս նաեւ նոր լոյս մը ցոլացնել հայ մանուկին ընածին ուշիմութեան առջեւ, որքան հրապուրիչ, նոյնքան եւ ղիւրահաղորդ ընծայելով ուսումը իր մայրենի պատուական լեզուին, այն ատեն, իբրեւ կրթական վաղեմի մշակ, գոհունակութիւնը պիտի ունենանք խղճի պարտք մըն ալ հատուցած ըլլալու հանդէպ մեր տոհմային ազնուական մշակոյթին, որուն նուիրական պաշտամունքին մեր բոլորանուէր ջանքերը ի սպաս դնելու պատիւը ունեցած ենք սկիզբէն մինչեւ ցայսօր:

Մ. Ս.



1. Վ Ե Ր Ա Մ Ո Ւ Տ

Սեպտեմբեր, աշնան առաջին ամիսն է: Այլ արձակուրդը վերջացաւ, վերաճուած է: Վարժարանին փողոցը տակնուվրայ է, աղմուկ և իրարանցում ամէն դի: Վարժարանին դուռը, բակը և սանդուխները ասեղ ձգես, տեղ չկայ: Մեծեր ու պզտիկներ՝ Եւրան, Եւրան կարգի կ'սպասեն: Արձանագրուիլ պէտք է, ո՞ր մէկը առաջ անցնի: Հարուստ ու ազգատ միեւնոյն փափաքը ունին, իրենց զաւակները դպրոց դնել կ'ուզեն որ մարդ ըլլան: Փոքրիկներն ալ միեւնոյն սիրով վառուած են, օր առաջ արձանագրուելու են որ իրենց տեղերը չկորսնցնեն և դասերէն ետ չմնան: Անոնք չեն նմանիր հին ատենուան տղոց, որոնք լազով, ողբով դպրոց կ'երթային և երբեմն ալ կը փախչէին: Հիմակուան տղաքը, ընդհակառակը, դպրոցը կը սիրեն իրենց տանը չափ և անկէ բաժնուիլ չեն ուզեր:

Տնօրէնութեան սենեակէն հետզհետէ խումբերը դուրս կ'ելլեն ումանք ուրախ և շէշող երեսոյթով, ուրիշները սակայն տխուր և գլխիկոր: Ինչո՞ւ այսպէս, վասնզի մէկ մասը ընդունուած է և միւս մասը մե-

ժուած: Պատճառ.— որովհետեւ մաս մը ծնողքներ
ուսումը սիրելով մէկտեղ, զանազան հաշիւներն է կը
տարուին:

Այս երեւոյթը տեսնելով՝ երկու տեսնող զգացում-
ներէ կը տարուինք, թէ կ'ուրախանանք և թէ կը ցա-
ւինք: Կ'ուրախանանք, որովհետեւ կրթութեան պէտ-
քը լաւ հասկնալով մեր ծնողք կը փափաքին անպատ-
ճառ դպրոց դնել իրենց գաւազները: Այս լաւ, սա-
կայն միւս կողմէն կը ցաւինք տեսնելով որ անոնցմէ
ոմանք շուկայի ապրանք կը սեպեն ուսումը: Անվայել
բան, վասնզի ուսումը գին չունի, ուստի ամէն
մարդ իր կարողութեան չափով պէտք է նպաստէ
դպրոցին, որուն կը յանձնէ իր սրտին հաստը: Արդէն
բոլորովին չքաւորներն ալ ձրի կ'ընդունուին: Ասկէ
զատ, ամէն թաղի մէջ, միայն աշակերտներու թոշա-
կովը չէ որ վարժարանը կը դառնայ, ազգը իր օգնու-
թեան բաժինը կը բերէ միշտ կրթութեան գործին:

Մենք սկիզբէն ի վեր ուսումնասէր ազգ մը եղած
ենք: Մեր ձեռքէն եկածը պէտք չէ խնայենք մեր
վարժարաններուն համար. որպէսզի կրթուած սերունդ
մը ունենանք օգտակար թէ մեզի և թէ հայրենիքին
համար:

ԲԱՅՍՏՐՈՒԹԻՒՆՆԵՐ. — վերամուս = Արձակուրդէն վերջ
վարժարանին նորէն բացուիլ: Եարան, արան = Իրարու հետեւ
չարուած: Ընդհակառակը = Հակառակը բլալով: Ամանք = Մէկ
քանինք: Եկեալ = Աւրախ, Գլխիկու = Գլուխ և կոր բաներէն,
գլխիկը ձուած: Վասնզի = Ինչու որ: Երեւոյր = Տեսնուած բան:
Հաստ = Կատր: Ասումնասէր = Ասում և սեր բաներէն, ուսումն-
քը սիրող:

ՀԱՐՑՈՒՄՆԵՐ. — Երբ կ'ըլլայ վերամուսը. — Ի՞նչ
պէտք է դպրոց բնդուանելու համար. — Ո՞վ արձակագրել
սուաւ ձեզ. — Դուք ուրախ էիք. — Ի՞նչո՞ւ. — Դուք թուակ
կը վնարէ՞ք. — Ի՞նչո՞ւ. — Դպրոցը կը սիրէ՞ք — Ես. —
Ի՞նչո՞ւ:



2. Ս Ի Ր Ո Ւ Ա Ց Տ Ղ Ա Ն


Ես մանչ մըն եմ (կամ աղջիկ մ'եմ) խելացի,
Ես բարեկիրք եւ ազնիւ,
Ընտանիքս եւ ինծի
Կը բերեմ միտ յարգ, պատիւ:

Դըպրոցին մէջ ամէն օր,
Ամէն ժամը մէկ անգամ,
Դասեր կ'առնեմ նորանոր,
Ուրկէ հաճոյք ես կ'ըզգամ:

Որովնեսեւ կը սորվիմ
Թէ մարդ մըն եմ իմ կարգիս,
Ուսի պէտք է աշխատիմ
Որ մրտակեմ սիրս, հոգիս:

Ասումա՞՞մ իմ տո՛ւր կեանք, արեւ
Իմ ծնողքիս անուշիկ,
Որպէսզի օր մ'արդարեւ,
Ընեմ զանոնք երջանիկ:

ԲԱՌԵՐ. — Հանոյք զգալ = Ուրկէ, ախորժիկ: Արեւ տուր =
Ապրեցուր, կեանք տուր: Արդարեւ = Իրաւ որ:



3. ԱՇԽԱՏՈՒԹԻՒՆ ԵՒ ՀԱՆԳԻՍ

ինչու՞նչ այս արձակուրդը տուին ձեզի, գիտե՞ք, որովհետեւ տարի մը ամբողջ աշխատեցաք և քանի մը ամսուան հանգիստի պէտք ունէիք կազդուուելու համար, մանաւանդ որ ամառ էր և այդ տաքին՝ կարելի չէր աշխատիլ:

Հիմա ալ տաք չէ, ամառը անցաւ և աշուն է ադուոր, զով եղանակ մը շատ յարմար աշխատելու համար: Արձակուրդին, պէտք եղածին չափ յոգնութիւն առիք, նոր ոյժ ստացաք և ձեր դէմքերը առողջութեամբ կը փայլին: Մն ուրեմն գործի սկսինք և կանոնաւոր աշխատութեան լծուինք: Ձեռնէ ամէն մէկը արդէն դասարան փոխած է և նոր դասեր, նոր պարտականութիւններ կ'սպասեն իրեն: Ժամանակացոյցները պատրաստ են արդէն: Ամէն մէկը իր բաժինը թող օրինակէ և միշտ աչքին առջեւ ունենայ թէ դպրոցը և թէ տունը: Նոր դասագիրքերն ալ եկած են արդէն, անմիջապէս պէտք է առնէք և ձեր դասերը պատրաստէք օրը օրին: Ուսուցչին տուած դասերը

լաւ մտիկ ըրէք և չգիտցածնիդ՝ մի ամչնաք, հարցուցէք, որովհետեւ չգիտնալը ամօթ չէ, շտորվիլը ամօթ է: Յետոյ, ձեր պարտականութիւնները կէս առ կէս կատարեցէք, մաքուր ու կոկիկ: Միշտ յաջորդ օրուան դասերը նախորդ իրիկուրնէ պատրաստեցէք և առաւօտները ժամանակին դպրոց եկէք: Այսպէս, դասի առնն միշտ յաջող պատասխաններ պիտի տաք, լաւ թիւեր պիտի ստանաք և ուսուցիչներուն քով յարգ ու պատիւ պիտի ունենաք: Օրէնքը յարգեցէք միշտ և կարգապահ աշակերտներ եղէք:

Այս բերացեով՝ կանոնաւոր կերպով գործի սկսած պիտի ըլլաք, այսպէս պիտի վարժուիք և սովորութիւնը երկրորդ բնութիւն մը պիտի ըլլայ ձեզի համար:

ԲԱՅԱՏՐՈՒԹԻՒՆՆԵՐ.— Կազդուուիլ = Ոյժ առնել, ոյժերը ժողով: Մն ուրեմն = Ձե՛զ տեսնեմ, (հայտէ): Լծուիմք = Բեռը տանելու սկսինք: Արձառ լուծ, երկար փայտ մը, որուն կը կապեն կենդանիները երկու կողմէն, բնա մը տանելու համար: Կէս առ կէս = Ծայրը ծայրին, բան չփախցուցած: Կարգապահ = Կարգ և պահ բառերէն, կը նշանակէ կարգը, կանոնը պահող: Բերացե = Երթալու կամ վարուելու ձեւ:

ԳՐԱԻՈՐ ՊԱՐՏԱԿԱՆՈՒԹԻՒՆ

(Կետրուն տեղ յամառ բառեր դրեմ)

Ես այս տարի դասարանը մտայ: Ուսուցիչս է :
Ընկերներս հաս եմ: Այսօր մեկ դասերը
ստիմեմ:

4. ԿԵԱՆՔԸ ՇՍՐԺՈՒՄ Է

Տղա՛ք, բնա չկարծէք թէ դուք էք որ միայն կ'աշխատիք: Աշխատութիւնը պարտք մըն է ամէնուն համար, աշխատիլ պէտք է ապրելու համար:

Առտուն կանուխ երբ ելլէք, դպրոց երթալու ատեն, չորս կողմերնիդ նայեցէք: Ճամբաները լեցուն, հանրակառքերը լեցուն, շոգենաւերը լեցուն, մա՛րդ, մարդ: Այսքան մարդիկ, մեծ ու պզտիկ, իրենց փափուկ անկողինները ձգած՝ մութնուլտուն՝ ճամբայ ելած են արդէն և կ'աճապարեն, կը վազեն որ հասնին:

Ո՞ւր կ'երթան ասոնք ամէնը և ինչո՞ւ: Արդեօք բոլորն ալ դա՞ն ունին ձեզի պէս: Ո՛չ, ասոնք բոլորն ալ գործի կ'երթան, աշխատելու կ'երթան, որպէսզի հաց և ապրուստ ձարեն իրենց համար, իրենց ընտանիքին համար:

Կը նշանակէ թէ՛ աշխարհի մէջ ապրելու համար աշխատութիւն պէտք է, բայց այնպիսի աշխատութիւն մը որ օգտակար ըլլայ ամէնուն, որպէսզի վարձատրուի և ապրուստի միջոց մը ըլլայ աշխատողին համար:

Աշխատութիւններ կան որ թերի են, որովհետեւ պէտք եղածին պէս չեն կամ ուզուածը չեն: Աշխատութիւն մը կատարեալ ըլլալու համար, հարկ է որ աշխատողը իր գործին աէրը ըլլայ, զայն աղէկ գիտնայ և ամէն ջանք ընէ օրէ օր աղէկ ընելու:

Ասոր համար մշակուած միտք ունենալու է կամ ուսում և կրթութիւն պէտք է:

Այն բոլոր անձերը՝ որ այսօր կարեւոր գործի մը վրայ են և յարգ ու պատիւ ունին, լաւ գիտցէք որ իրենց պզտիկ տարիքին մէջ, ձեզի պէս դպրոց եկած,

աշխատած և բան սորված են:

Մտքի աշխատութիւն, ձեռքի աշխատութիւն, ամէն աշխատութիւն օգտակար է և գովելի: Ծուլութիւնը միայն ամօթ է: Որովհետեւ կեանքը շարժում է, ուրեմն ծոյլերը ապրելու իրաւունք չունին: Պատիւ աշխատասէ՛րներուն և ամօ՛թ ծոյլերուն:

ԲԱՌԵՐ. — Բնա = եւ ոչ մէկ ասեն: Կ'ըսեն նաեւ երբեք: Թերի = Պակաս: Հակասակն է անբերի, կատարեալ: Կատարեալ = Լման, պակաս չեղող: Գովելի = Գովուելու արժանի: Կեանք = Ապրիւր:

ՀԱՐՅՈՒՄՆԵՐ. — Ինչպէս կ'ըլլայ կեանք. — Ապրելու համար ի՞նչ ընել պէ՛տք է. — Առտուն կանուխ ո՞ւր կ'երթայ ամէն մարդ. — Ի՞նչ. — Ի՞նչ տեսակ աշխատութիւն պէ՛տք է. — Ո՞րն է կատարեալ աշխատութիւնը. — Ո՞ր տեսակ մարդիկ լաւ գործի տէր են. — Ո՞վ ապրելու իրաւունք ունի. — Ո՞վ չունի. — Ի՞նչ ունի՞ք:

ԳՐԱԻՈՐ ՊԼԵՏԱԿԱՆՈՒԹԻՒՆ

(Հետեւեալ խօսքեր ամբողջացուցե՛ք)

- Յակոբ դպրոց կ'երթայ, որպէսզի :
- Հերմիկ պատմեցաւ, որովհետեւ :
- Մեկ պարսկ կ'եղնեմ, երբ :
- Աշխատի կուզեմ, բայց այսօր ֆիչ մը եմ:
- Գործածուող երկարը . . . կ'ըլլայ:
- Պէ՛տք է որ աշխատի, որպէսզի զիսկսու:
- Աշխատութիւնը . . . : անկուն համար:



5. ԻՇԻԱՆՆ ՈՒ ԲԱՆՈՒՈՐԸ

Ի խան մ'իմասուն՝
 Պըսոյի պահուն,
 Տեսաւ որ մ'արի
 Բանու որ մը բարի,
 Եւ հարցուց անոր.
 — Ի՞նչ կը շահիս ամէն օր:
 — Տէր իմ, յիսուն դահեկան:
 — Բայց այդքան
 Վարձեով օրական,
 Դուն ի՞նչպէս,
 Տուն, տեղ կը պահես.
 — Ի՞նչպէս,
 Եղի, մեղրի պէս:
 Աւելին կայ դեռ,
 Հաստացէք, տէր,
 Մաս մ'ալ վասակիս
 Կուսամ ես պարսիս,
 Պահելով դըրամ

Տոկոսի անգամ:

— Ի՞նչպէս կ'ըլլայ այդ.
 Կասա՛կ կ'ընես, մարդ:
 — Կասակի, տէր իմ,
 Բընաւ սիրս չունիմ.
 Ես չեմ սընապարծ
 Ըրածս է շատ պարզ,
 Մաս մը իմ շահէս
 Կը գործածեմ ես,
 Պահելու ծերուկ
 Ծընողս աննեցուկ.
 Պարս մ'է սա արդար
 Ո՞վ է որ չի տար:
 Զուակաց հայր եմ,
 Մաս մ'ալ կը ծախսեմ
 Կըրթութեան, ուսման
 Համար անպայման:
 Ահա այս դըրամ
 Տոկոսի կուտամ:
 Մընացած շահով
 Կ'ապրիմ սպանով՝
 Ընտանեօք բոլոր,
 Հանգիս ամէն օր:
 Ի խանը ժրպսուն,
 Զեռք թոթուեց մարդուն,
 Կըրկնելով. «Իմասուն՝
 Ո՞ւրիկ է եղար. ի խան դուն»,
 Աւերակներ տես այնքան
 Ուր թողուն գտնածեր կան:

ԲԱՌԵՐ. — Արի = Բաջ: Տոկոս = Դրամին բերած շահը: Սնապարծ = Սին (պարսպ) և պարծ բառերէն. — պարսպը պարծենցող: Աննեցուկ = Առանց օգնականի: Անպայման = Անպատճառ: Թախուն = Պահու բառ: Կանն = Հարստութիւն, զրամ: Աւերակ = Փլած, Փլված տեղ:

6. ՔԵՐԱԿԱՆՈՒԹԵԱՆ ՊԱՐԶ ԴԱՍԵՐ

Քերականութիւն.— Քերականութիւնը այն դասն է որ մեզի շիտակ կարգալ, շիտակ խօսիլ և շիտակ գրել կը սորվեցնէ: Լեզու մը աղէկ գիտնալու համար քերականութիւն սորվիլ պէտք է:

Ա Ն Ո Ւ Ն

Ձեր գիտցած բառերուն, երբոր ուշադրութեամբ նայիք, պիտի տեսնէք որ անոնցմէ շատերը կամ մարդու անուն են, կամ կենդանիի և կամ անշունչ առարկայի (հոգի չունեցող բանի մը), ուստի ասոնք կը կոչուին անուն կամ գոյական: Ուրեմն անունները կամ գոյականները մեծ մասով կամ անձի (մարդու) կամ կենդանիի անուններ են և կամ առարկաներ են: Օրինակ. վահէ՛ մարդու անուն է. կասու՛ կենդանիի անուն և քար՛ առարկայի կամ իրի անուն է: (Առարկային կ'ըսեն նաև իր):

ՎԱՐԺՈՒԹԻՒՆ.— Հետեւալ բառերուն համար ըսէ՛ք թե որո՞նք մարդու անուն են, որո՞նք կենդանիի եւ որո՞նք իրի:

Ալիս, կեռաս, հող, ջուր, շուն, հայր, Յակոբ, Հերմինէ, աղուէս, փայտ, ձուկ, մուկ, կրակ, տետրակ, աղջիկ, մանչ, դեղձ, խաղող, լուցկի, թուղթ, Անահիտ, Արմինէ, վառարան, կրակ, օդ, կոշիկ:

Գրաւոր ըսէ՛ք այս պարսկականութիւնը. այսպէս՝

Ալիս մարդու անուն է:

7. ՊԱՐՏՔ ԵՒ ԻՐԱՒՈՒՆՔ

Տղա՛ք, երբ սա դիմացի խանութէն տետրակ մը կամ մատիտ մը գնէք. ամէնքդ ալ գիտէք անշուշտ թէ փոխառէ՛նք դրամ տալ պէտք է: Այնպէս չէ՞: Եթէ տետրակ մը առնել ձեր իրաւունքն է, դրամն ալ վճարել ձեր պարտքն է: Ասոր հակառակը պնդող չկայ, կարծեմ:

Ամէն օր սակայն, երբ հայրիկին, մայրիկին վրայ կը վազէք, ձեր պակասները մէջտեղ կը դնէք, այս ինչը կ'ուզէք, այնինչը կ'ուզէք և կ'առնէք գրեթէ միշտ: Խորհած ունի՞ք վայրկեան մը թէ դուք փոխառէ՛ն բան մը տուած ունի՞ք: Այս ի՞նչ տեսակ առուտուր է, մէկ կողմէն կ'առնէք և միւս կողմէն բան մը չէք տար: Ի՞նչպէս կարելի է այս:

Պիտի ըսէք անշուշտ թէ մենք զաւակներ ենք և անոնք մեր ծնողները: Ծնողք պարտաւոր են իրենց զաւակներուն հոգ տանիլ: Բայց մի մոռնաք որ աշխարհի մէջ ամէն պարտք կ'ըլլայ իրաւունքի մը համար և ամէն իրաւունք՝ պարտքի մը համար: Եթէ հայրիկը և մայրիկը պարտաւոր են ձեզի լաւ նայելու, որովհետեւ ծնողք են, փոխարէն իրաւունք ունին ձեռնէ պահանջելու որ պէտք եղածին պէս զաւակ ըլլաք, ազնիւ, բարի, պարսպանաչ և աշխատասէր: Եթէ դուք ձեր պարտքը չկատարէք, ձեր իրաւունքէն ալ կը զրկուիք: Արդարութեան օրէնքն է այս:

Դպրոցին մէջ ալ այսպէս է: Դուք կ'ուզէք որ ձեզ զասի հաննն, ձեր դասերը նային: Շատ բարի, այդ ձեր իրաւունքն է, սակայն պէտք է որ ձեր դասերը սորվիք, պարտականութիւնները լաւ կատարէք, այս ալ ձեր պարտքն է: Կ'ուզէք որ ձեզ սիրեն յարգեն, մեծարեն, լաւ, այդ ձեր իրաւունքն է, բայց ձեր

աղուոր աչքերուն համար չըլլար այս. պէտք է որ դուք ալ բարի ըլլաք, միշտ ազնիւ և քաղաքավար ամէնուն հետ: Այս ալ ձեր պարտքն է: Դուրսը, ընկերական կեանքի մէջ ալ այսպէս է: Եթէ կը փափաքիք որ ուրիշները ձեզ սիրեն, յարգեն ու պատուեն, դուք ալ ուրիշները սիրեցէք, յարգեցէք ու պատուեցէք: Եթէ դուք մարդ էք, մի մոռնաք որ ուրիշներն ալ մարդ են և իրաւունք ունին ձեռնէ պահանջելու, ինչ որ դուք կը պահանջէք իրենցմէ: Բարի և արդար եղէք ամէնուն համար:

ԲԱՐՈՅԱԿԱՆ.— Ինչ որ ցանես, ան կը քաղես, ինչ որ ընես, ան կը գտնես: Ինչ որ կ'ուզես որ ուրիշները քեզի ընեն, գուն ալ անոնց այնպէս ըրէ:

ԲԱՌԵՐ.— Փոխարէն = Անոր տեղ: Պարսանաւայ = Պարս և նաւաշի բառերէն = Պարտքը զիտցող, ճանչցող: Ընկերական = Ընկեր բառէն և ահան մասնիկէն = Ընկերներու պատկանող, մարդոց պատկանող:

ՀԱՐՑՈՒՄՆԵՐ.— Ի՞նչպէս կ'ըլլայ առուսուրը.— Ձրի բան կուսա՞ն.— Ի՞նչու համար պէ՞տք է վնարես.— Մայրիկը ու հայրիկը ի՞նչ կ'ընեն ի գի.— Ինչո՞ւ կ'ընեն.— Պարսաւո՞ր են ընելու.— Դուն ի՞նչ պիտի ընես.— Պարսաւո՞ր ես.— Ինչո՞ւ.— Ի՞նչպէս պէ՞տք է վարուի՞ն մարդիկ իրարու հետ.— Ինչո՞ւ:

ԳՐԱԻՈՐ ՊԱՐՏԱԿԱՆՈՒԹԻՒՆ

(Հետեւեալ հարցումներուն պատասխանեցիք)

Դպրոցին թոշակը ո՞վ վճարեց . . . : Ինչո՞ւ վճարեց . . . : Հայրիկը երբ անհաւգիտ ըլլայ, ո՞վ կը կանչէ թիշիլը . . . : Բժիշկ կանչել ի՞նչ է ֆեզի հաւար . . . : Ինչո՞ւ հաւար . . . : Դուն հայրիկը կը սիրե՞ս . . . : Սիրելը ի՞նչ է ֆեզի հաւար . . . : Ո՞վ կ'ըսէ ֆեզի որ սիրես . . . :



Տ. Ա Շ Ո Ւ Ն

Աշունը շատ գեղեցիկ եղանակ մըն է. ո՛չ ամառուան չափ տաք է և ո՛չ ձմեռուան պէս ցուրտ: Ծիշդ գարնան կը նմանի ան, սա տարբերութեամբ որ, երբ գարունը օդերը հեռոցհեռէ կը տաքնան, աշունը, ընդհակառակը՝ տաքէն դէպի ցուրտ կ'երթանք:

Աշունը հողի հետ աշխատողներուն յոյսերու պսակն է:

Արդարեւ այս եղանակին է որ երկրագործին ամբարանոցները և մառանները կը լեցուին տարեկան պաշարով: Զաղացքները գիշեր, ցորեկ կը բանին և ալիւր կը հայթայթեն հացի համար: Պարտիզպանն ալ շատ ուրախ է, վասնզի պտուղները կը հասնին: Խընձոր, տանձ, ծիրան, դեղձ և սերկեւիլ կողովներով կը քաղուին: Ասոնցմէ մաս մը շուկայ կը տարուի ծախուելու համար և միւս մասն ալ տունը կը մնայ, անուշեղէն պատրաստուելու համար:

Այգիներու մէջ մեծ գործունէութիւն կայ, այգեկուրք է: Այգեպանը և իր օգնականները մկրատներով կը մօտենան որթատունկերուն՝ խաղողի պատուական ողկոյզները քաղելու համար: Խոշոր կողովներու կամ



զամբիւղներու մէջ կը գետնդուին ողկոյղները՝ կանանչ տերեւներով ծածկուելով: Այդ խաղողներէն մաս մը քաղաք կը տանին ծախելու համար, մաս մըն ալ հնձան՝ ճմլելով քաղցու կամ գինի պատրաստելու համար: Մնացածովն ալ անոյշ կ'եփեն:

Բանջարանոցներու մէջ ալ ոգետուրութիւն կայ: Ասդին՝ ձմերուկ, սեխ և գետնօխնձոր դէզ, դէզ. անդին՝ ստեպղին, բողկ, շողգամ, սոխ և սխտոր կոյտերով կարգի կ'սպասեն շուկայ փոխադրուելու համար:

Աշուն, ինչ շէնշող եղանակ: Ամէն կողմ ուրախութիւն, ամէնուն դէմքին վրայ ժպիտ:

Տարեկան աշխատութեան պսակը, մրցանակն է աշունը, որ ազնուական մօր մը նման իր բարիքները կը բաժնէ աջ ու ձախ, բոլոր աշխատողներուն համար:

ԲԱՌԵՐ.— Յոյսերու պսակ = Յուսացածին. փափաքին հասնիլ: Ամբարանոց = Յորեն, գորի, ևն. պահելու տեղ: Մտան = Ուտելիք պահելու տեղ, (ֆիլի): Կր հայրայրեն = Կը ձարեն: Այգեկութ = Այգի և կրել բռնեքն, այգին կթելու, քաղելու տան: Գործունեութիւն = Շատ աշխատանք: Քաղցու = Խաղողի ջուր (օխր): Ոգետուրութիւն = Նոր հողի, ետանդ:

ՀԱՐՅՈՒՄՆԵՐ.— Աւունը ի՞նչ տեսակ եղանակ է.— Որո՞ւ կը նմանի.— Աւնան երկրագործը ուրախ կ'ըլլա՞յ.— Ինչո՞ւ.— Պարսիզպա՞նը.— Ինչո՞ւ.— Այգեպա՞նը.— Ինչո՞ւ.— Ի՞նչ կ'ըսեն խաղողը քաղելուն.— Բանջարավանա՞ն ալ ուրախ կ'ըլլա՞յ.— Ինչո՞ւ: Աւունը կը սիրե՞ք:

ԳՐԱԻՈՐ ՊԱՐՏԱԿԱՆՈՒԹԻՒՆ

(Սա հարցումներուն գրաւոր պատասխանեցե՛ք. ամբողջ խօսե՛րով)

Աշունը կը սիրե՞ք : Ինչո՞ւ : Աշունը ո՞ր եղանակին կը նմանի : Ի՞նչ տարբերութիւն ունի անկե : Որո՞նք աւելի գոն կ'ըլլան աշունեն :

9. ՔԵՐԱԿԱՆՈՒԹԵԱՆ ՊԱՐՉ ԴԱՍԵՐ

ԱՆՈՒՆՆԵՐՈՒ ՏԵՍԱԿԸ

Անունները երկու տեսակ են, յատուկ և հասարակ: Յատուկ կ'ըսուի այն անունը, որ իր տեսակին մէջ մէկ հատ է. կամ իրեն պէս ուրիշ մը չկայ աշխարհի մէջ: Օր. Աստուած, Պօլիս, Ալիս յատուկ անուններ են:

Մարդոց, երկիրներու, քաղաքներու և իրենց տեսակին մէջ մէկ հատ եղող իրերու անունները յատուկ են:

Յատուկ անունները գլխազիրով կը գրուին:

Հասարակ են այն անունները, որոնց պէս շատ կը գտնուի. օր. ծառ, քար և տուն հասարակ են, որովհետեւ շատ ծառեր, շատ քարեր և շատ տուներ կը գտնուին:

ՎԱՐԺՈՒԹԻՒՆ 1.— Հետեւեալ բառերէն զատել յատուկներ եւ հասարակներ եւ եկու կարգի վրայ գրել.

Արփինէ — տետրակ — գիրք — Իզմիր — Մարմարա — Չամբըճա — Բերա — Սամաթիա — ձուկ — աղ — պանիր — Յովսէփ — կատու — Երուանդ — Պրուսա — դաշտ — ծով — Սեւ Մով — նեղուց — Վասիլիի նեղուց — եկեղեցի — Ս. Թագաւոր — մզկիթ — Այա-Սօֆիա:

ՎԱՐԺՈՒԹԻՒՆ 1.— Չատել հետեւեալ բառերէն անձի, կենդանիի եւ իրի անունները:

Երուանդ, ջուր, կատու, ծաղիկ, վարունգ, մուկ, առու, գիր, հայր, մայր:

10. ՀԱՅՐԻԿԻՆ ԱՆՈՒՆԸ

Անուանդ աղուոր տօնին առթիւ
 Ի՞նչ նուիրեմ, քեզի, հայր,
 Հոգիս լեցուն մրրմունջ առթիւ,
 Խորան մ'է սրբս քեզ համար:


Պարկե՛ս հօր մը ազնիւ տիպար,
 Ընճանքիդ անձնուէր:
 Մեզ կը սիրես անկեղծաբար,
 Խորհեա՛յ մի՛ս բարին մեր:

Ուսի այսօր երախտապարտ,
 Կուգամ, հայրիկ աննըման,
 Զաւակներուդ կողմէն հրպարս
 Հանդիսանալ քեզ թարգման:

Կը մաղթեմ որ շատ ապրիս դուն,
 Քեզմով շէն է ընճանքի.
 Գուն մեր կեանքն ես. իրիկուն, առտուն.
 Ապրէ՛, հայր, մի՛ս երջանիկ:

ԲԱՌԵՐ.— Մրմունջ = Բարակ ձայն շրթունքներուն մէջէն:
 Անքիւ = Խիստ շատ, համրանք չունեցող: Խորան = Եկեղեցիին
 սեղանը, զատուած բարձր մասը: Տիպար = Օրինակ. օրինակ ըլլա-
 լիք: Անձնուէր = Իր անձը, ինքզինքը տուող: Անկեղծաբար =
 Առանց ձեւի, իրաւէն: Երախտապարս = Աղէկութիւն գիտցող:
 Հանդիսանալ = Հանդէսի մէջ ելլել, երեւիլ, ըլլալ:

ԲԱՐՈՅԱԿԱՆ.— Ծնողք Աստուծոյ փոխանորդներն են
 երկրի վրայ: Անոնք ձեզ ձեր կարծածէն աւելի կը սիրեն ձեզ
 և գիշեր, ցերեկ կը գուրգուրան ձեր վրայ: Աղօթք ըրէք որ
 անոնք շատ ապրին և երջանիկ տպրին:



11. ԵՐԿՐԱԳՈՐԾԸ

Աշունը, երբ քիչ մը առաջանայ, սովորաբար անձ-
 րեւները կ'սկսին և հողը կը կակուղնայ: Յետոյ, երբ
 օդերը բացուին, ժիր երկրագործը առիթէն օգուտ քա-
 ղելով, աւնանացանի կ'սկսի:

Հուժկու եզները ամառուան հիւրեղ խոտերէն վերջ,
 աշնան գարին ու վարսակը կուշտ ու կուռ ճաշակելով,
 առիւծներու պէս կայտառ երեւոյթ մը ունին:

Արօր կը լծուի:

Բարի հողագործը իր ուռած խոշոր գոգնոցէն հե-
 տղհետէ կը հանէ բուռ, բուռ ցորենը և կը նետէ ալօս-
 ներուն երկայնքը՝ աղօթք մը մրմնջելով, երբ ետեւէն
 օգնականը եզները կը քշէ: Արօրին խօփը լայն, լայն
 ալօսներ կը բանայ, տակնուվրայ ընելով հողը: Այս-
 պէս կը տեւէ ժամեր ամբողջ, մինչեւ որ ամբողջ արտը
 ցանուի, հերկուի: Յետոյ արօրը կը թողուն և օտարին
 կը լծեն եզները՝ խոռոչները գոցելու և հերկուած հո-
 դերը հաւասարցնելու համար: Իրիկուան յոգնած, դադ-
 րած, մարդ ու կենդանի տուն կը դառնան իրենց ար-
 դար հանգիստը վայելելու համար: Արտերէն մաս մը
 այսպէս կը ցանուի, կը հերկուի, որքան ատեն որ օդե-
 րը թոյլատու ըլլան: Մնացած մասը գարնան կը մնայ:

Աշնանացանը օգտակար է գիւղացիին համար, վասնզի մէկ կողմէն՝ իր տարեկան աշխատութեան մէկ մասը կատարած կ'ըլլայ արգէն: Միւս կողմէն, ցանուած հատիկները հողին մէջ կը պատսպարուին ձիւնէ վերմակներու տակ և գարնան առաջին շունչին տակ, կ'սկսին ծիլեր արձակել, երբ գարնանացանը տակաւին սկսած չէ: Տաւալի է որ մեր գիւղացիներէն շատերը հակառակ իրենց այնքան աշխատանքին, նիւթական այնքան փայլուն վիճակ մը շունին, պատճառը այն է որ տարին գրեթէ վեց ամիս կ'աշխատին և վեց ամիս պարապ կը կենան: Ո՛ւր էր թէ ձեռական աշխատութիւն մըն ալ սորված ըլլային, ձմեռները զբաղելու և շահ մըն ալ անկէ քաղելու համար:

ԲԱՌԵՐ. — Աւանագան, աւուն և ցան բառերէն. աշնան մէջ եղած ցան: Լուծիւ = Շատ ուժով: Հիւքեղ = Մէջը լեցուն նիւթ. ոյժ տուող: Արօր = Կոր գործիք մը՝ արտ վարելու համար: Բուռ = Ա.փ մը լեցուն: Խոփ = Արօրին ծայրի սուր երկաթը: Ակօս = Խոփին հողին մէջ բացած ճեղքը: Տափան = Երկար տափակ փայտ մը, հողը հաստարցնելու համար: Խոռոչ = Փոս: Թոյլասու ըլլայ = Թող տալ: Ծիլ արձակել = Ծիլ տալ. նոր բունի: Գարնանացան, գարուն և ցան բառերէն. գարնան մէջ ցանք: Նիւթական փայլուն վիճակ = Հարուստ:

ՀԱՐՅՈՒՄՆԵՐ. — Ե՞րբ կ'սկսի աւանագանը. — Ի՞նչ պէս կը ցանէ գիւղացին. — Ի՞նչ է արօր. — Ի՞նչ է խոփը. — Ի՞նչ է ակօսը. — Ո՞վ կը ֆաւէ արօր. — Ի՞նչ օգուտ ունի աւանագանը. — Բոյր արտերը կը ցանէ՞ գիւղացին. — Մնացածը Ե՞րբ. — Մեր գիւղացիները ամէնքն ալ հարուստ են. — Ինչո՞ւ չէ:

ԳՐԱԻՈՐ ՊԱՐՏԱԿԱՆՈՒԹԻՒՆ
(Կետրուն տեղ յարմար բառեր դրեմ)

Գիւղացին աշունը եւ գարունը կը փարկ իր : Երբ օդերը : Ան իր արտերուն մեջ կը ցանէ : Երկրագործը բաց օդին մեջ առտընէ : Երկրագործը կ'ըլլայ որովհետեւ աշխատութիւնը մարդը :

12. ՔԵՐԱԿԱՆՈՒԹԵԱՆ ՊԱՐՉ ԴԱՍԵՐ

ԱՆՈՒՆԻՆ ԹԻԻԸ

Թիւ, ինչպէս գիտէք համբաւ ըսել է: Քերականութեան մէջ անունները կը համբեն երկու կերպով, մէկ հատը գատ, մէկէ աւելի եղողները գատ: Ասոր համար թիւը երկու է, եզակի և յոգնակի:

Եզակի. — Եզ՝ մէկ ըսել է, հետեւաբար անուն մը եզակի է, երբ մէկ հատ է: Օրինակ. շուն, տուն և կատու եզակի են, որովհետեւ մէկ շուն, մէկ տուն և մէկ կատու կը նշանակեն:

Յոգնակի. — Յոգն՝ շատ կը նշանակէ: Անուն մը յոգնակի է, երբ մէկէ աւելի ցոյց կուտայ, քանի հատ ալ ըլլայ: Օրինակ. շուներ, տուներ և կատուներ յոգնակի են, որովհետեւ մէկէ աւելի շուն, տուն և կատու կը նշանակեն:

Եզակիները կրնանք յոգնակի ընել և յոգնակիները եզակի ընել:

Եզակի անուն մը յոգնակի կ'ըլլայ երկու ձեւով. Ա. Եթէ անունը միավանկ է, անոր առջեւը կ'աւելցնենք եր. օր. շուն=շուներ, տուն=տուներ, հաց=հացեր:

Բ. Եթէ անունը բազմավանկ է, այսինքն մէկէ աւելի վանկ ունի, առջեւը կ'աւելցնենք ներ. օր. կատու—կատուներ, տետրակ—տետրակներ: Յատուկ անունները, որովհետեւ իրենց տեսակին մէջ մէկ հատ են, յոգնակի չունին:

ՎԱՐԺՈՒԹԻՒՆ. 1. — Հետեւեալ եզակիները յոգնակի ըրեմ:
Վարդ, փուշ, նաւ, դասարան, հաւ, թռչուն, հող, տախտակ, դանակ, կրակ, ջուր, վատարան, գրատախտակ:

ՎԱՐԺՈՒԹԻՒՆ. 2. — Հետեւեալ յոգնակիները եզակի ըրեմ, աւելցած մասնիկներ (հանի մը գիրք, որոնք մեկեկ ձայն մը կը հանեն) վերցնելով.

Սեղաններ, վարդեր, մանչեր, աղջիկներ, տետրակներ, ծովեր, օրիորդներ, ձաղեր, նասակներ, փայտեր:

13. ԿՐԱԿԸ, ՉՈՒՐԸ ԵՒ ՊԱՏԻԸ

(Առակ)

Կրակը, շուրը և պատիւը օր մը իրարու հանդիպեցան, իրար շատ սիրեցին և որոշեցին միասին ապրիլ: Բայց գործի ալ երթալ պէտք էր: Օր մը անոնցմէ մէկը բաժնուելու ատեն, ըսաւ.

— Եթէ պատահի որ մէկզմէկ կորսնցնենք, ի՞նչպէս պիտի գտնենք:

Չուրը պատասխանեց.

— Ձիս գտնել շատ դիւրին է: Ուր որ թաց կամ խոնաւ է, ես միշտ այնտեղ եմ:

Կրակը ըսաւ.

— Ձիս ալ գտնել դժուար չէ: Տաքէն չեմ բաժնուիր ես, ուր որ տաք է, ես հոն եմ միշտ:

Պատիւը լուռուժուց մէկդի կեցած էր.

— Քեզ ո՞ւր կրնանք գտնել, չըսե՛ս, կրկնեցին ընկերները:

— Ձի՞ս, աւա՛ղ. աւելցուց յուզուած ան, եթէ զիս անգամ մը կորսնցնէք, ա՛լ չէք կրնար գտնել:

ԱՌԱԿ.— Առակը պատմուածք մըն է, կամ տեսակ մը հեկեարուր կենդանիները կամ անշունչ առարկաները կը խօսին, կը գործեն մեզի օգտակար բան մը կամ բարոյական մը սորվեցնելու համար:

ԲԱՌԵՐ.— Միասին = Իրարու հետ: Լուռուժուց = Առանց ձայնի: Աւա՛ղ = Ի՞նչ գէշ բան. կը ցախիմ բեր: Յուզուած = Միտքը ելած, գէշ եղած:

ՀԱՐՅՈՒՄՆԵՐ.— Ուր՞եք իբրեւ հանդիպեցան.— Ո՛ւր պիտի կրնայ ճ գտնել ջուրը. Կրակը.— Պատիւը:


ԳՐԱԲՈՐ ՊԱՐՏԱԿԱՆՈՒԹԻՒՆ

Կրակը մեզի օգտակար է, որովհետեւ . . . : Չուրն ալ օգտակար է, որովհետեւ . . . : Բայց պատիւը ամենէն անկի օգտակար է, որովհետեւ . . . :


14. ՆԱԿԱՍՏԱԿԸ ՈՒ ԿՐԻԱՆ

(Առակ)

Նապաստակ տեսած էք. չեմ կարծեր, թերեւս մորթը տեսած ըլլաք: Ան դիւրաւատի և աշխոյժ կենդանի մըն է, որ շատ շուտ կը վազէ: Կրիան գիտէք անշուշտ. պարտէզներու մէջ կրնաք հանդիպիլ անոր իր պատեանին, այսինքն ոսկրէ տուփին մէջ կծկտած: Շատ դանդաղ է ան և իր տուն բերը դժուար կը քշէ, կը տանի:



Հիմա ըսէք, կարելի՞ է որ կրիան վազելու համար մրցումի ելլէ նապաստակին հետ: Ոչ, պիտի ըսէք անմիջապէս: Ո՛չ, անշուշտ, և իրաւունք ալ ունիք: Բայց սակայն այս չըլլալիք բանը եղաւ: Տեսէք թէ ի՞նչպէս: Իրա՛ւ, օրին մէկը կրիան նապաստակին գնաց և վազելու մրցում ստաջարկեց:



— Խելքդ թոցուցի՞ր, ըսաւ նապաստակը ծիծաղելով: Ինքնաւա՞րձ պիտի նստիս: Ես ո՞վ եմ, դուն ո՞վ:

— Ո՛չ կատակ չեմ ըներ, շատ լուրջ է ըսածս: Եւ եթէ յաջողիս, փառաւոր ճաշ մը կուտամ քեզի: Դուն ալ նոյնը պիտի ընես:

— Շատ աղէկ, ըսաւ նապաստակը, մտածելով որ զուարեութիւն մըն էր վերջապէս: Մրցումի կէտ որոշուեցաւ դիմացի բլրակը:

Կրիան անմիջապէս ճամբայ ելաւ: Նապաստակը, ըսես, խնդալով այդ խեղճ սողունին վրայ, աջ դարձաւ, ձախ դարձաւ, ասդին ցատկեց, անդին ցատկեց,

քիչ մըն ալ պառկեցաւ, ըսելով որ իրեն համար բա՞ն
մըն էր այդ միջոցը, մէկ ուսումով կը կտրէր: Մէկ
մըն ալ, ի՞նչ տեսնէ, կրիան մըցումի կէտին կը մօտե-
նար: Յատկեց մէկէն, սակայն շատ ուշ էր, կրիան իր
տեղը հասած էր արդէն և մըցանակը շահած:

ԲԱՌԵՐ.— Իիւրաւարժ = Դիւրին շարժող, վազող: Առաջարկեց
= Սօսքը բրաւ, մէջտեղ դրաւ: Լուրջ = Առանց կատակի: Փառա-
ւոր = Շատ ազուր որ երկոցոյ: Զուարճութիւն = Ուրախութիւն:
Ուսում = Յատկել:

ՀԱՐՅՈՒՄՆԵՐ.— Կրիան ի՞նչ առաջարկեց նապաս-
տակին.— Այդ մըցումը կարելի՞ էր.— Ի՞նչ ըսաւ նապաս-
տակը.— Կրիան ի՞նչ ըրաւ.— Նապաստակը ի՞նչ.— Ո՞վ
շահեցաւ մըցանակը.— Ի՞նչու:

ԲԱՐՈՅՍԱԿԱՆ.— Երբեմն վազելէն աւելի աղէկ է միշտ բախել:
Դասերու մէջ ալ այսպէս է. միշտ աշխատողն է որ կը յաջողի:

ԳՐԱԻՈՐ ՊԱՐՏԱԿԱՆՈՒԹԻՒՆ

(Կետրուց սեղ յարմար բառեր դրեմ)

Զգիտնալը ստօք չի աւօք է: Միշտ փառ, երբեմն
սեղ: Ով որ դասերը միշտ լինուքեան օրը չի :
Յարստեւ աշխատութիւնը առեւ ըսնի : Եթէ սուր միտ ունիս
մի կրնայ ըրալ որ մեկը այնքան խելացի չըլլար, ապայն միշտ
աշխատելով կրնայ :

15. ՔԵՐԱԿԱՆՈՒԹԵԱՆ ՊԱՐԶ ԴԱՍԵՐ

ԱՆՈՒՆՆԵՐՈՒՆ ՀՈՒՈՎՈՒՄԸ

Հոլովել կը նշանակէ դարձնել իրարու ետեւէ: Ա-
նունները հոլովել կը նշանակէ, այդ անունները իրա-
րու ետեւէ ցոյց տալ խօսքին մէջ առած իրենց զա-
նազան ձեւերով անոնց ծայրը գիր մը կամ գիրեր
աւելցնելով: Հոլովելու կերպին կ'ըսեն հոլով:

Հոլովը վեց է. ուղղական, հայցական, սեռական,
տրական, բացառական և գործիական:

Ուղղական ուղիղ, շիտակ կը նշանակէ: Արդարեւ
ուղղականը բուն բան է, որ ետեւէն աւելցած գիր
չունի:

Ուղղականը խօսքին մէջ բան մը ընողն է, որ կը
գտնուի ով կամ ի՞նչ հարցումով: Շնչաւորներու հա-
մար է ո՞վը և անշունչներու համար ի՞նչը: Օր. վահ-
րամ եկաւ. ո՞վ եկաւ.— վահրամ: վահրամ ուղղական
հոլով է: Անձրեւ եկաւ: ի՞նչ եկաւ.— անձրեւ, ուղ-
ղական հոլով է:

Հայցական կը նշանակէ հայցել, այսինքն ուզել:
Արդարեւ հայցականը կը գործածուի շատ անգամ,
բան մը ուզելու կամ խնդրելու խօսքերուն մէջ: Հայ-
ցականն ալ, ուղղականին կը նմանի և կը գտնուի
ո՞վ կամ ի՞նչ հարցումով, ճիշդ ուղղականին պէս, միայն
թէ ուղղականը բան մը ընողն է կամ ուզողը, երբ հայ-
ցականը կատարուած կամ ուզուած բանն է: Օր. ես
հաց կ'ուզեմ: Ես ի՞նչ կ'ուզեմ.— հաց: Հացը ուզուած
բանն է:

ՎԱՐԺՈՒԹԻՒՆ.— Հետեւեալ խօսքերուն մեջ ուղղականը եւ հայ-
ցականը գտնել ո՞վ կամ ի՞նչ հարցումներով, իրենց սեղերուն համեմատ:

Ես տուն գացի: Այլիս հաց կ'ուզէ: Վահէ դուրս ելաւ: Ես տեա-
րակ մը գնեցի: Սահակ զգրոց գնաց: Ծագիկը շատ կը սիրեմ:
Թոշունը ելաւ բոնէն: Շոգենաւր մեկնեցաւ: Աթոռը ինկաւ: Պտու-
ղը կը սիրեմ: Զուրը յատակ է: Մեղրը անոյշ է:



16. ԳՈՐՏՆ ՈՒ ԿՈՎԸ

Կր՛ն, կր՞ն, կր՛ն, կր՞ն. գո՛ն, գո՛ն, գո՛ն,
Կեճափը կար մեծ ժըխոր:

— Ի՞նչ է, ի՞նչ այս վայնասուն,
Չայն կուսայ.
Դար է դար,

Ամէն անասուն:

— Ա՛մպ կը գոռայ,
Կըսէր կըրիայ:

— Ո՛չ, երկիճեք կուգայ փուլ
Կըսէր ձուկընկուլ:

Վերջապէս, կէս վախով, կէս գողով,
Եկան գետին փով:

Ի՞նչ տեսնեն, սըմսեղուկ, շոշոր՝
Ափը կար մէկ գորս:

Գո՛ն, գո՛ն, գո՛ն, գո՛ն, գո՛ն,
Ու ուժովն իր բոլոր,

— Է՛հ, չէ՞ք տեսեր, կը մեծնամ, կը մեծնա՛մ,
Կը կըրկնէր գորսն անըզգամ:

— Պի՛սի մեծնամ, ափ՛սի մեծնամ տակաւին,
Մի՛նչեւ հասնի՛մ սա կովին:

— Հա՛սայ, հա՛սայ, բաւակա՞ն է, հի՛՛ող ըսէք,

— Ո՛չ, երբեք, ո՛չ երբեք:

— Է՛հ, հիմա՞, հիմա՞, դիճեցէ՞ք:

— Ո՛չ երբեք, երբե՛ք:

— Հիմա՞, ի՞նչ կ'ըսէք:

Բերանն էր

Խօսը դեռ,

Երբ կենդանին ճէ՞ք

Մէկէն պայթեցա՛ւ...:

Ցա՛ւ, ցա՛ւ, ցա՛ւ:

Ինչո՞ւ, որովհետեւ, մաս մը հասակով,

Խեղճը կ'ուզէր ըլլալ կով:


ԲԱՌԵՐ. — Ժխոր = Աղմուկ, իրարանցում: Վայնասուն = Խառնակ ձայներ: Դար = Բարձր տեղ: Փուլ գալ = Փչիլ: Ձուկընկուլ = Ձուկ կլկող ձերմակ թռչուն մը: Մմսեղուկ = Քաշուած: Անզգամ = Անպիտան, աներես: Չէք = Խեղճ:

ԲԱՐՈՅՍԱՆ. — Ամէն մարդու կանգունովը կտաւ չեն տար: Չափդ դիացիր, հասակէդ վեր գործերու մի խառնուիր: Վերջին զղջումը օգուտ չունի: Արժանիքի տէր մարդիկ համեստ կ'ըլլան և շարունակ յառաջ կ'երթան, մինչդեռ հպարտները պարապ տակառներու կը նմանին, որոնք արժէք մը չունին և միայն գլուխ կը ցաւցնեն:

17. ՏՈՒՆՆ ՈՒ ԴՊՐՈՑԸ

Տղան իր փոքր տարիքին մէջ փափուկ խմոր մըն է առանց ձեւի և գոյնի: Այդ խմորը ճիշդ ձեւը կամ դրոշմը կ'առնէ այն կաղապարին, որուն մէջ կը դրուի: Տղուն համար նախապէս այդ կաղապարը իր տունն է, յետոյ կուգայ դպրոցը:

Տղուն առաջին դաստիարակը իր մայրն է, որ իր անարատ կաթին հետ կուտայ նաեւ իր գաւկին՝ առաջին կրթութեան գործնական դասերը ասինանաբար, անոր կարողութեան սահմանին մէջ:



Տղան իր մայրը կը սիրէ, ուստի անոր նմանիլ կ'ուզէ ամէն կերպով: Կը նշանակէ թէ մայրերը ազնուական տղայներ են իրենց զաւակներուն՝ խօսքով և գործքով:



Երբ տունը իր պաշտօնը լաւ կատարած է, դըպրոցին գործը կը դիւրանայ: Դպրոցին պարտականութիւնն է տունը սկզբուած գործը շարունակել, և կամ ընտանիքին տուած առաջին դրոշմը խորացնել, յղկել և ազնուացնել, տղան հետզհետէ կրթելով և ուսումի բարեբար սերմերը ցանելով անոր մտքին մէջ:

Տղան ինչպէս որ կը սիրէ իր ծնողքը, կը սիրէ նաև իր դաստիարակը որ բարոյական ծնող մըն է և սիրտ ու հոգի կը դնէ իր աշխատանքին մէջ: Դաստիարակին և աշակերտին փոխադարձ սէրը կը դիւրացնէ

կրթութեան գործը և դեղեցիկ արդիւնքներ կուտայ: Ազնիւ դաստիարակը, ոյքան դասերով, նոյնքան և իր անձին օրինակով կ'ազդէ տղուն վրայ: Ուստի ճշմարիտ դաստիարակները, ինչպէս արժանաւոր մայրերը, լաւագոյն տիպարներն են իրենց աշակերտներուն համար:

Դպրոցը, կրնանք ըսել, բարոյական պարտէզ մըն է, ուր ուսանողները տունկեր են և դաստիարակները պարտիզպաններ: Ինչպէս որ տունկ մը կանոնաւոր կերպով աճելու համար պէտք ունի պարտիզպանին խնամքին և յօսոցին, այնպէս ալ աշակերտը կրթութեամբ և զարգանալու համար կը կարօտի դաստիարակին հոգածութեան և հսկողութեան:

Ուսումը այսօր հացի չափ անհրաժեշտ է: Եթէ հացը մարմինին կարեւոր է, ուսումն ալ միտքին: Ո՛չ առանց հացի և ո՛չ առանց ուսումի կրնայ ապրիլ մարդ: Սակայն բան մը կէս մը գիտնալը՝ գիտնալ ըսել չէ, պէտք է աղէկ գիտնալ: Այսօր մրցում կայ ամէն դի: Շատերը կ'աշխատին, սակայն լաւագոյն աշխատողներն որ կը շահին: Շատերը գիտնալ կը կարծեն, սակայն լաւագոյն գիտցողներն են, որ կը շահին:

ԲԱՌԵՐ.— Իրոճ = Պատկեր, օրինակ: Կաղապար = Օրինակելու գործիք (գալըպ): Նախապէս = Առաջին անգամ: Անարատ = Արատ չունեցող, չխարդախուած: Ասինանաբար = Քիչ, քիչ, երթալով: Տիպար = Էն աղէկ օրինակը: Խորացնել = Խորունկցնել: Յղկել = Աւելորդը ստնել, շտկել: Բարեբար — Բարի և արար (ընող), աղէկութիւն ընող: Փոխադարձ = Երկու կողմէն: Խնամք = Տարուած հոգ: Յօսոց = Պարտիզպանին կարող գործիքը: Հոգածութիւն = Հոգ տանիլ:

ՀԱՐՑՈՒՄՆԵՐ.— Ինչի՞ կը նմանի փոքր տղայ մը. — Ո՞վ ձեւ կուտայ անոր. — Ո՞վ ցանը մէջ. — Ո՞վ դպրոցիկ մէջ. — Ի՞նչ է դպրոցիկ գործը. — Մայր մը ի՞նչպէս կրնայ լաւագոյն կերպով ազդել իր զաւկին վրայ. — Դաստիարակը ինչպէս. — Ի՞նչի կը նմանի դպրոց մը. — Ո՞վ է տունկը. — Ո՞վ է պարտիզպանը. — Բան մը ի՞նչպէս գիտնալու է. — Ինչո՞ւ:

18. ՔԵՐԱԿԱՆՈՒԹԵԱՆ ՊԱՐՉ ԴԱՍԵՐ

ԱՆՈՒՆՆԵՐՈՒՆ ՀՈՂՈՎԸ

Սեռական հոլով. — Սեռ՝ տեսակ կը նշանակէ և սեռական՝ տեսակի պատկանող: Արդարեւ սեռական հոլովը բանի մը տեսակը, այսինքն որուն ըլլալը յոյց կուտայ: Սեռական հոլովը կը շինուի անունին վրայ աւելցնելով սովորաբար ի գիրը՝ եզակիի համար և կը գտնուի որո՞ւն կամ ի՞նչէն հարցումով: Օրինակ. վահանին տունը: Որո՞ւն տունը. — վահանին: վահանին սեռական հոլով է: Ծառին ճիւղը, որո՞ւն կամ ինչի՞ն ճիւղը. — ծառին: Ծառին սեռական հոլով է:

Տրական հոլով. — Տրական կը նշանակէ տրուելու պատկանող: Արդարեւ տրական հոլովը կը գործածուի շատ անգամ բան մը ապուլ կամ մէկուն երթալու գործողութեան մէջ: Տրականը կը կազմուի սեռականին պէս անունին վրայ աւելցնելով սովորաբար ի գիրը՝ եզակիի համար: Տրական հոլովը կը գտնենք ընելով որո՞ւ կամ ի՞նչ բանի հարցումը: Օր. Շաքէին գիրք մը տուի: Որո՞ւ տուի. — Շաքէին: Շաքէին տրական հոլով է: Ծառին դպաւ: ի՞նչ բանի կամ ի՞նչին դպաւ. — ծառին: Ծառին տրական հոլով է: Յետոյ աւելի աղէկ պիտի հասկնաք սեռականին և տրականին գործողութեան տեղերը:

ՎԱՐԺՈՒԹԻՒՆ. 1. — Հետեւեալ խօսքերուն մէջ գտնի սեռականներ որո՞ւն կամ ի՞նչին հարցումերով:

Պարտէզին դուռը բաց է: Ծառին արմատը հաստ է: Պատուհանին ապակին կոտրեցաւ: Սօսին ձեռքը մաքուր է: Լիւրին գիրը աղո՞ր է: Դպրոցին ատենը եկաւ:

ՎԱՐԺՈՒԹԻՒՆ. 2. — Հետեւեալ խօսքերուն մէջ գտնի տրականներ որո՞ւ կամ ի՞նչ բանի հարցումներով:

Օրիորդին գնաց: Աղքատին հաց տուի: Գանուկին կեր տաբաւ: Մայրիկին պիտի երթամ: Գոնապանին ըսի: Ալիս պատին զարնուեցաւ: Հերմինէին պատմեցի:



20. ԵՐԿՈՒ ՃԱՄԲԱՅ

Երբ հասաւ ծայրը լայն պողոտային,
Տրդան շուարած՝ կանգ առաւ յանկարծ.
Իր առջեւ երկու համբաներ կային,
Ո՞ր մէկը ընտէր, ահա դժուար հարց:

Աջէ՞ն երբար քէ ձախէն, սրդան հէ՞ք
Քիթը կը քեւեր, միտք կը չարչարէր:
Յուցասախակ մը կար հոն, շուտ աղէ՛կ,
Բայց անոր գիրերն ալ կարդալ պէտք էր:

Եկո՛ւր, տես սակայն որ սրդան տըգէտ
Դըպոց չէր գացած, օ՛հ, ի՞նչպէս կարդար,
Կ'ուզէր որ տախտակն այդ խօսէր իր հետ...
Ուսի կը նայէր անոր անդադար:

Այսպէս կ'ըսպասէր խեղճը մըսածկոս,
Բախտէն է՞ն հեծած մարդ մը մօտեցաւ
Եւ ըսաւ. «սրդա՛ւ, ի՞նչ կ'սպասես հոս.»
Տրդեկըն անոր հասկըրցուց իր ցաւ:

Հեսելէ ի՞՞՞՞՞, ըսաւ գիւղացիին,
Մըսէէ չանցընես թէ էլն է անբան,
Ձուրը կը տա՛ի քեզ պէս խելացիին,
Հեսելէ ի՞՞՞՞՞, ան գիտէ նամբան:

Տըղան կը քալէր գլխիկոր, սրբում,
Ի՞՞՞՞՞ մը ըլլար իրեն առաջնորդ,
Անեո՛ւ՞՞՞, քանի որ չէր առած ուսում,
Պէ՛ս էր որ ի՞՞՞՞՞ ըլլար հեռուորդ:

ԲԱՌԵՐ.— Պողոսայ = Մեծ ճամբայ: Կանգ առաւ = Կեցաւ:
Հե՛ք = Խեղճ: Տգե՛ս = Բան չգիտցող, հակասակն է գիտուն: Գլխի-
կոր = Գլուխը ծուռ: Հեսելորդ = Ետեւէն գացող, հակասակն է
առաջնորդ = առջեւէն գացող: Անբան = Չխօսող, կենդանի:
Բնագդ = Բուն և ազդ բառերէն. կը նշանակէ, բնականէն ազդե-
ցութիւն, կամ բնական խելք:

ԱՌԱՄ.— Մազը, մօրուքը բան մը չեն մարդուն.
Եթէ չունի խելք կամ միտք իմաստուն:

ՄՏԱԾՈՒՄՆԵՐ.— Մարդ իր խելքովը միայն կը
գատուի կենդանիներէն: Երբ իր խելքը չի մշակեր և բան
չի սորվիր, պէտք չէ պարծենայ թէ մարդ է: Կենդանիներ
կան որ իրենց բնագոյով կամ բնականէն եղած պզտիկ խել-
քով աւելի կ'արժեն քան կարգ մը անմիտ մարդիկ:

21. ԿՐԹՈՒԹԻՒՆ, ԱՄԷՆ ԲԱՆԷ ԱՌԱՋ (Աւանդութիւն)

Ուսումն ու կրթութիւնը այսօր չէ որ միայն յարգ
ուներն, հին ատեններն ալ այսպէս էր, թէև չափով մը:
Կը պատմուի թէ ժամանակաւ, լանկ-թիմուր ա՞-
խարհակալը շատ մը երկիրներու տիրելէ վերջ եկաւ,
հասաւ մինչև Սվազ քաղաքը, որուն ժողովուրդին
շատ նեղութիւն տուաւ: Յետոյ անցաւ մօտակայ գիւղ
մը, որուն գիւղապետը կանչեց: Տասնըվեց տարեկան
պատանի մը ներկայացաւ և յարգանքով բարեւեց զայն:
— Տղա՛ս, ես գիւղապետը կանչեցի, ըսաւ լանկ-
թիմուր:

— Գիւղապետը ես եմ, պատասխանեց տղան ա-
նեղիւղ:

— Դուն ի՞նչպէս կրնաս ըլլալ գիւղապետ:

— Ներողութիւն, տէր իմ, աւելցուց տղան, ին-
չո՞ւ չէ. հասա՞կ, եթէ կ'ուզես, ծառն ալ ունի, մօ-
րո՞ւք, եթէ կ'ուզես, այծն ալ ունի, խե՛լք, եթէ կ'ու-
զես, չեմ կարծեր որ պակսի իմ քով:

Լանկ-թիմուր քննելով, հասկցաւ որ արդարեւ այդ
տղան դպրոց գացած և ուսում առած էր: Չանազան
հարցումներ ըրաւ անոր և շատ յաջող պատասխաններ
ընդունեց: Ասոր վրայ, այնքան գոհ մնաց որ հրամա-
յեց այդ գիւղին խնայել, որուն համար մինչև այսօր
գիւղը կը կոչուի Գալսը, թուրքերէն բառ մը, որ ինչ-
պէս գիտէք, կը նշանակէ մնաց, այսինքն յարձակումէ
զերծ մնաց:

ԲԱՌԵՐ.— Յարգ = Պատիւ: Ախարհակալ = Աշխարհի տիրող:
Մօտակայ = Մօտը գտնուող.— մօս և կալ (կենցալ) բառերէն:
Անեղիւղ = Անվախ: Արդարեւ = Իրաւ որ: Յարձակում = Մէկուն
վրայ քայել շեռակու համար: Չերծ = Ազատ:

ՀԱՐՑՈՒՄՆԵՐ.— Հին ատեններն ալ ուսումը կարելու՞
էր.— Ո՞ր գնաց Լանկ-թիմուր.— Գիտի՞ն մէջ ո՞վ կանչեց.
— Տղան ի՞նչ պատասխան տուաւ.— Ի՞նչպէս էր այս պատաս-
խանը.— Ի՞նչ կը սորվի՞ այս պատմութեան:

22. Մ Ա Յ Ր Ի Կ Ի Ս

Տարեդարձիդ այս պահն աղուոր
Առիթ մըն է շոտ յարմար,
Ի՞նչ կ'ուզես որ մաղթեմ այսօր,
Անոյ՛ց մայրիկ, քեզ համար:

Առողջութի՞ն, աւելորդ բան.
Մայր, պէ՛տք չունիս դուն անոր.
Քեզ կը պահէ Աստուած պապան
Քաջառողջ ես ամէն օր:

Հարբասութի՞ն, ունիս արդէն,
Ալ աւելին ի՞նչ ընես,
Փա՛նօք Աստուծոյ, ոչ մէկ ասեն,
Դուն բանի մը կարօտ չես:

Երջանկութի՞ն, գայն ունիս մի՞տ
Ամէնք քեզ կը սիրեն:
Եւ օր մ'օրանց արխրութիւն, վիշտ,
Աղուոր աչքերդ քրջած չեն:

Ի՞նչ մաղթեմ քեզ, գոհա՞ր, զարդե՞ր,
Ունիս զանոնք լիօրէն,
Եւ թէ ուզես ունենալ դեռ,
Կըրնաս գրնել շուկայէն:

Բան մը կ'ուզեմ գրսնել սակայն,
Մաղթանք մը շոտ ըզգայուն,
Որ հասարակ չըլլայ այնքան,
Անակընկալ մը սիրուն:

Քայց ի՞նչ ըսեմ որ յարմարի,
Նորուս մ'եմ ես դեռ զիար,
Եւ դուն բան մը չունիս թերի
Որ ըլլամ քեզ օգտակար:

Սիրս ու հոգիս քեզի նուէր,
Կեանքս ալ նոյնիսկ վըրայ սամ,
Դարձեալ դուն ես պահանջատէր,
Ես պարտական կը մընամ:

Հետեւաբար կը մաղթեմ որ,
Խելքս ո՞ւր էր, գըտայ, քես,
Անմահ ըլլաս, մայրիկս աղուոր,
Որ մի՛տ սիրեմ, պաշտեմ քեզ:

ԲԱՌԵՐ.— Տարեդարձ = Տարի և դարձ բառերէն, տարին դառնալու, նորելու օր: Առիթ = Յարմար առնելու: Մաղթել = Աղէկ բան մը ուզել մէկուն համար: Քաջառողջ = Շատ առողջ: Տխրութիւն = Տրամոթիւն: Վիճ = Սրտի ցաւ: Լիօրէն = Լի՛ լիցուն բառէն, առատ կերպով: Հասարակ = Սովորական: Անակընկալ = Չսպասուած բան: Նորուս = Նոր և ուս բառերէն, նոր սորվող: Թերի = Պակաս: Նոյնիսկ = Անտամ: Հետեւաբար = Անոր համար, ուստի: Դոհար = Թանկագին քար. օրինակ. ազամանդ:

ՄՏԱԾՈՒՄՆԵՐ.— Մայրիկը երկինքէն զրկուած պահապան հրեշտակ մըն է դաւկին համար: Տղայ մը ինչ որ ընէ, մայրիկին երախտիքը չի կրնար փոխարինել: Պէտք է որ մինչեւ վերջը՝ հոգիովը սիրէ գայն և այդ սէրը իր գործերով ցոյց տայ, որպէսզի մայրիկը շատ ապրի և երջանիկ ըլլայ:

23. ՔԵՐԱԿԱՆՈՒԹԵԱՆ ՊԱՐՁ ԴԱՍԵՐ

Բացառական հոլով. — Բաց առնել կը նշանակէ մէկ-
 զի առնել և բացառականի՝ բան մը մէկէ մը առնելու
 կամ հանելու պատկանող կը նշանակէ: Արդարեւ բա-
 ցառական հոլովը կը գործածուի սովորաբար մէկէ մը
 առնելու, կամ հանելու խօսքերուն մէջ: Բացառակա-
 նը կը կազմուի անունին ծայրը աւելցնելով է գիրը:
 Բացառականը կը գտնենք ո՞ւրիկէ կամ ի՞նչ բանէ հար-
 ցումներով: Օր. Տունէն ելաւ: Ո՞ւրիկէ լլաւ. — տունէն:
 Տունէն՝ բացառական հոլով է: Ծովէն ձուկ կ'ելլէ. —
 Ո՞ւրիկէ կ'ելլէ. — ծովէն: Ծովէն՝ բացառական հոլով է:

Գործիական հոլով. — Գործիական կը նշանակէ
 գործիքի պատկանող: Արդարեւ գործիական հոլովը
 կը գործածուի՝ գործիք կամ միջոց ցոյց տալու համար
 խօսքին մէջ: Գործիականը կը կազմուի անունին
 վրայ աւելցնելով ով և կը գտնուի ինչո՞վ կամ ի՞նչ
 բանով հարցումով: Օր. աչքով կը տեսնեմ, ձեռքով
 կը գրեմ: Ի՞նչով կը տեսնեմ. — աչքով. ինչո՞վ կը
 գրեմ. — ձեռքով: Աչքով և ձեռքով՝ գործիական հոլով-
 ներ են:

ՎԱՐԺՈՒԹԻՒՆ. 1. — Հետեւեալ խօսքերուն մէջ գործիական հոլով-
 ները գտնել ի՞նչով կամ ի՞նչ բանով հարցումներով:

Ուրբով կը քայլենք: Բերանով կ'ուտենք: Քիթով չունչ կ'առ-
 նենք: Գրէչով կը գրենք: Մտախօսով կը գծենք:

ՎԱՐԺՈՒԹԻՒՆ. 2. — Հետեւեալ խօսքերուն մէջ գտնել ուղղական,
 հայցական, սեռական, սրական, բացառական եւ գործիական հո-
 լովները, հարկ եղած հարցումները բնելով:

Արշակին հայրը բարի է: Ալիսին տունը մօտ է: Նուարդ Արմի-
 նէին թողթ տուաւ: Այս տղան աթոռէն ինկաւ: Կաւիճով կը գրենք:
 Գարոցին աղաքը զբօսանք կ'ընեն: Ծունը կատուին մօտեցաւ:

24. ՊԱՐԿԵՇՏ ԵՂԻՐ ԱՄԷՆ ԲԱՆԻ ՄԷՁ

Դուք Հրաչը կը ճանչնաք, այնպէս չէ՞ և կը սի-
 րէք անշուշտ, որովհետեւ զայն ճանչնալ և չսիրել կա-
 րելի չէ: Տեսէք, տեսէք, գեղեցիկ գլուխ մը, պայ-
 ծառ, խելացի ճակատ և Արեւելքցիի փայլուն, վառ-
 վառն աչքեր. անմիջապէս ուշադրութիւնդ կը գրաւէ:
 Բարութիւն կը վազէ իր դէմքէն և եղ ու մեղը՝ իր
 շրթներէն:

Հրաչ շատ պարկեշտ տղայ մըն է, այսինքն՝ չ'ըներ
 այն բանը որ չի վայելեր կամ պատիւի դէմ է, ու-
 բեմն Հրաչ պատուաւոր տղայ մըն է:

Հրաչ բնաւ սուտ չի խօսիր, որովհետեւ սուտը
 անպատիւ մարդիկ կը խօսին: Պարկեշտ մարդուն
 այոն, այո կ'ըլլայ, ոչն ալ ոչ, ինչպէս կ'ըսէ Ս. Գիրքը:
 Այսինքն՝ այո ըսելու տեղը՝ այո կ'ըսէ, ոչ ըսելու
 տեղն ալ ոչ: Մէկ խօսքով, պարկեշտ մարդը միշտ շի-
 տակը կամ ճշմարիտը կը խօսի:

Հրաչ երբեք մարդ չի խաբեր, քանի որ սուտ չի
 խօսիր: Խաբերայութիւնը ստորին մարդոց գործն է:
 Հրաչ անոնցմէ շատ վեր է: Խաբերան վերջը վերջը
 խայտառակ կ'ըլլայ: Արդէն ժողովրդական առածը կ'ը-
 սէ. «Ստախօսին ճրագը ժամանակ մը կը վառի»:

Հրաչ շատախօս չէ: Ան շատ մտիկ կ'ընէ, քիչ կը
 խօսի և հաշիւով կը խօսի, վախնալով որ աւելորդ
 բան մը կ'ըսէ կամ մէկը կը վիրաւորէ: Շատախօսը
 պարապ տակառի մը կը նմանի, որուն աղմուկը գլուխ
 կը ցաւցնէ:

Հրաչ անիրաւ ալ չէ: Կը յարգէ իր ընկերներուն
 իրաւունքը և իր պարտականութիւնները լիովին կը
 կատարէ: Չ'ըներ բնաւ ուրիշին՝ այն բանը, որ չ'ուզեր
 որ ուրիշները ընեն իրեն:

Հրաչ ոչ կեղծաւոր է, ոչ ալ շողմոք: Ան քաղաքավար է միայն ամէնուն հետ: Քաղաքավար ըլլալ ինքզինքը ստորնացնել չի նշանակեր, ոչ ալ կապիկի ձեւեր առնել: Պարկեշտ մարդը ոչ կը հպարտանայ, ոչ ալ կ'ստորնանայ:

Յաւալի է որ ձեր շուրջը կը գտնուին անպարկեշտ մարդիկ ալ, որոնք ո՛չ խիղճ ունին, ո՛չ ամօթ: Անոնք ամէն բան կ'ընեն իրենց շահուն համար: Զգոյշ ըլլալու է այսպիսիներէ, որոնք ընկերութեան աղտերն են կամ արատներ մարդկութեան համար:

ԲԱՌԵՐ. — Անպատիւ = Պատիւ չունեցող: Երբեք = Եւ ոչ մէկ ատեն: Ստորին = Վարնոց: Խաբեբայ = Խաբող մարդ: Անիրաւ = Իրաւունք չունեցող: Լիովին = Ամբողջ: Կեղծաւոր = Սուտ տեղը ձեւեր ընող: Շողմոք = Ուրիշին քծնող: Ստորնացնել = Վար զարնել: Յաւալի = Յաւելու արժանի, ցաւելիք: Խիղճ = Մեր ներքէն եկած ձայն մը բարիք ընելու համար: Ընկերութիւն = Մարդիկ, որոնց հետ ընկեր ենք:

ՀԱՐՅՈՒՄՆԵՐ. — Կը նանչնա՞ք Հրաչը. — Ի՞նչպէս սղայ է. — Պարկե՞տ է. — Ի՞նչ ըսել է պարկետ ըլլալ. — Սուտ կի խօսի՞. — Ինչո՞ւ չէ. — Մարդ կը խաբէ՞. — Ինչո՞ւ չէ. — Անիրա՞ւ է — Շատախօ՞ս է. — Կե՞ղծաւոր է. — Ինչո՞ւ չէ. — Բ՞ր տեսակ անձերէ զգուցանալու է:

ԳՐԱԻՈՐ ՊԱՐՏԱԿԱՆՈՒԹԻՒՆ
(Կետեան տեղ յարմար բառեր դրեմ)

Աշխ պարկեշտ . . . : Ան սուտ . . . : (Ինչո՞ւ) . . . :
Ան մարդ չի խաբեր, (ինչո՞ւ) . . . : Ան շատախօս չէ, (ինչո՞ւ) . . . :
. . . : Ան կեղծաւոր չէ, հապա . . . : անկեան հետ, Զգոյշ ըլլալ . . . :
Ազնիւ եւ պարկեշտ ըլլալ պարտք մըն է . . . : հաւատ:



25. ԱԳՌԱԻՆ ՈՒ ԱՂՈՒԷՍԸ
(Առակ)

— Է՛հ, բարի՛ յոյս, պարուն ագուս,
Շատ սիրունիկ ես դուն, իրաւ,
Ա՛հ, սա ձայնիդ ախորժելի՛
Մէկը չըկայ որ չզմայի:

Արեւո՛ւղ մեռնիմ,
Քիչ մ'երգէ, նայիմ:

Այսպէս ըսաւ վարպետդ
Աղուէսն որ մը, շատ անօրի.
Երբ տեսաւ որ ծառք թրուս՝
Շեռտ մը պանիր բերանն ագուս:

Աղուէսն առաւ հոտ,
Պանիրն էր իւղոտ:
— Մ՛ն, ձայնիդ մեռնիմ,
Քիչ մ'երգէ, նայիմ:

Գովեստէն ո՞վ հանոյք չ'ըզգար,
Մեր ագուսն ալ խելով սրկար
Բացաւ բերանն, ի՛նչ գրիսու ցաւ,

Տրգեղ *կրօնն* մը լլսուեցաւ,
 Բայց նոյն պահուն, չա՛ր սասանայ,
 Պանիրն է որ, սես, վար կ'իյնայ:
 Աղուէսն իսկոյն մաւակեց գայն,
 Յետոյ ըսաւ. «Ագուաիկ ջան,
 Զայնդ է իրաւ խըռպոտ, ապուս,
 Բայց պանիրդ է, համեղ անուս».

Ես կ'երթամ հիմակ,
 Դուն երգէ միմակ:

Աւսարհի մէջ մեր շուրջն ու մօտ
 Կեղծաւորներ կան անասօր:
 Անոնց խօսքին մի հաւատամ,
 Թոյն կայ անոնց հայր լեզուին տակ.
 Ագուաին փորձն աս
 Թո՛ղ ըլլայ տեգ դաս:

ԲԱՌԵՐ. — Ախորժիկ = Համ ւնեցող, հասնելիք: Զմայլիկ =
 Շատ հասնիլ: Գովես = Գովելու խօսք: Գոխնչ = Ագուաին ձայնը:
 Խոպոս = Հաստ, աղեղ ձայն: Համեղ = Համով, համը ազուսը:

ԱՌԱՄ. — Անոյշ լեզուին տակ երբեմն թոյն կայ պահուած:

ՄՏԱԾՈՒՄՆԵՐ. — Միշտ զգոյշ եղիր ընկերներէդ:
 Անոնք ամէնը ճշմարիտ բարեկամներ չեն: Շատ անգամ
 փորձէ մէկը և յետոյ բարեկամ ըլլէ զայն: Զգոյշ եղիր
 այնպիսիներէն, որոնք բարեկամ անունին տակ կը մօտենան
 քեզի և շահ մը կ'սպասեն: Անոնք աղէկ օրերու բարեկամ-
 ներ են միայն: Յետոյ երբ շահ չունենան, երեսդ անգամ
 չեն նայիր:

26. ՔԵՐԱԿԱՆՈՒԹԵԱՆ ՊԱՐՁ ԴԱՍԵՐ

ԱՆՈՒՆՆԵՐՈՒՆ ՀՈՒՈՎԸ

Առջի դասերուն մէջ տեսանք որ ամէն բառ իր
 պարզ վիճակին մէջ եզակի ուղղական կամ հայցական
 է: Սեռականը և տրականը կը կազմուին սովորաբար
 անունին ծայրը աւելցնելով ի՛ գիրը: Բացառականին
 համար անունին ծայրը կ'աւելցնենք է և գործիականին
 համար ով: Ուրեմն անուն մը եզակի այսպէս կը հո-
 յովուի ընդհանուր կերպով:

Առնենք օրինակ ծառ բառը՝

ՀՈՒՈՎՈՒՄ (Ընդհանուր ձեւ)

Ե Զ Ա Կ Ի

Ո: դրական. —	Ծառ
Հայցական. —	Ծառի
Սեռական. —	Ծառի
Տրական. —	Ծառի
Բացառական. —	Ծառէ
Գործիական. —	Ծառով

Յ Ո Գ Ն Ա Կ Ի

Անուններուն յոգնակին կազմելու համար, ինչ-
 պէս գիտէք, միավանկներուն ծայրը կ'աւելցնենք
 սովորաբար եր և բազմավանկներուն ծայրը՝ ներ:
 Ուրեմն յոգնակի ուղղական և հայցականը իրենց վեր-
 ջը ունին եր կան ներ: Յոգնակի սեռականը և տրա-
 կանը կը կազմուին ուղղականին ծայրը աւելցնելով
 ու, բացառականին համար է և գործիականին համար
 ով. ճիշդ եզակիի պէս: Հոյովները գտնելու համար
 պէտք եղած հարցումները ճիշդ եզակիի պէս են:

ՀՈԼՈՎՈՒՄ (Ընդհանուր ձեւ)

Յ Ո Գ Ն Ա Կ Ի

Ո.	Ծառեր	Գրիչներ
Հ.	Ծառեր	Գրիչներ
Ս.	Ծառերու	Գրիչներու
Տ.	Ծառերու	Գրիչներու
Բ.	Ծառերէ	Գրիչներէ
Գ.	Ծառերով	Գրիչներով

ՎԱՐԺՈՒԹԻՒՆ. 1 — Հոյովել հետեւալ բառեր եզակի եւ յոգնակի:


Քար, առխաակ, հաց, զպրոց, կոշիկ, վայա:

ՎԱՐԺՈՒԹԻՒՆ. 2 — Գտնել ստորագծուած բառերուն հոյովներ եզակի կամ յոգնակի, պէտք եղած հարցումներով:

Ծառին տերեր ինկաւ: Աշակերտները դուրս ելան զպրոցէն: Թռչունը կը բռնի թռչելով: Կառքը դուրս ելաւ ճամբայէն: Ծրթունքէն արիւն եկաւ: Ես ծագիկները կը սիրեմ: Ուսողիչը աշակերտներուն դաս տուաւ: Թռչունները ելան իրենց վանդակներէն: Աթոռին ոտքը կոտրած էր: Կառքին գոյնը ներմակ է: Փուսը հացերով լեցուն է: Պարաէզներուն գիրքը շատ աղուտ էր:

ՎԱՐԺՈՒԹԻՒՆ 3 — Հետեւեալ բառերուն մեջ՝ եզակիներ յոգնակի եւ յոգնակիներ եզակի ընել:

Գպրոցին աշակերտները: Ծովուն այլքը: Ծառերուն տերերնէրը: Տախտակին վրայ: Կախճով կը գրեն գրատախտակին վրայ: Գրիչով կը գրեն թուղթին վրայ:



Թուրք Հանրապետութեան Մեծ Նախագահ

ԿԱԶԻ ՄՈՒՍԹԱՅԱ ՔԷՄԱԼ ՓԱՇԱ

27. Հ Ա Յ Ր Ե Ն Ի Ք

Դուք ամէնքդ ալ ձեր տունը կը սիրէք: Ձեզի համար էն աղուորն է ան, վասնզի ձեր տունն է և հոն է որ հանգիստ կ'ընէք, այնպէս չէ՞: Ձեր հայրենիքն ալ, այսինքն ձեր բնակած երկիրը ճիշդ ձեր տանը պէս է: Հոն է որ ծնած էք և հոն կը մեծնաք: Անոր ցաւը ձեր ցաւն է և անոր երջանկութիւնը ձեր երջանկութիւնը, ուրեմն պէտք է սիրէք ձեր հայրենիքը, այնպէս՝ ինչպէս որ կը սիրէք ձեր տունը:

Եթէ պատահի որ բաժնուիք օրին մէկը ձեր տունէն, անոր կարօտը կը քաշէք բնականաբար: Եթէ բաժնուիք ձեր հայրենիքէն, անոր կարօտն ալ պիտի քաշէք շատ, շատ: Պանդուխտներ կան որ հայրենիքին կարօտովը կը հալին, կը մաշին և նոյնիսկ հիւանդութեան մը կը բռնուին, որ կը կոչուի հայրենաբաղձութիւն, այսինքն հայրենիքի կարօտ: Ասո՞ք կը բժշկուին միայն այն ատեն, երբ հայրենիք վերադառնան,

Ձեր հայրենիքը Թուրքիան է. շատ գեղեցիկ երկիր մը, հարուստ իր փառքով և աւանդութիւններով: Այս պատուական երկիրը վերջերս սուլթան կոչուած ունէր և նոյնիսկ մեծ պատերազմէն ետք՝ թշնամի բանակներ հայրենի հողը մտան, բայց թուրքը՝ հետոսներու զաւակ, գերի չէր կրնար ըլլալ: Մեծ ազատարար, կազի Մուսթաֆա Քէմալ փաշա մէջտեղ ելաւ. իր շուրջը հաւաքեց բոլոր հայրենասէրները և տարիները ամբողջ, առիւծի պէս պատերազմելով թշնամիները վտարեց երկրէն, Ազգային ժողով գումարեց և Հանրապետութիւն հռչակեց, որուն նախագահը եղաւ ինք մեծ կազին, կարգ, կանոն և օրէնք դնելով մեր սիրելի հայրենիքին մէջ և նոր յառաջդիմութեան ճամբաներ բանալով:

Տղաք, երջանիկ համարեցէք ինքզինքնիդ որ մեծ կազին օրով ապրելու բախտն ունիք: Ան աչքին լոյսին պէս կը սիրէ ձեզ և կը փափաքի որ մեր դպրոցները շատ կանոնաւոր ըլլան, մեր տղաքը լաւ ուսում առնեն, ապագային օգտակար ըլլալու համար թէ իրենց սիրելի հայրենիքին և թէ ամբողջ մարդկութեան:


ԲԱՌԵՐ.— Պանդուխտ = Հայրենիքէն բաժնուած մէկը: Աւանդութիւն = Հայրենիքէն լուսւած պատմութիւններ: Վարիչ = Կառավարող: Ազատարար = Ազատ և առաւ բառերէն, ազատութիւնը նող, բերող: Վտարեց = Դուրս քշեց: Հանրապետութիւն = Կառավարութիւն մ. որ ժողովներէ առաջ կու գայ: Նախագահ = Կառավարութիւն մեծը: Համարեցէք = Սկսեցէք: Ազգայ = Ետքը գալիք ժամանակ:

ՀԱՐՑՈՒՄՆԵՐ.— Ձեր տունը կը սիրէ՞ք այնպէս չէ. ի՞նչպէս կ'ուզէք որ ըլլայ. — Ի՞նչ է հայրենիքը. — Մերն է ձեր հայրենիքը. — Կը սիրէ՞ք զայն. — Ինչո՞ւ. — Ի՞նչպէս եր մեր երկրին վիճակը պատերազմէն վերջ. — Ո՞վ ազատեց զայն. — Ի՞նչ քրաւ մեծ կազին. — Ինչո՞ւ. — Դուք կը սիրէ՞ք կազին. — Ի՞նչպէս ցոյց պիտի տաք ձեր սէրը:

ԳՐԱԻՈՐ ՊԱՐՏԱԿԱՆՈՒԹԻՒՆ

(Կեսերուն տեղ յարմար բառեր դրեմ)

Իմ հայրենիքս . . . եւ ես կը սիրեմ զայն եւ չեմ ուզեր անկի . . . : Մեծ կազին ցոյց կու տայ մեզի մեր . . . : Ես պիտի աշխատեմ որ . . . տրոփեմ եւ օր մը . . . ըլլամ թի . . . եւ թի . . . : Մարդ պիտի չե ապրի միայն . . . հասկար, այդ ցանկալու ե նստե . . . ըլլալ . . . հասկար, Հայրենասէր կը կոչուի այն մարդը, որ . . . կը սիրէ: Ես կը փախափեմ միշտ . . . ըլլալ:



Անարիա եւ Էրեբաս լեռը

28. ՈՎ Է ԲՈՒՆ ՀԱՅՐԵՆԱՍԷՐԸ

Թուրքիոյ փառաւոր պատմութիւնը հայրենասիրութեան գեղեցիկ օրինակներով լեցուն է: Դուք հետզհետէ պիտի տեսնէք զանոնք ձեր պատմութեան դասերուն մէջ: Այսօր միայն ձեր աչքերը մեծ կազիին դարձուցէք: Ան իր հանգիստը չխորհեցաւ, աշխատեցաւ, յոյնեցաւ շատ մը նեղութիւններ 4 աշեց, մինչև որ իր նպատակին հասաւ, ազգին արցունքը սրբեց և յուսաւոր ապագայ մը պատրաստեց անոր:

Ամէն մարդ այդքան մեծ գործեր չի կրնար կատարել, պիտի խորհիք դուք: Իրաւունք ունիք, սակայն անհարբեր կենալը մեղք է, ամէն մարդ աշխատելու է իր պարտականութիւնը կատարելու և օգտակար ըլլալու թէ իրեն և թէ հայրենիքին: Հայրենասէր է ան, որ իր պարտքը կը կատարէ միշտ ժամանակը եկած ատեն:

Այսպէս, երկրագործը որ իր արտը կը հերկէ օրն ի բուն, կը ցանէ, կը քաղէ և տուրք կը մճարէ, հայրենասէր մըն է, որովհետեւ հայրենիքին համար իր պարտքը կը կատարէ:

Հայրենասէր մըն է նաեւ երկաթագործը, որ կրակին դիմաց կը կենայ օրն ի բուն, արիւն քրտինք կը մտնէ և ծանր մուրճ մը շարժելով՝ երկրին համար օգտակար գործիքներ կը պատրաստէ:

Այսպէս են նաեւ բոլոր արհեստաւորները:

Հայրենասէր մըն է նաեւ սա պարզ զինուորը, որ թշնամիին դէմ կը կռուի և արիւն կը թափէ պաշտպանելու համար իր ընտանիքը, պատիւը և հայրենիքը: Ան սիրով կը մեռնի, որպէսզի ուրիշները ապրին, իրենց պատիւովը ապրին:

Հայրենասէր պիտի ըլլաք նաեւ դուք, սիրելի տղաք, եթէ ձեր ժամանակը պարապ չանցրնէք և աշխատիք անդադար մշակելու ձեր միտքը և ազնուացնելու ձեր սիրտը, որպէսզի օր մը, երբ մեծնաք, արծաճաւոր քաղաքացիներ ըլլաք և գործով ցոյց տաք ձեր սէրը հայրենիքին համար:

ԲԱՌԵՐ.— Անհարբեր = Բանի մը համար հոգ չընող: Արծաճաւոր = Արժէք ունեցող:

ՀԱՐՑՈՒՄՆԵՐ.— ՈՎ է մեծ հայրենասէրը.— Ամէն մարդ մեծ կրնայ ըլլալ.— Ասոր համար ձեռքը ծալած կենալու է.— Հայրենասէր է երկրագործը.— Երկաթագործը.— Զինուոր.— Դուք ալ կ'ուզէ՞ք հայրենասէր ըլլալ.— Ի՞նչ ընելու էք ասոր համար:

ԳՐԱԻՈՐ ՊԱՐՏԱԿԱՆՈՒԹԻՒՆ
(Պակաս խօսքերը ամբողջացուցիք)



Ն Ա Մ Ա Կ
Իերա, 16 Յուլիս 1933

Սիրելի ծնողքս
Ես կը փափայիմ որ զինուոր ըլլամ, երբ . . . : Ասոր համար
ճասնաւոր ուշադրութիւն կ'ընեմ . . . դասին, որպէսզի . . .
գորակայ եւ պարտականութիւնս . . . կատարել: Այս մտածումիս
համար . . . եք, այնպէս չէ: Զեր հայրենասէր զաւակը

29. ՔԵՐԱԿԱՆՈՒԹԵԱՆ ՊԱՐՉ ԴԱՍԵՐ

Յ 0 Դ

Յօդ՝ կապ կը նշանակէ կամ կապող: Յօդ կամ որոշեալ յօդ կը կոչուին ը և ն գիրերը, որ անունին ծայրը կը դրուին զայն ուրիշներէն զատելու կամ որոշելու համար: Երբ անուն մը յօդ չունի, անորո՞ւ է, որ ըսել է որոշ չէ, այսինքն ամէնուն համար կ'իմացուի և ոչ թէ յայտնի կամ զատ բանի մը համար, օր. երբ ըսեմ, հաց կ'ուզեմ, պէտք է հասկնալ թէ որ և իցէ հաց կ'ուզեմ, այսինքն ո՞ր հացը կ'ուզէ, ըլլայ. բայց երբ ըսեմ՝ հացը կ'ուզեմ, պէտք է հասկնալ թէ այնի՞չ հացը կամ զատ հաց մը կ'ուզեմ:

Բաղաձայնով վերջացած բառերուն համար յօդն է ը, իսկ ձայնաւորով վերջացողներուն համար ն. օր. կ'ըսենք ծառը, որովհետեւ վերջին գիրը բաղաձայն է իսկ կատուն, որովհետեւ ու ձայնաւոր է: Բառ մը որ յօդ չունի, անորո՞ւ է: Անորոշ է նաև երբ ծայրը ունի մը կամ մըն: Օր. ծառ, կամ ծառ մը անորոշ է, որովհետեւ ամէն ծառ կամ որ և իցէ ծառ կը հասկցուի: Սա բան մըն է: Մը կամ մըն անորո՞ւ յօդ կը կոչուի: Բառերը յօդերով ալ կը հոլովուին, օրինակ.

Որո՞ւնեալ յօդ

Անորո՞ւ յօդ

Եզակի	Յոգնակի	Եզակի	Յոգնակի
Ո. Ծառը	Ծառերը	Ծառ մը	Ծառեր
Հ. Ծառը	Ծառերը	Ծառ մը	Ծառեր
Ս. Ծառին	Ծառերուն	Ծառի մը	Ծառերու
Տ. Ծառին	Ծառերուն	Ծառի մը	Ծառերու
Բ. Ծառէն	Ծառերէն	Ծառէ մը	Ծառերէ
Գ. Ծառով	Ծառերով	Ծառով մը	Ծառերով

Վ.Ա.Թ.ՈՒԹԻՒՆ.— Հետեւեալ բառերուն ծայրը որո՞ւնիչ եւ անորո՞ւ յօդ մը աւելցուցե՛ք:


Տուն, ատու, եկեղեցի, տարի, բարի, կաթ, ջուր, մատանի, ծով, գիր, հողի, մարմին, ձեռք, աղուոր:

30. ԵՐԿՐԻՆ ՉՈՐՍ ԳԼԽԱԻՈՐ ԿՈՂՄԵՐԸ

Հորիզոն.— Երբ դաշտը ելլէք պտոյտի համար, չորս կողմերնիդ նայեցէք: Պիտի տեսնէք որ հեռուն ձեր շուրջը բարձր տեղերը կայծեա թէ երկինքին հետ միացած են: Այդպէս երեւցած տեղերը հորիզոն կը կոչուին:

Հիմա դաշտին մէջէն պիտի յառաջանաք տեղ մը երթալու համար, բայց ո՞ր կողմը պիտի երթաք: Ուրեմն կողմերը գիտնալ պէտք է:

Երկիրը չորս գլխաւոր կողմեր ունի. արեւելք, արեւմուտք, հիւսիս և հարաւ: Այն կողմը ուրկէ արեւը կը ծագի, կը կոչուի արեւել: Անոր դիմացի կողմը, ուր արեւը մարը կը մտնէ, կը կոչուի արեւմուտք: Երբ երեսնիս արեւելք դարձնենք, ձախ կողմերնիս հիւսիս է և աջ կողմերնիս հարաւ:



Մարդիկ ցամաքի և ծովու վրայ ճամբորդելու համար միշտ պէտք ունին կողմերը գիտնալու: Հին ատենները երկրիս կողմերը գիտնալու համար մարդիկ կը նայէին աստղերուն: Յետոյ հնարուեցաւ կողմնացոյցը որ շատ մեծ ծառայութիւն կը մատուցանէ ճամբորդներուն, մանաւանդ երբ օդը անպամած է կամ մշուշ կայ: Կողմնացոյցը ժամացոյցի պէս կ'որտուի մըն է, որուն սլաքներէն մէկը մագնիսացած ըլլալով միշտ դէպի հիւսիս կը նայի:

Աշխարհագրութեան քարտէսներու մէջ, միշտ վերի կողմը հիւսիս է, վարի կողմը հարաւ, աջ կողմը՝ արեւելք և ձախ կողմը՝ արեւմուտք:

Մեր քաղաքին համար հովին ուղղութիւնն ալ կողմը ցոյց կուտայ: Երբ հովը ցուրտ է, հիւսիսէն կը փչէ, իսկ երբ տաք է, հարաւէն:

ԲԱՌԵՐ.— Ամպամած = Ամպով ծածկուի: Մագնիս = Մագնիս մը որ իրեն քաշելու ոյժ ունի:

ՀԱՐՅՈՒՄՆԵՐ.— Խճ է հորիզոնը.— Իրա՞ւ լեռները փակա՞ծ են երկինքին հետ.— Երկրիս գլխաւոր կողմերը քա՞նի հաս են.— Ո՞րն է արեւելքը.— Արեւմու՞տքը.— Հիւսիսը.— Հարա՞ւը.— Խճ է կողմնացոյցը.— Քարէսին մէջ կողմերը ի՞նչպէս կը գտնուին:

ԱՌԱԾ.— Մինչեւ որ ձին ձի ըլլայ, ի՞նչ կը քաշէ ձիուն տէր. Մինչեւ տղան մարդ ըլլայ, ի՞նչ կը քաշեն վարպետներ:


ԳՐԱԻՈՐ ՊԱՐՏԱԿԱՆՈՒԹԻՒՆ

(Հետեւեալ խօսքերը ամբողջացուցե՛ք)

Այն կողմը, ուրիկ արեւը կը ծագի կը կոչուի . . . : Արեւմուտք է այն կողմը ուր . . . : Երբ երեւնիս արեւելք դարձնենք . . . մեր . . . կողմն է, հարաւը . . . : Քարտէսին սեղ . . . կողմը արեւելք . . . արեւմուտք, աջ կողմնակիս . . . ձախ կողմնակիս . . . :

31. ԱՐԵՒԵՒԵՐԿԻՐ

Արեւը, այն աղուոր ոսկեփայլ գունդը, որ առտուն կանուխ հորիզոնէն կը բարձրանայ և իրիկունը մարը կը մտնէ մարմուն ցուրբերով, պիտի գարմանաք, այնպէս չէ՞, երբ ըսեմ ձեզի թէ, անտարժ է: Այո՛, արեւը հաստատուն աստղ մըն է, շարժողը մենք ենք կամ երկիրը, ո՛չ թէ արեւը: Բայց ինչո՞ւ պիտի ըսէք, մենք



ամէն օր կը տեսնենք որ արեւը կը ծագի և մարը կը մտնէ: Իրաւունք ունիք, միայն բան մը ըսեմ ձեզի.

դուք շոգեկառքով ճամբորդա՞ծ էք: Երբ պատուհանէն նայիք, կը տեսնէք որ տուները և ծառերը կը փախչին հետզհետէ: Իրա՞ւ, այդպէ՞ս է: Ո՛չ, պիտի ըսէք անշուշտ: Ամէնքդ ալ գիտէք որ գացողը դուք էք: Այսպէս է նաեւ երկրին համար:

Երկիրը ճիշտ հողի մը պէս՝ քսանըչորս ժամը անգամ մը, ինքնիք վրայ կը դառնայ, այնքան շուտ որ մեզի այնպէս կուգայ թէ արեւն է դարձողը կամ շարժողը: Երկիրը դառնալու միջոցին, երբեմն մէկ երեսը ցոյց կուտայ արեւին, երբեմն ալ միւս կողմը, այսպէս ցերեկ ու գիշեր կ'ըլլայ:

Երկիրը երկու տեսակ շարժում ունի, մէկը՝ ինքն իր վրայ 24 ժամը անգամ մը: Այս միջոցը օր կ'ըսուի. միւսն ալ արեւուն շուրջը 365 օրը անգամ մը: Այս միջոցն ալ տարի կ'ըսուի: Ինչպէս վերի պատկերէն կը տեսնուի, երկրին՝ իր տարեկան շարժումով արեւուն

շուրջը գծած բոլորակը նուաձեւ է, որով երբեմն արեւուն կը մօտենայ և երբեմն ալ անկէ կը հեռանայ: Այսպէս տեղի կ'ունենան չորս եղանակները գարուն, ամառ, աշուն, ձմեռ:

ԲԱՌԵՐ. — Ոսկեփայլ = Ոսկի և փայլ բառերէն, կը նշանակէ ոսկիի պէս փայլող: Մարմունն = Մարելու վրայ եղող: Զուաձեւ = Զու (հասկիթ) և ձեւ բառերէն, կը նշանակէ հասկիթի պէս:

ՀԱՐՑՈՒՄՆԵՐ. — Երկիրը կը շարժի թէ արեւը. — Ի՞նչպէս. — Ի՞նչպէս գիշեր, ցերեկ կ'ըլլայ. — Ի՞նչպէս կ'ըլլայ տարին. — Տարին քանի օր է — Ի՞նչպէս չորս եղանակները տեղի կ'ունենան:


ԳՐԱԻՈՐ ՊԱՐՏԱԿԱՆՈՒԹԻՒՆ
(Հետեւեալ խօսքեր ամբողջացուցիք)

Երկիրն է որ կը շարժի եւ ոչ թէ . . . Երկիրը . . . տեսալ շարժում ունի մեկը . . . վրայ . . . ժամուան մեջ եւ մեկն ալ . . . շուրջը . . . օրուան մեջ:

32. ԱՏՈՒԵՐԻՆ ԵՏԵԻՒՆ ՎԱԶՈՂ ՇՈՒՆԸ

Շուն մը գետէն կ'անցնէր, բերանը ունենալով կտոր մը միս: Իր ստուերը տեսաւ ջրին մէջ, եւ որովհետեւ ստուերները միշտ խոշոր կ'երեւին, մեր շունը աւելին ունենալու համար հաշելով ստուերին վրայ նետուեցաւ: Խեղճ շուն այսպէս թէ բան մը չհասեցաւ և թէ միսին կտորը բերնէն ինկաւ:

ԲԱՐՈՅԱԿԱՆ. — Պէտք չէ ազահ ըլլալ: Մարդ իր ունեցածովը գոհ ըլլալու է: Հակառակ պարագային՝ ունեցածն ալ վրայ կուտայ շատ անգամ:



33. Ժ Ա Մ Ա Ց Ո Յ Յ Ը

Ժամացոյցն անա թիք, թաք կը բանի, կարծես թէ ըլլար շունչ մը կենդանի վայրկեաններ, ժամեր իրարու ետեւ՝ Յոյց կուտայ մեզի գարկերով թեթեւ:

Տանկ, սանկ, սանկ երկար սա ինը հարուած կը նշանակէ դասն է քակրած: Տանկ, սանկ, սանկ յետոյ՝ սասն հարուած կըրկին, Ալ վերջն է դասին, կարգն՝ գրօսանքին:

Այսպէս ժամացոյցն առտուրնէ իրիկուն, Արբուն պահակն է ամէն պահերուն: Անով կ'ունենանք մեզի դաս կամ դասքար, Ան մեր առաջնորդն է ուղիդ, արդար:

Անոր սըլաֆներ չեն նայիր ձախ, այ,
 Այ կ'ըսեն մեզի յառաջ, միտ յառաջ,
 Կենայ ըսել է երթայ դէպի ետ,
 Պէտ է միտ փայել ժամանակին հետ:

Ադր՛նոր ժամացոյց մենք թէ եւ պրզսիկ.
 Լաւ կը հասկընանք քու մեծ երախտիք.
 Գուն սորվեցուցիր մեզ արժէքն անգին
 Անցնող, չդարձող սա ժամանակին:

ԲԱՌԵՐ.— Եունչ = Այստեղ կը նշանակէ հողի ունեցող մէկը:
 Հարուած = Զարկը: Պահակ = Հսկողութեան համար կեցող մէկը:
 Երախտիք = Աղէկութիւն շնորհակալ ըլլալու: Արժէք = Գին: Անգին
 = Գին չունեցող:

ԲԱՐՈՅԱԿԱՆ.— Ժամանակին յարզը դիտցիր: Անցած
 ժամանակը ալ ետ չի դառնար:

ՄՏԱԾՈՒՄՆԵՐ.— Վայրկեանը առանձին բան մը
 չ'արժեր, բայց վայրկեաններն են որ ժամերը կը կազմեն:
 Ժամը շատ ժամանակ չէ, բայց ժամերն են որ օրերը կը
 կազմեն: Այսպէս նաև օրերը ամիսներ կը կազմեն և ամիս-
 ներն ալ տարիներ: Կաթիլ մը ջուրը բան մը չէ, բայց
 կաթիլներն են որ գետեր, լիճեր և ծովեր կը կազմեն: Ա-
 մէնէն պզտիկ բանը անգամ արհամարհելու չէ, մեծերը
 պզտիկներէն կը կազմուին:



34. Զ Մ Ե Ռ

Դեկտեմբեր է: Արդէն Նոյեմբերի վերջերը ցուր-
 տը զգալի էր: Այս օրերս աւելի կը սաստկանայ հե-
 տոհետէ: Հիւսիսային հովը երբեմն գազանի պէս կը
 մռնչէ՝ մտակելով սեռեւաքափ ծառերու ճիւղերը, որոնք
 կմախֆներու պէս անպատշաճ կը դողդղան: Փայտի և
 ածուխի պատրաստութիւններ կը տեսնուին փութով՝
 անոնց կողմէ, որ ուշ մնացած են: Վառարանները կը
 սկսին դրուիլ և ալ կրակը կը փնտուի:

Օր մըն ալ, երբ առտուն կանուխ ելլենք, ինչ
 տեսնենք ճեփ ճերմակ է ամէն դի. տուններուն տա-
 նիքները ճերմակ, ծառերը ճերմակ և դաշտերն ու լեռ-
 ները ճերմակ:

Ինչ հիանալի տեսարան, մանաւանդ եթէ արեւը
 ծագի: Անոր ճառագայթները ձիւներուն վրայ ցոլա-
 նալով ադամանդի հուրեր կ'արձակեն: Աչքերը կը
 խնդին: Զմեռուան արեւը ձիւն կը ժողվէ, կ'ըսեն:
 Պահիկ մը ետքը, արդարեւ կը տեսնենք որ երկինք
 կ'ամպոտի յանկարծ և ձիւնի հատիկներ սպիտակ թի-

Թեռնիկներու պէս թռչելով օդին մէջ, ծանր, ծանր վար կ'իջնեն:

Չմեռն ալ իր հաճելի կողմերը ունի, եթէ խելացի գտնուինք: Պէտք է զգուշանալ պաղ առնելէ: Լաւ հագուելը պայման է: Քալելն ու մարզանքը շատ օգտակար են, միայն թէ հոգ տանելու է որ չքրտնինք, որովհետեւ քրտնելով պաղիւր վտանգաւոր է: Զգուշութիւն ընելու է նաեւ քալելու ատեն, մանաւանդ եթէ սառ կապած ըլլայ, որպէսզի չսահինք: Անկուսները վտանգաւոր են:

ԲԱՌԵՐ.— Կմախք = Առանց միտի ոտկոր: Անպատար = Առանց պաշտպանութեան: Հուր = Փայլ. ցոլք: Մտակել = Մտրակով զարնել: Տերեւարափ = Տերեւները թափած: Խսկիլ = Աչքերը առնել:


ՀԱՐՅՈՒՄՆԵՐ.— Ե՞րբ կ'սկսի ձմեռը.— Հովը ի՞նչ պէս եւ ո՞ր կողմէն կը փչէ.— Ի՞նչ կ'ըլլան ծառերը.— Երբ արեւ ըլլայ, ի՞նչպէս կ'երեւի ձիւնը.— Ի՞նչ զգուշութիւն ընելու է ձմեռը.— Չմեռն ալ իր հաճոյքները ունի՞.— Ի՞նչ:

ԳՐԱԻՈՐ ՊԱՐՏԱԿԱՆՈՒԹԻՒՆ
(Պակաս մնացած մասեր ամբողջացուցեմ)

Իերա 28 Յուլիս 1933

Սիրելի ս,

- Վաղը առտօս, ժանր . . . ին կը փափաքիմ ձեզի . . . երե
- . . . չունիք: Միասին քիչ մը . . . եւ յետոյ . . . շատ . . . ժա
- նակն մը մեր . . . ին հաստ, այնպէս չի:
- Երե . . . կ'արտօնէ, խնդրեմ, . . . ով մը ինծի շար տար:
- Ինչ սիրող ընկեր . . . ղ
-



35. Կ Ա Ղ Ա Ն Դ

Այսօր, Դեկտեմբեր 31, տարիին վերջին օրն է: Վաղը, Յունուար 1, նոր տարի մը պիտի սկսի նոր յոյսերով, նոր անակնկալներով: Այս առթիւ, դուք այնպէս ալ ուրախ էք, այնպէս չէ՞, վասնզի տարի մըն ալ կուգայ աւելնալ ձեր տարիքին վրայ, տարի մըն, ալ կուգայ աւելնալ ձեր ծնողքին, ձեր բոլոր սիրականներուն թանկագին կեանքին վրայ:

Այսօր ոչ միայն ուրախութեան, այլեւ հաշիւի, մտածումի օր մըն է, տղա՛ք: Վաճառականները սովորութիւն ունին այս առթիւ աչքէ անցընելու իրենց տարուան մը բոլոր գործերը, տեսրակները՝ հասկնատու համար թէ շա՞նք ըրած են կամ վնաս, որպէսզի նոր տարուան համար իրենց ընելիքը գիտնան: Ամէն խելացի տղայ ալ այսօր պարտաւոր է աչքին առջեւ բերելու պահ մը՝ անցած տարին և անդրադառնալու թէ լաւագոյն ձեւով անցուցած է այն ժամանակը, որ ալ ետ չի դառնար: Գոհացուցիչ եղած են ամէն կերպով իր վարքն ու բարքը և աշխատութիւնը: Եթէ դիտելի ամէն կերպով ուզել զանոնք նոր տարիին մէջ:

Տղաք, այսօր բնական է որ անհամբերութեամբ կ'սպասէք իրիկուան կաղանդի սեղանին, որ՝ Աստու

ծոյ տուածովը . ամէն տեսակ բարիքներով լեցուն է, զանազան ախորժելի պտուղներով, անուշեղէններով, նաեւ ձեզի համար սիրուն անակնկալներով: Ինչո՞ւ ասոնք բոլորը . պատճառը այն է որ ձեր ծնողքը ձեզ կը սիրեն, շատ կը սիրեն և կ'ուզեն ձեզ ուրախացընել, որպէսզի զուարթ կողանդ մը վայելելով, բացուին ձեր սիրտերուն ծաղիկները և նոր տարին ալ զուարթ անցընէք:

Ի՞նչ ազնուութիւն, հէ՛, այնպէս չէ՞. Շատ լաւ, դուք ի՞նչ ունիք փոխարէն անոնց տալու: — Մենք պզտիկ ենք տակաւին. պիտի ըսէք, ի՞նչ կրնանք ընել, ի՞նչ ունինք որ տանք:

— Լաւ խորհեցէք, տեսնեմ, չորսդին մի նայիք, ձեռքերնիդ ձեր սիրտերուն վրայ դրէք: Տեսէ՛ք, անոնք կը տրոփեն: Ինչո՞ւ. որովհետեւ բան մը կ'զգաք, ինքզինքնիդ երախտապարս կ'զգաք ձեր ծնողաց հանդէպ: Չէ՞. — Անշուշտ, անշուշտ պիտի պատասխանէք: Ուրեմն դուք ալ ձեր ծնողքը կը սիրէք: Ահա այդ սէրը բաւական է ձեզի համար իբրեւ նուէր: Յետոյ փոքրիկ, անմեղուկ շրթունքներ ալ ունիք:

Մաղթեցէք ուրեմն որ ձեր ծնողքը շատ ապրին. ուրախ և երջանիկ ապրին: Ու դուք անոնց շուքին տակ ծլիք, ծաղկիք, մեծնաք, զօրանաք և օր մըն ա շնորհքով մարդիկ ըլլաք:

ԲԱՌԵՐ.— Անակնկալ = Չսպասուած բան: Անդրադառնալ = Բանի մը վրայ նորէն խորհիլ: Դիտելի = նայուելիք պակաս, աչքի զարնող թերի: Առաջադրել = Մտքին մէջ որոշել. խոստանալ ինքզինքին: Երախտապարս = Ազեկութիւն պարտական եղող: Հանդէպ = Դէմ: Իբրեւ = Պէս:

ՀԱՐՅՈՒՄՆԵՐ.— Ե՛րբ է կաղանդը. — Ի՞նչ կ'ընեն վաճառականները. — Դուք ի՞նչ պէտք է խորհիք. — Ի՞նչ է կաղանդի սեղանը. — Ինչո՞ւ. — Դուք ի՞նչ նուէր ունիք ձեր ծնողներուն: Ի՞նչ պիտի ընէք այդ իրիկունք, սեղանին վրայ:



36. ԿԱՂԱՆԴԻՆ ԻՐԻԿՈՒՆԸ

Ի՞նչ աղուոր է այս իրիկուն. վառե՛նք մոմեր գոյնրգոյն, նոր տարին է հիւր եկեր կաղանդն ալ հետն է ընկեր:

Ուրախութիւն ամէն դի, Թաղը բոլոր կը ժրպի, Շէնչո՞ղ երգեր ու նրագ կը հընչեն վառ շարունակ:

Ո՞ւր ես, հայրիկ, ո՞ւր ես, ո՞ւր. Անապարէ, տուն եկուր: Տե՛ս, պատրաստ է մեր սեղան: Բարիքներ կը տեղան:

Բայց դուն չըկա՞ս. հայր բարի,
Շրճորհի չունի նոր սարի,
Առանց քեզի տոն. հանդէս,
Զունիք, հայրիկ, լաւ գիտես:

Մէկ մ'ալ դո՛ւն է կը զարնեն,
Բոյր սիրտեր թունդ կ'ելլեն,
Հա՛յրն է, սրղաք, խանդավառ,
Ամէնքնիս մէկ իջնենք վար:

Բարի՛ եկար, հայրիկ ջան,
Միտ անձնուէր, ժըրաջան:
Ալ հիմա շէն է մեր տուն,
Կաղանդն իրա՛ւ բերիւր դուն:

Ընտանեկան սեղանին
Շուրջն ենք հիմա խորհովին,
Մեծ ու պրզօրիկ փոյլէ փոյլ,
Տօնե՛նք կաղանդն հանոյփով:

Համբո՛յր, բարի հայրիկին,
Համբո՛յր, անոյ՛ս մայրիկին,
Համբո՛յր մըն ալ, փոյր, եղբայր,
Ամէնքս համբուրենք զիրար:

ԲԱՌԵՐ. = Շէնտղ = Ուրախ: Վառ = Ուժով (ձայնի համար):
Բարիք = Վայելելու ամէն աղէկ բան: Խանդավառ = Շատ ուրախ:
Անձնուէր = Ինքզինքը նուիրող: Փրաջան = Շատ աշխատասէր:
Կը տեղան = Անձրևի պէս կուգան:

ԲԱՐՈՅԱԿԱՆ. — Հայր, մայր ու զաւակ, ի՛նչ աղուոր
երեք բառ, երբ սիրով միացած են իրարու հետ: Այսպիսի
ընտանիք մը օրհնութիւն մըն է երկրի վրայ և կը կոչուի
Իրախս: ընտանիք:

37. ՔԵՐԱԿԱՆՈՒԹԵԱՆ ՊԱՐԶ ԴԱՍԵՐ

Ա Մ Ա Կ Ա Ն

Ածական. — Ածական կը կոչուին այն բառերը որ
անուն մը կ'որակեն կամ կ'որոշեն:

Ուրեմն երկու տեսակ ածական կայ. որակական
և որոշիչ:

Որակական ածականներ. — Որակ կը նշանակէ բանի
մը ինչպէս ըլլալը, ուրեմն որակական են այն ածա-
կանները, որ անուն մը կ'որակեն, այսինքն անունի
մը ինչպէս ըլլալը ցոյց կուտան: Որակական ածակա-
նը կրնանք գտնել՝ անունին վրայ ընելով ի՞նչպէս հար-
ցումը. օրինակ. բարի տղայ. ի՞նչպէս տղայ. — Բարի՛
որակական ածական է կ'որակէ տղան:

Որոշիչ ածականներ. — Որոշիչ կ'ըսուին այն ածա-
կանները, որ անունը կամ գոյականը կ'որոշեն, այ-
սինքն ուրիշ անուններէն կը զատեն:

Որոշիչ ածականները չորս տեսակ են, քուական,
սացական, ցուցական և անորոշ:

Քուական ածական. — Քիւ համբանք կը նշանակէ,
հետեւաբար, թուական կը կոչուին այն ածականնե-
րը, որ անուններու համբանքը և կարգը ցոյց կուտան:
Թուական ածականները կը գտնենք անունին վրայ
ընելով քանի՞ կամ քանի՞երորդ հարցումները: Օրինակ.
հինգ տղայ. քանի՞ տղայ. — հինգ՝ թուական ածական
է և կ'որոշէ տղան: Առաջին կարգ. քանի՞երորդ կարգ. —
է և կ'որոշէ տղան: Առաջին կարգ. քանի՞երորդ կարգ: Չեր
գիտցած բոլոր թիւերը թուական ածական են, երբ
անունին հետ ըլլան:

Սացական ածական. — Ստացական կը նշանակէ
բանի մը որո՞ւ ըլլալը: Ուրեմն ստացական են այն
ածականները, որ բանի մը որուն ըլլալը ցոյց կու-
տան: Ստացական ածականներն են իմ, քու, իր, մեր,

ձեր, իրենց, և կը գտնուին անունին վրայ ընելով որո՞ւ կամ որո՞ւն հարցումը, օրինակ. իմ տունս, ձեր տունը, մեր տունը: Որո՞ւն տունը.— իմ, ձեր, մեր՝ ստացական ածականներ են և կ'որոշեն տունը:

Յուզական ածական.— Յուզական ըսել է ցոյց տուող: կը նշանակէ թէ ցուցական են այն ածականները որ անուն մը ցոյց տալու կը ծառայեն: Յուզական ածականներն են այս, այդ, ան կամ աս, աս, ան, և կը գտնուին՝ անունին վրայ ո՞ր հարցումը ընելով. օրինակ. Այս դպրոցը, այդ դպրոցը, այն դպրոցը: Ո՞ր դպրոցը.— այս, այդ, այն: Ասոնք ցուցական ածականներ են և կ'որոշեն դպրոցը:


Անորոշ ածական.— Անորոշ կը նշանակէ չորոշուած, յայտնի չեղած: Ասոր համար, անորոշ կը կոչուին այն ածականները որ անունը բոլորովին չեն գատեր կամ բոլորովին յայտնի չեն ըներ: Անորոշ ածականները կը գտնենք անունին վրայ ընելով՝ Բանի՞, որե՞ան, ո՞ր կամ ի՞նչ հարցումները: Օրինակ, շատ մարդ: Ո՞րքան մարդ.— Շատ, անորոշ ածական է և ընդհանուր կերպով կ'որոշէ մարդը: Ուրի՞ց գիրք.— Բի՞չ հաց.— Ո՞րքան հաց.— Քի՞չ: Ո՞ր գիրքը.— ուրի՞շ: Քի՞չ և ուրի՞շ ածականներ են:

ՎԱՐԺՈՒԹԻՒՆ. 1.— Հետեւեալ բառերէն ածականները գտնել եւ իրենց տեսակները որոշել պէտք եղած հարցումներով.

Ազնիւ տղան: Չար կատուն: Այս գիրք: Երեք տեսակ: Չեր պարտէզը: Շատ մը տղա: Իմ անուն: Քու գլխարկը: Երկրորդ սենյակը: Քիչ ջուր: Շատ հաց: Ութերորդ օրը: Կարմիր խնձոր: Սեւ տախտակ: Այն բռնունը: Իրենց դաստարանը: Ամէն մէկ տղայ:

ՎԱՐԺՈՒԹԻՒՆ. 2.— Հետեւեալ ածականներուն հոյ յարմար անուն մը դրէք:

Ճերմակ, պղտիկ, չորրորդ, այն, իր, մեր, աւելի, պակաս, ազնիւ, չար, խոշոր, մեծ, այդ, այն, մեր, ձեր, վեց, տասներորդ:



38. Ն Ո Ր Տ Ա Ր Ի

Բարե՛ւ, Ամանօր, որ կուգաս կըրկին,
Մեր հորիզոնէն ծագիլ ժրպտագին:
Նօր, նօր յուտեով մեծ, արգտիկ բոլոր՝
Քեզի կ'ըստասեն, սիրուն ամանօր:

Թո՛ղ վերագարձըդ բազմալի այնքան՝
Նօր յաջողութեան ըլլայ թրական:
Գուն շընորհներով առաս ու բարի,
Ամէնուն եղիւ բախտաւոր սարի:

Թո՛ղ արեւդ ոսկի, նօր կեանքով պայծառ՝
Շէնեող հուրհեղուկ իր մընայ միտս վառ:
Թո՛ղ յուսինդ աւժաթ, աստիճան նօրաժապ,
Մեր ապագային ըլլան լուսարձակ:

Ամէնուն բարիք կը մաղթեմ յօժար,
Ինձի ալ, խընդրեմ, նրւերի համար,
Տօր իմաստութիւն, փազալեւէ գիտ
Որ միտս առաջին ըլլամ իմ կարգիս:

Եւ օրըստօրէ ժիւ, յառաջադէմ,
 Օր մ'ալ ուսմանքս օրջանն աւարտեմ,
 Ըլլալով մէկը, որ ամէն առթիւ,
 Ծընողքին, երկրին բերէ մի օտ պատիւ:

ԲԱՌԵՐ.— Ժպտագիւն = Միշտ ժպտուն, ուրախ: Վերադարձ =
 Նորէն դառնալը: Շնորհ = Պարգև, նուէր: Ապագայ = վերջէն
 գալիք ատենը: Ներկայ = հիմակուան ատենը: Անցեալ = անցած
 ատենը: Լուսարձակ = Առջևը լոյս առող գործիք մը, (նաւերուց
 վրայ կը տեսնեմ գիշերը): Իմաստութիւն = Խելք, խելացիութիւն:
 Օրքսօրե = Օրէ օր: Ամէն առթիւ = Ամէն ատեն, ամէն պարտե-
 դայի տակ:

ԲԱՐՈՅԱԿԱՆ.— Բարի զգայումները ազնիւ հօգիներէն
 կը բխին: Բարիք ուզէ ամէնուն համար որ բարիք գայ
 քեզի: Մարդ չի կրնար երջանիկ ըլլալ, եթէ շուրջիները
 դժբախտ են:

ԲԵՐԱԿԱՆՈՒԹԵԱՆ ՊԱՐՁ ԴԱՍԵՐ

ՎԱՐԺՈՒԹԻՒՆ.— Հետեւեալ անուցներէն գտնել անուցներ եւ
 անակներ, իրենց տեսակները որոշելով:

ձերմակ գառնուկներ: Կանանչ տերեւներ: Իմ տունս մեծ է:
 Բաց պատուհանը: Այս գասը շատ դժուար է: Շատ մը նաւեր եւ
 նաւակներ տեսայ:



**39. ՏՕՆԱԿԱՆ ՕՐԵՐԸ
 ԵՒ ԳԹՈՒԹԵԱՆ ԶԳԱՑՈՒՄԸ**

Սա տօնական ուրախ օրերուն, աղաք, երբ ամէն
 մէկդ աղուոր, աղուոր կը հագուիք, անոյշ, անոյշ
 կ'ուտէք, կը խմէք և ձեր առած նուէրներովը և խա-
 ղալիքներովը հանգիստ սիրտով կ'զբօսնուք, տաքուկ
 վառարանին դիմաց, վայրկեան մը մտածած ունի՞ք
 թէ անդին ձեզի հասակակից պատիկներ կան, որ այս
 ցուրտին, ձմրան, ո՛չ կանոնաւոր հագուստ ունին, ո՛չ
 կօշիկ և ո՛չ բաւականաչափ ուտելիք: Անոնք՝ թողունք
 վառարանը, կտոր մը ածուխ անգամ չունին իրենց
 ցուրտէն ընդարմացած մարմինները տաքցնելու հա-
 մար: Անոնք բնաւ յանցանք չունին այսպէս տառա-
 պելու համար, ընդհակառակը անմեղուկ հրեշտակներ
 են ձեզի պէս: Գժբախտութիւնը այն է որ, անոնց
 ծնողքը աղքատ ըլլալով, չեն կրնար պէտք եղածը ընել
 իրենց սիրելի զաւակներուն: Ամէնուն համար խղճի
 պարտք մըն է անոնց օգնութեան հասնիլ և զանոնք
 մխիթարել:

Գիտէք թէ Յիսուս խոնարհ մտութի մը մէջ ծնաւ
 ցոյց տալու համար թէ մարդիկ իրարու եղբայր են,

հարուստ ըլլան թէ աղքատ. և թէ հարուստները պէտք չէ արհամարհեն աղքատները, ինչպէս որ ինք շարհամարհեց մտուրը. բնդհակառակը պէտք է ամէն բան ընեն, անոնց ցաւերը մեղմացնելու համար:

Տղաք, կտոր մը շաքար, պուտ մը անուշեղէն, խաղալիք մը, աւելի կամ պակաս, բան մը չէ ձեզի համար, բայց երբ ձեր ունեցածէն բաժին հանէք ձեր կարօտ քոյրերուն կամ եղբայրներուն, մէկ կողմէն զանոնք կ'ուրախացնէք և միւս կողմէն ձեր խիղճը հանգիստ կ'ըլլայ, որովհետեւ պարտք մը կատարած կ'ըլլաք: Այնպէս չէ՞, ապահով եմ թէ այս ուղիղ և ազնիւ ընթացքը պիտի ունենաք ամէն ատեն:

ԲԱՌԵՐ. — Հասակակից = նոյն հասակը ունեցող: Տառապիլ = նեղուիլ: Մտուր = երկար փայտէ սնտուկ որուն մէջ կենդանիները խոտ կ'ուտեն: Արհամարհել = Բանի տեղ չդնել: Մեղմացնել = Բիչցնել, պակսեցնել: Ընդամացած = Թմրած, փայտ կտրած:

ՀԱՐՅՈՒՄՆԵՐ. — Ի՞նչ պէ՛սք է խորհի՛ք այս տօնական օրերուն: — Յիսուս ինչո՞ւ ծնաւ մտուրին մէջ. — Ի՞նչ հասկցնել ուզեց. — Որո՞նք են ձեր կարօտ քոյրերն ու եղբայրները. — Ի՞նչ պէ՛սք է ընէ՛ք անոնց համար. — Երբ բարի գործ մը ընէ՛ք, ի՞նչ կ'զգա՛ք. — Գո՞հ է ձեր խիղճը. — Ե՞րբ դժգոհ է. — Ե՞րբ խիղճը չի սանչեր մէկը:

ԳՐԱԻՈՐ ՊԱՐՏԱԿԱՆՈՒԹԻՒՆ
(Պակաս խօսքերը ամբողջացուցիք)

Անցած օր ես . . . դրամ տուի . . . մը, որ ձեռքսը . . . եւ զիս . . . : Այդ միջոցին, ձայն մը . . . ներսէս, որ կ'ըսէր . . . : Այս ձայնը իմ . . . ձայնն էր: Խիղճս . . . էր ինձնէ եւ ես շատ . . . եղայ:



40. ԺԻԺԻՆ ԵՒ ՄՐՁԻԻՆԸ
(Առակ)

Ամառը բոլոր,
Ժիժին՝ ամէն օր.
Դաւսերն ու տարգեր,
Զայն ձրզած կ'երգէր:
Շէն է չարանիին
Կ'ըսէին, ժիժին.
Կ'երգէ այսպէս միտ,
Ան չուցի ցաւ, վիշտ:
Ժիժին արդարեւ
Ահագ ու բերել,
— Ա. խաւսա՛նք,
Ի՛նչ սանջանք,
Կ'ըսէր ինքնիրեն,
— Փափուկ եմ արդէն:
Այսօր փորս է կուտ
— Էն վա՛ղը . . .
— Վաղն ալ անուտ՝
Ողորմած
է Աստուած:
Բայց ամառն անցաւ,
Ցուրտն եկաւ, ի՛նչ ցաւ:

Ժիժիկն ո՞ւր երգէր,
 Զուներ փերանք կեր:
 Օր մ'ալ ձիւն, ձրմեռ.
 Խեղճը կիսամեռ,
 Ըրաւ, չըրաւ
 Գնաց մըջիւնիկն
 Դուռը ափ առաւ.
 — Պոսիկ մը կեր, դըրացի,
 Ըսաւ, փոխ տուր դուն ինձի,
 Կը վընարեմ տողոտով,
 Երբ լճառ գայ, անցնի սով:
 — Ի՛նչ, չունի՞ս, անձար,
 Զըմեռուան պաշար:
 — Պաշիւ վըկայ,
 Տունը բան չըկայ:
 — Բայց ամառը ո՞ւր էիր,
 Ի՞նչ կը բանէիր:
 — Ե՛ս... ոչի՛նչ, երաժիշտ՝
 Կ'երգէի ես մի: Ես:
 — Կ'երգէի՞ր, սիրելիս,
 Հանգիստ ձրգէ գիս,
 Սխալ հասցէի ես եկեր,
 Ես փոխ չեմ տուր կեր.
 Կ'երգէիր, չէ՞ շարունակ,
 Գրնա, պարէ դուն հիմակ:

ԲԱՌԵՐ.— Ժիժի = ձգուտ (ժիջատ մը): Մարգ = կանանչ
 խոտով արածելու տեղ: Վիճ = Սրտիցա: Արդարեւ = Իրաւ որ:
 Կիսամեռ = Կէս մեռած. (Կես և մեռած բառերէն): Տողոտ = Շան
 զրամի: Աննար = ձար չունեցող: Երաժիշտ = Երգիչ, ձայնաւոր:

ԽՐԱՏ.— «Կեր, խմէ, ուրախ եղիր, այսօր, վաղը
 Աստուած ողորմած է», յիմարներու մտածումն է այս, Խե-
 լացի մարդը միշտ վաղուանն ալ կը մտածէ և ժամանակին
 կ'աշխատի: Այսպէս ան ուրիշին կարօտ չըլլար:



41. ՇԱՏ ԼՍԷ, ՔԻՉ ԽՕՍԷ

Վահէ անտանելի տղայ մըն էր: Աջէն կը խօսէր,
 ձախէն կը խօսէր, սուտ կ'ըսէր, իրաւ կ'ըսէր, կը խօ-
 սէր ու կը խօսէր և գլուխ կ'արդուրկէր, ինչպէս կ'ըսեն:
 Խօսք, խրատ օգուտ չէր ըներ: Հայրը խրատեց, մայ-
 րը խրատեց, ուսուցիչը խրատեց, բայց որո՞ւ կ'ըսես,
 գլո՞ւխ, գլո՞ւխ բայց ի՛նչ տեսակ գլուխ, բան մը ներս
 չէր մտներ: Լեզո՞ւ, լեզո՞ւ, բայց ի՛նչ լեզու, կը դառ-
 նար ու կը դառնար: — Լեզուդ մուկն ուտէ, ըսաւ
 մայրիկը: — Լեզուդ շունն ուտէ, ըսաւ հայրիկը,
 բայց այդ լեզուն կար ու կը մնար ու միշտ կը
 դառնար:

Ասոր վրայ, մեծ հայրիկն ալ, որ շատ կը սիրէր
 զայն, — արդէն գիտէք որ ամէն մեծ հայրիկ տկար
 կ'ըլլայ իր թոռնիկին համար —, օր մը կանչելով զայն,
 ըսաւ.

- Ըսէ՛, Վահէ, տղաս, քանի՛ աչք ունիս:
- Երկու, մեծ հայրիկ:
- Քանի՞ ականջ ունիս.
- Երկու, մեծ հայրիկ:
- Ի՛նչ, քանի բերան ունիս.
- Մէկ, մեծ հայրիկ:

— Գիտե՞ս թէ ինչո՞ւ այսպէս է:
Վահէ գլուխը քերել սկսաւ.

— Զես գիտեր, այսպէս չէ՞: Ես քեզի ըսեմ պատ-
ճառը: Տղա՛ս, Աստուած քեզի երկու աչք տուած է,
որպէսզի շատ տեսնես: Երկու ախանջ տուած է, որ-
պէսզի շատ լսես: Բայց մէկ բերան տուած է, որպէս-
զի շատ տեսնես, շատ լսես և քիչ խօսիս, և պէ՛տ
եղածը խօսիս:

Այս խրատէն շատ ազդուեցաւ տղան, օրէ օր
ինքզինք վար դրաւ և օր մըն ալ շնորհքով տղայ մը
եղաւ:

ԲԱՌԵՐ.— Անճանելի = Զբաշտելիք: Ազդուեցաւ = Վրասե
առաւ, յուզուեցաւ:

ՀԱՐՅՈՒՄՆԵՐ.— Վահէ ի՞նչպէս տղայ էր.— Ի՞նչ կ'ը-
նէր.— Շատխօսութիւնը գէ՞տ բան է.— Ի՞նչու.— Վա-
հէն խրատող եղաւ.— Ո՞վ.— Ի՞նչ ըսաւ մեծ հայրը.—
Վահէ ի՞նչ պատասխանեց.— Այս խօսեցուն վրայ, Վահէ
ի՞նչ եղաւ.— Ի՞նչ խրատ պիտի առնէ՛ք այս պատմութենէն:

ԳՐԱԻՈՐ ՊԱՐՏԱԿԱՆՈՒԹԻՒՆ
(Հետեւեալ խօսերը ամբողջացուցեք)

Ես տղայ չեմ, երբ պէ՛տ ըլլայ, այն ասեմ :
Ճպտո՞ր իսկ մըքիւնը կ'աշխատի: Շատխօսութիւնը
. . . . , պէ՛տ է արագրել: Ես միշտ լաւ կ'ուզեմ նայիլ, որ-
պէսզի օրէ օր շփուիմ եւ կատարեալ սը ըլլամ:



42. ՔԵՐԱԿԱՆՈՒԹԵԱՆ ՊԱՐԶ ԴԱՍԵՐ

ԲԱՌԵՐՈՒ ԿՍԶՄՈՒԹԻՒՆԸ

Ա.մատ, բարդ եւ ածանց բառեր

Բառերը իրենց կազմութեանը (ցիցուածից) նայե-
լով երեք տեսակ կրնան ըլլալ, արմատ, բարդ և ա-
ծանց:

Ա.մատ բառեր.— Արմատ կը կոչուին այն բա-
ռերը, որոնք իրենցմէ առաջ կամ վերջը աւելորդ
գիր մը կամ վանկ մը չունին, այսինքն բուն բառն
են. օրինակ, քար, դուռ, հաց՝ արմատ բառեր են:

Բարդ բառեր.— Բարդ կը կոչուին այն բառերը,
որ սովորաբար երկու բառերէ կազմուած են, իրենց
մէջտեղ ունենալով շատ անգամ ա գիրը, որ յօդա-
կապ կը կոչուի. օրինակ, հացագործ բառը կազ-
մուած է հաց և գործ բառերէն և կը նշանակէ հաց
չինող: Այսպէս են նաեւ սո՛քազործ, ածուխ և
գործ (չինող) բառերէն, սեղանատուն, սեղան և տուն
բառերէն:

Առանց յօդակապի ալ բարդ բառեր կան. օրինակ,
ջրկիր, ջրհոր, ջուր և կիր՝ ջուր և հոր բառերէն:

Ածանց բառեր.— Ածանց կը կոչուին այն բառերը
որ իրենցմէ առաջ կամ վերջը աւելցած գիր մը կամ
վանկեր ունին, որոնք կը կոչուին մասնիկ: Մասնիկ-
ները առանձին նշանակութիւն չունին, բայց երբ
բառին վրայ աւելնան, անոր մասնաւոր նշանակու-
թիւն մը կուտան. օրինակ, մայր բառին վրայ, երբ
աւելցնենք ախան կամ մասնիկը, վերաբերող նշանակու-
թիւնը կուտայ անոր, ուրեմն մայրախան կը նշանակէ
մօրը վերաբերող կամ պատկանող:

Մասնիկները անունէն առաջ ալ կը դրուին, վերջն ալ: Առաջ դրուողները կը կոչուին նախադաս մասնիկներ, վերջը դրուողները՝ յետադաս մասնիկներ: Այսպէս մայր բառին ծայրը աւելցած ական մասնիկը յետադաս է, իսկ երբ տուր բառին վրայ աւելցնենք ան մասնիկը՝ կ'ունենանք անտուն, որ կը նշանակէ տուն չունեցող: Հոս՝ ան նախադաս է, որովհետեւ բառէն առաջ դրուեցաւ:

ՎԱՐԺՈՒԹԻՒՆ.— (Հետեւեալ բառերէն թել թէ որո՞ցք արմատ, բարդ եւ ամանց են):


Բնաբեր, տանտիկին, փայտ, ջուր, փայտահատ, դօրաւոր, անխելք, ճիւղ, անագնիս, չորհալի, սիրուն, ժամացոյց, դեղձ, խնձորենի, տանձի:

ՆԱՍՐԷՏՏԻՆԻ ՎԵՐՄԱԿԸ

Գիշեր մը Նասրէտտին հօճան յանկարծ արթնցաւ: Աղմուկ, իրարանցում, կռիւ կար: Հօճան վերմակը փաթթուած, դուրս ելաւ: Երկու մարդ փողոցին մէջ իրարու վրայ կը յարձակէին:

Հօճան, բարի՛ մարդ, անոնց մէջ մտաւ՝ բաժնետու համար: Անոնցմէ մէկը այս միջոցին հօճային վերմակը առնելով փախաւ: Միւսն ալ կծիկը դրաւ:

— Կնիկ, ըսաւ Հօճան ներս մտնելով, կռիւը մեր վերմակին վրայ է եղեր:



43. ԳԻՏՈՒՆՆԵՐ ԵՒ ԳԻՒՏԵՐ

Գիտուն կը կոչուին այն անձերը, որոնք իրենց գիտցած մէկ ուսումը շատ լաւ գիտեն և կ'աշխատին օրէ օր դայն կատարելագործելու: Անոնք իրենց գիտցածովը գոհ չեն բնաւ և միշտ կ'աշխատին աւելի առաջ երթալու, որովհետեւ մարդուն համար սորվելիք բաները խիստ շատ են և կեանքը այնքան կարճ է: Եթե անստուն տարիներէ ի վեր աշխատող, աչքի լոյս թափող գիտունի մը օր մը հարցուցին թէ ի՞նչ սորվեցար, ի՞նչ գիտես. — Մինչեւ հիմա սորվածս այն է որ, պատասխանեց գիտունը, բան մը չեմ գիտեր:

Ճշմարիտ գիտունները եղած են նաեւ լաւ դիտողներ: Դիտել կը նշանակէ լաւ նայիլ, քննել բան մը և անոր վրայ խորհիլ: Իրենց այս դիտողութեան և անվիաս աշխատութեան շնորհիւ, անո՞ք յաջողած են շատ մը օգտակար գիւտեր ալ ընել, որոնց բարիքները կը վայելենք մենք այսօր:

Շատ մը պարզ բաներ, որոնք մենք կը տեսնենք ամէն օր, և սակայն չենք խորհիր պատճառներուն վրայ, առիթներ եղած են գիտուններուն համար խորհելու և նոր գիւտ մը, այսինքն օգտակար բան մը, օրէնք մը, ոյժ մը մէջտեղ հանելու:

Այսպէս, Նեւտոն, անգլիացի երեւելի բնագէտը,

երկրիս ձգողութեան կամ մարմիններու ծանրութեան օրէնքը գտաւ, երբ օր մը պարտէզը նստած էր և տեսաւ որ խնձոր մը վար ինկաւ ծառէն: Ինչո՞ւ խնձորը վար ինկաւ ծառէն խորհեցաւ ան, քննեց, հաշուեց անոր պէս շատ մը երեւոյթները և վերջապէս հասկեցաւ որ մեծ մարմին մը փոքր մարմինը իրեն քաշելու ոյժ մը ունէր, անա ձգողութեան օրէնքը:

Տընի Բաբէն, ֆրանսացի բնագէտ մը, նմանապէս շատ պարզ երեւոյթէ մը նշանաւոր գիւտ մը ըրաւ: Ձեր մէջէն ո՞ր մէկը չէ տեսած խոհանոցին մէջ կերակուրին սանը, որուն մէջի ջուրը, երբ եռալ սկսի և գոլորեինք արձակէ, կափարիչը վեր, վեր կը նետուի: Տընի Բաբէն՝ շատ մը անտարբերներու պէս, այս երեւոյթին պարզ ակնարկ մը նետելով չբաւականացաւ. այլ ուշադրութեամբ գիտելով և քննելով հասկեցաւ թէ, նկատած շոգին ոյժ մըն էր, զոր կարելի էր օգտագործել և յղացաւ շոգեմուտին գաղափարը, որուն առաջին փորձերը ըրաւ առանց սակայն յաջողելու, որովհետեւ տգէտ նաւագներ արգելք եղան. այս նոր գիւտը իրենց շահուն հակառակ գտնելով: Յետոյ ուրիշներ է որ գործը կարգի դրին:

Պէռնար Բալիսի, եթէ ոչ կատարեալ գիտուն, բայց և այնպէս յամառ աշխատող մըն էր, որ իր յաւատարմութեան շնորհիւ, յաջողեցաւ ըլլալ ոչ միայն ապակիի լաւ արուեստագէտ մը, այլեւ ընտիր գծագրող մը: Բայց այսչափը բաւական չէր իրեն. օր մը Իտալիայէն նուէր ստացաւ յոխնապակիէ գեղեցիկ պնակ մը: Բալիսի ուղեց ինքն ալ այսպիսի պնակներ շինել, առանց նոյնիսկ գաղափար ունենալու բռնի արհեստին վրայ: Ու գործի սկսաւ: Հողեր բերաւ, շաղուեց, փուռը դրաւ, եփեց, չեղաւ: Փորձեց, նորէն փորձեց, անագին ծախքեր ըրաւ, կրկին չեղաւ, բայց չյուսահատեցաւ, գիտէ՞ք, որքա՞ն ատեն. — ամբողջ տասներկու տարի շարունակեց իր յամառ փորձերը, նոյնիսկ իր փուռին վառելանքի հայթայթելու համար տանը գերանները վա-

ռելով, վերջապէս յաջողեցաւ, երբ տնեցիներուն կողմէ ա՛լ յիմարի տեղ դրուած էր:

Այսօր ձեր սեղաններուն արծաթի պէս փայլուն աղուոր պնակները, դուք այս պատուական մարդուն կը պարտիք:

Բոլոր մեծ գիւտերն ալ այս տեսակ չարաչար աշխատութեան և յարատեւութեան շնորհիւ է որ լոյս աշխարհ եկած են:

ԲԱՌԵՐ — Կատարելագործել = Գործ մը հետզհետէ աւելի աղէկ ընել: Անվիտս = Առանց յուսահատելու: Շնորհիւ = Միջոցով: Գիւտ = Նոր հնարում օգտակար բան մը: Բնագէտ = Բնական օրէնքներ գիտող: Զգողութիւն = Իրեն քաշելու ոյժ: Գոլորեի = օրէնքներ գիտող: Զգուլութիւն = Իրեն քաշելու ոյժ: Գոլորեի = Շոգի: Արձակել = Գուր սալ, ձգել որ երթայ: ձնուած = Ծանրութեան մը տակ մնացած: Յղացաւ = Միտքը եկաւ, ծնաւ: Բարատեւ = Միշտ տեւող (յար և տեւել բառերէն): Արուեստագէտ = Մաքի աշխատութեամբ գործ մը կատարող: Յոխնապակի = Փուռը թրծուած փայլուն հողէ աման կամ նիւթ: Բռն = Հողէ ամաններ շինող: Վառելանքիւր = Փայտ, ամուխ, եւն. վառելու համար: Գերան = Շէնք մը բոնող հաստ փայտերը: Զարաչար = Ծառ դժուար, նեղութիւն տուող: Լոյս աշխարհ գալ = Մէջտեղ ելլել:

ՀԱՐՅՈՒՄՆԵՐ. — Ուրիշ գիտուն կը կոչուին. — Ի՞նչ կ'ընեն գիտունները. — Ի՞նչ ըսաւ ծերունի գիտուն մը. — Դուք երբ կ'արոցը աւարտէք, գիտուն եղած կ'ըլլաք. — Ի՞նչ ընելու էք. — Ի՞նչպէս եղած են նամարիտ գիտունները. — Բաւական է բան մը տեսնել եւ անցնիլ. — Ի՞նչ ընել պէտք է. — Ո՞վ էր նետուն. — Ի՞նչ գիտ ըրաւ. — Ի՞նչպէս. — Ո՞վ էր Տընի Բաբէն. — Ի՞նչ գիտ ըրաւ. — Ի՞նչպէս. — Ո՞վ էր Պէռնար Բալիսի. — Ի՞նչ զբաղում ունէր. — Յոխնապակի իրեն արհեստն էր. — Ի՞նչպէս ըրաւ անոր գիւտը. — Յաջողեցա՞ւ առաջին անգամ. — Վհատեցա՞ւ. — Ի՞նչ ըրաւ. — Վերջապէ՞ս. — Ի՞նչ յարատեւ պիտի առնէք վերի օրինակներէն:



44. Կ Ա Խ Ա Ր Դ Ը

Չեռնածուն գիւղ եկեր այն օր,
 Փորձեր կ'ընէր շատ դրժուար:
 Փոքրիկ սրղաւ շուրջը անօր,
 Կը դիտէին խանդավառ:

- Կախարհ՝ կ'ըսէր մէկը աստիճան.
- Հրա՛ւ՛՛՛ կ'ըսէին ուրիշներ:
 Ո՛ւրիշ էր այս վարպետօրդին,
 Զուրը ծառը կը հանէր:

— Տրղա՛ւ, ըսաւ իրիկուան դէմ՝
 Գիւղին ծերուկ վարժապետ,
 Կախարդութիւն ես ալ գիտեմ,
 Եկէ՛ք պահ մը ինձի հետ:

Ու շարութի՛ւն, լաւ դիտեցէ՛ք,
 Հաւկիթ մ'ահա իննիւրեն
 Վար պիտ' իջնէ մէկէնիմէկ՝
 Սա սըրուակին նեղ բերնէն:

-- Հրա՛ւ՛՛՛, հրա՛ւ՛՛՛ մ'ահա կրկին,
 Տրղա՛ւն ըսին, մեծ, պրզսիկ,
 Հաւկիթն յանկարծ երբ սըրուակին
 Յասակն իջաւ հանդարտիկ:

— Ինչո՞ւ հրաւ՛ւ՛՛ ըլլայ սակայն,
 Վարպետն ըսաւ այն ատեն,
 Սա շատ պարզ փորձ մ'է գիտական,
 Երէ՛ք դիտէ՛ք դուք մօտէն:

Շիտին մէջ, երբ թուղթ վառեցի,
 Տախէն օղը նօսրացաւ,
 Ճընեցեց վրան օղը դուրսի,
 Հաւկիթը ներս սահեցաւ:

ԲՍ.ՈՒՆՐ. — Չեռնածուն = Չեռքով շուտ, շուտ վարպետ խաղեր
 ընող: Խանդավառ = Շատ սիրով, շատ ուղեւով, ուրախութեամբ:
 Զուրը ծառը հանել = Չյուսացում. անկարելի բան մը ընել:
 Սրուակ = Պղտիկ շիշ (հոս՝ չափաւոր կը նշանակէ): Նօսրացաւ =
 Բարակցաւ, քիչցաւ: Կախարդ = Մարդ խաբելու ձեւեր կամ խօս-
 քեր ընող (Ֆալսի):

ԲՍ.ՐՈՅՍ.ԿՍ.Ն (նրաւս առնելիք խօսք). — Չեռնածուն-
 ներուն և կախարդներուն մի հաւատաբար: Անոնք ճարպիկ
 մարդիկ են, որ կը խաբեն խօսքերով կամ ձեւերով: Երբ
 որ աշխատիք և գիտութիւն սորվիք, անոնց ըրածները շատ
 ծիծաղելի պիտի երեւին ձեզի:

45. ՔԵՐԱԿԱՆՈՒԹԵԱՆ ՊԱՐՋ ԴԱՍԵՐ

ՉԱՅՆԱԻՈՐՆԵՐՈՒ ԿՈՐՈՒՍՏ ԵՒ ՓՈՓՈՒՈՒԹԻՒՆ

Բարդութեան և ածանցման ատեն, առաջին բառին մէջ գտնուած ձայնաւորներէն ոմանք կը կորսուին կամ կը փոխուին:

Կորսուող ձայնաւորներն են սովորաբար ի և ու. օրինակ. Գիր և սեղան բառերը բարդենք, կ'ունենանք գրասեղան: Ինչպէս կը տեսնուի գիր բառին ի գիրը կորսուած կամ ինկած է գրասեղանին մէջ: Լուր և բ ր բառերը, երբ բարդենք, կ'ունենանք՝ լրաբեր: Հոս ալ ու ն ինկած է կամ կորսուած:

Ածանցումներ. — Տուն բառը, եթէ ածանցենք ալիան մասնիկով. կ'ունենանք սնական: Հոս տուն բառին ու ձայնաւորը ինկած է: Սիւրս բառը, երբ ածանցենք ոս մասնիկով, կ'ունենանք ursus, որ կը նշանակէ սիրտ ունեցող: Հոս ի գիրը ինկած կամ կորսուած է:

Փոխուող ձայնաւորներ. — Է գիրը կը փոխուի իի: Օրինակ՝ պարտէզ, պարտիզպան (ածանց): Սէր, սիրական (ածանց): Սէր — Սիրալիր (բարդ), կը նշանակէ սիրով լեցուն:

Եւր կը փոխուի եի: Օրինակ, ատեան — ատենական, (ածանց), ատենապետ (բարդ):

Ոյը կը փոխուի ուի: Օրինակ. լոյս — լուսաւոր (լոյս) ունեցող (ածանց): Լոյս — լուսատու (լոյս տրւող՝ ածանց):

Իւը կը փոխուի ուի: Օրինակ՝ պատիւ — պատուաւոր (պատիւ ունեցող՝ ածանց): Պատիւ — պատուաբեր = պատիւ բերող (բարդ):


ԾԱՆՅԹ. — Հետեւեալ նախադաս մասնիկները չունեցողի գաղափար կուտան եւ կը կոչուին ժխտական մասնիկներ:

Ան. — Խելացի, անխելք = Խելք չունեցող: Ապ. — Ուշիմ խելացի, ապուշ = Խելք չունեցող: Տ. — Գիտուն, ագէտ = Չգիտցող: Դժ. — Գոհ, դժգոհ = Գոհ չեղող: Տժ. — Գոյն, աժգոյն = Գոյն չունեցող: Չ. = Տես, չտես = Չտեսնող:

46. ԿՕՇԻԿԷԴ ՎԵՐ ՄԻ ԵԼԼԱՐ

(Առակ)

Գայլը, աղուէսը և շորին, օր մը, միասին ճամբորդութեան ելան: Շատ գացին, քիչ գացին, վերջապէս հասան անապատ մը, ուր կեր չգտնելով՝ անօթի մնացին: Այս վիճակը երկար չէր կրնար տեւել: Ինչ ընէին, երեքը մէկէն անօթի մեռնէին. — Ո՛չ, անխելքութիւն պիտի ըլլար այս ուստի որոշեցին որ իրենցմէ ամէնէն պատիկը կեր ըլլար, ընկերներուն կեանքը փրկելու համար: Այս որոշումը անշուշտ շորին գործին չէր գար, քանի որ մտակեր չէր, բայց առաջուրէ խնդիր չհանեց, սպասելով հետեւանքին:



— Քանի՞ տարեկան ես, հարցուցին գայլին:

— Տարիքս իրա՛ւ որ լաւ չեմ գիտեր, պատասխանեց այս վերջինը, միայն սա չափը կը յիշեմ որ Զրեղեղին ա-

տեն նոյի Տապանը կը գտնուէի: Ա՛լ տարիքս դուք գուշակեցէք:



— Օ՛, աւելցուց անդիէն աղուէսը քմծիծաղով մը, դուն իմ թոռանս թողը անգամ չես եղեր, գայլ եղբայր: Ես այն աղուէսն եմ, որ առաջին

անգամ պատիւ ունեցաւ անցնելու նախահայր Ադամին առջեւէն և անկէ աղուէս անունը առաւ:

— Տարիքս կ'ուզէք, այնպէս չէ՞, կը ցաւիմ որ որոշ չեմ գիտեր, միայն թէ լուսահոգի հայրս կ'ըսէր որ ծննդեանս թուականը նշանակուած է ամբակիս վրայ, ուստի ձեր մէջէն ով որ թիւերու մասնագէտ է, թող հաճի գալ և կարգալ գայն:

— Ներողութիւն, ըսաւ աղուէսը անդիէն, այս հրաւերէն այնքան չախորժելով, թիւը իմ ամէնէն տկար կողմս է: Այդ անիծեալ թուանշանները գլուխս երբեք չեն մտներ, ինչ ընեմ: Արդէն հին, բարի ժամանակները թիւը ինչ պիտի ըլլար: Առանց հաշուելու՝ կ'առնէինք, կուտայինք:

— Ատ ալ բա՞ն մըն է, աւելցուց պարզամիտ գայլը անդիէն, թիւերը ինծի համար գաղտնիք չունին: Ու ծռեցաւ կարգալու համար:

Այդ միջոցին շորին՝ որ ետեւի ոտքերէն մէկը վեր առած էր, այնպիսի ուժգին հարուած մը տուաւ անոր, որ խեղճ հաշուագէտը թաւալազլոր գետին ինկաւ, գանկը ջախջախուած:

Ասոր վրայ, խորամանկ աղուէսը՝ որ, ամէն մեղքիս վրայ, կեղծ դատաւորի մը ձեւերը առած էր, քահ, քահ մը փրցուց անդիէն և գայլին մօտենալով՝ ըսաւ ականջնիվար:

— Ա՛յ, ողորմելի, դուն արհեստով մագործ էիր, քեզի ինչ փոյթ գիտական խնդիրներու խառնուիլ՝ «Կօճիկեղ վեր մի ելլեր»:

ԲԱՌԵՐ.— Անապատ = Աւազով լեցուն ընդարձակ դաշտ: Կեանք վրկել = Կեանքը ազատել, ապրեցնել: Զահեղեղ — Նայ = Ս. Գիրքը կ'ըսէ թէ ասկէ հազարաւոր տարիներ առաջ, անգամ մը, 40 օր 40 գիշեր անձրեւ եկաւ, երկիրը ամբողջ ջրով ծածկուեցաւ և բոլոր մարդիկ ու անասունները խեղդուեցան հեղեղներու մէջ: Այս ժամանակը ջրհեղեղ կը կոչուի: Զրհեղեղէն ազատեցաւ միայն Նոյ անունով մէկը, որ տապան ըսուած նաւ մը մտաւ, հետը առնելով զանազան տեսակ կենդանիներ ալ, որոնք ողջ մնացին Նոյի հետ: Քմծիծաղ = Կէս ծիծաղ: Նախահայր = Առաջին հայրը:

Աղամ = Առաջին անգամ ստեղծուած մարդը, որ մեր ամէնուն նախահայրն է: Փախուս = Փախչիլը: Լուսահոգի = Մեռած: Սմբակ = Զիտն, իշուն, ջորիին ոտքին խոշոր եղունգը կյոր ձեռով: Գաղտնիք = Ծածուկ բան: Ուժգին = Ծատ ուժով: Հաշուագէտ = Հայր գիտցող. Թաւալազլոր = Գտնալով գլորելը: Գանկ = Գլուխին վրայի մասը: Զախջախուած = Գտոր, կտոր եղած, կտորտած: Մասնագէտ = Ուսում մը լաւ գիտցող: Ամէն մեղքիս վրայ = Իր պակասութիւններուն չնայելով: Ողորմելի = Խեղճ, մեղքնաւոր: Կօճիկեղ վեր մի ելլեր = Խելքը չհասած բանին մի խառնուիլ: Ինչ փոյթ = Ինչ պէտք է: Գիտական = Գիտութեան պատկանող:

ՀԱՐՅՈՒՄՆԵՐ.— Ի՞նչ ըրին գայլը, աղուէսը ու ջորին. — Ո՛ւր գացին.— Ի՞նչ միջոց խորհեցան անօթի չմեռնելու համար.— Ի՞նչ ըսաւ գայլը — Աղուէ՛սը.— Ինչո՞ւ այս տեսակ պատասխաններ տուին.— Զորին ի՞նչ ըսաւ.— Աղուէ՛սը.— Ինչո՞ւ.— Գայլը.— Ինչո՞ւ.— Ի՞նչ պատահեցաւ.— Զորին ինչո՞ւ այսպէս ըրաւ.— Ի՞նչ ըսաւ աղուէսը.— Այս պատմութեան ի՞նչ խրատ պիտի առնենք:

ԳՐԱԻՈՐ ՊԱՐՏԱԿԱՆՈՒԹԻՒՆ

(Հետեւեալ խօսքեր ամբողջացուցիք)

- Գայլը . . . կենդանի մըն է: Աղուէսը . . . կենդանի մըն է:
- Զորին . . . կենդանի մըն է: Զգոյշ ըլլանք միշտ կե եւ կե:
- Մարդ պիտի չի խառնուի այն բաներուն չի հաւնիր: Մարդ պիտի է գիտնայ միշտ իր :



47. ՔԵՐԱԿԱՆՈՒԹԵԱՆ ՊԱՐՉ ԴԱՍԵՐ

Դ Ե Ր Ա Ն Ո Ւ Ն

Դեր կը նշանակէ գործ կամ պատժ: Դերանունը բառ մըն է որ վերը յիշուած կամ նշանակուած բառի մը տեղը կը գրուի (անոր գործը կը կատարէ) զայն չի կրկնելու համար. օրինակ փոխանակ ըսելու՝ մեր տունը մեծ է, մեր տունը կը գտնուի Բերա, կ'ըսենք մեր տունը մեծ է, ան կը գտնուի Բերա: Հոս ան բառը դերանուն մըն է, որ գրուած է տու բառին տեղ, զայն չկրկնելու համար:

Դերանունները հինգ տեսակ են. անձնական կամ էական, ցուցական, ստացական, անորոշ և յարաբերական:

Անձնական դերանուններ. — Անձնական կամ էական (է՛ անձ ըսել է) են այն դերանունները որ անձ, այսինքն հոգի ունեցող մէկը ցոյց կուտան: Անձնական դերանուններն են. ես, դուն, ան, ինքը, մենք, դուք, անոնք, իրենք:

Անձնական դերանունները դէմք ունին, այսինքն անձի մը կամ մէկու մը դերը կը կատարեն: Դէմքը երեք է. առաջին, երկրորդ, երրորդ: Առաջին դէմքն է խօսողը կամ ընողը. օրինակ՝ ես, մենք: Երկրորդ դէմքն է մտիկ ընողը կամ ան, որուն խօսք մը կ'ուղղենք. օրինակ, դուն, դուք: Երրորդ դէմքը ո՛չ ես եմ, ո՛չ դուն, հապա ան՝ երրորդ մը, որուն մասին կը խօսինք. օրինակ, ան, անոնք, ինք, իրենք:

Ցուցական դերանուններ. — Ցուցական կը կոչուին այն դերանունները որ բան մը ցոյց տալու կը ծառայեն: Ասոնք ցուցական ածականներն են, որ անունին տեղ կը գործածուին. օրինակ: Աս կուզեմ: Աս

ցուցական դերանունն մըն է, որ ցոյց տրուած բանին տեղ գրուած է:

Ցուցական դերանուններն են. աս, ատ, ան կամ այս, այդ, այն, կամ ասիկա, ատիկա, անիկա, ասոնք, ատոնք, անոնք:

Ստացական դերանուններ. — Ստացական են այն դերանունները որ մէկուն ունեցած մէկ բանին տեղ կը գործածուին. օրինակ. բու գրիչդ կարմիր է, իմ գրիչս սեւ է, ըսելու տեղ, կ'ըսենք. քու գրիչդ կարմիր է, իմինս սեւ: Իմինս, որ գրիչին տեղ գրուած է, ստացական դերանուն է:

Ստացական դերանուններն են. իմինս, քուկինդ, իրենք կամ անորը, իմիններս, քուկիններդ, իրենցը կամ անոնցը:

ՎԱՐԺՈՒԹԻՒՆ. 1.— (Հետեւեալ դերանուններուն տեսակները նշանակել):

Ես, քուկինդ, ատիկա, ձերինները, ատոնք, մենք, անոնք, ինքը, իրենք, իմինս, ասիկա, իրենք, դուք, իրը, անիկա, մերինք, իրենցը, դուն, ան:

ՎԱՐԺՈՒԹԻՒՆ. 2.— (Հետեւեալ կրկնուած բառերուն տեղ յարմար դերանուն մը դնել):

Մեր հայրը շատ բարի է, մեր հայրը այսօր գործի գնաց: Տանձը և խնձորը պտուղներ են, քանի որ խնձորը կը գտնուին պարտէզներու մէջ: Յակոբ և Օննիկ ընկերներ են, Յակոբ եւ Օննիկ վարժարան կը յաճախեն:

48. ԵՐԿՈՒ ՀԱՇՈՒՅՑՈՒՑԱԿՆԵՐ

(Սպանիական պատմութիւն)

Լեւոն պղտիկ մանչ մըն էր, հագիւ տասը տարեկան, բաւական խելացի: Ան լաւ մտիկ կ'ընէր իրեն ըստածներուն և տեսածներէն բան մը սորվիլ կ'ուզէր:

Ատենէ մը ի վեր, անոր ուշադրութիւնը կը գրաւէին մաս մը վանաւորներ, որոնք մայրիկին կը ներկայանային և հաշուեցուցակ ըստած թուղթ մը տալով՝ փոխարէն դրամ կ'առնէին: Երէկ ալ պարտիզպանը եկած էր և այդ թուղթը ներկայացնելով՝ մայրիկէն դրամ գանձած էր:



Հաշուեցուցակները մայրիկին գրասեղանին վրայ էին: Պղտիկը հետաքրքիր՝ մօտեցաւ հասկնալու համար անոնց պարունակութիւնը: Ահա այդ հաշուեցուցակներէն մէկը, ուր մօտաճառը կարգով նշանակած էր իր զրկած

ապրանքները և գումար 150 դրուշ կը պահանջէր: Երկրորդով պարտիզպանը իրարու ետեւէ ցոյց տալով իր ըրած ծառայութիւնները՝ 125 դրուշ կը պահանջէր:

Մանչուկը մտածեց. ըսել է մէկու մը ըրած ծառայութիւնները դրամ կ'արժեն եղեր, հապա իր ըրածները: Ինչո՞ւ փոխարէնը չպահանջէր:

Ու թուղթ մը առնելով՝ ճիշդ տեսածներուն պէս, հետեւեալ զարմանալի հաշուեցուցակը պատրաստեց, զոր մայրիկը գտաւ իր պնակին վրայ, կէսօրուան ճաշի ատեն:

Մայրիկը կը պարտի իր գաւկից Լեւոնին.

Վեց անգամ ածուխ բերած ըլլալուն համար	15	դրշ.
Շատ անգամներ փայտ բերած ըլլալուն համար	20	»
Շատ անգամ զանազան յանձնարարութիւններ կատարած ըլլալուն համար	40	»
Միշտ բարի և խելօք ըլլալուն համար	50	»
Գումար	125	դրշ.

Մայրիկը ցուցակը առաւ և բան մը չըսաւ: Իրիկունը, երբ Լեւոն սեղան կը նստէր, իր պնակին մէջ գտաւ հաշուեցուցակը՝ պահանջած 125 դրշ.ին հետ: Չափէն աւելի գոհ՝ դրամը գրպանելու վրայ էր, երբ աչքին զարկաւ ուրիշ հաշուեցուցակ մըն ալ, ուր գրուած էր.

Լեւոն կը պարտի իր մայրիկին	
Տասը տարի, սան մը մէջ երջանիկ ապրած ըլլալուն համար	Ոչինչ
Տասը տարուան սնունդի համար	Ոչինչ
Հիւանդութեան ատենները զինքը նայելուն համար	Ոչինչ
Տասը տարի շարունակ բարի մայր մը եղած ըլլալուն համար	Ոչինչ
Գումար	Ոչինչ

Երբ Լեւոն կարդաց այս ալ աւելի զարմանալի հաշուեցուցակը, կարմրեցաւ մէկէն, շրթունքները սկսան դողալ յուզումէն և աչքերը արցունքով լեցուն, գնաց, մօրը գիրկը նետուեցաւ և «Միրելի, ա՛ն, նուշիկ մայրիկս, բաւ, առած դրամը ետ տալով, ա՛հ, շատ կ'ողաչեմ, ներէ, ինձի: Մայրիկը բան մը չի պար-

տիր իր գաւկին, բնաւ: Կը հասկնամ որ երբեք չպիտի
կրնամ վճարել, ինչ որ պարտական եմ քեզի: Ասկէ
վերջը, իմ անուշիկ, աղուորիկ մայրիկս թո՛ղ ապա-
հով ըլլայ թէ միշտ իր ուզածը, իր փափաքածը պի-
տի ընեմ, առանց իրմէ բան մը պահանջելու: Հաճոյք
մըն է ինձի համար մայրիկիս պարտական ըլլալ: Եւ
պարտական եմ արդէն մինչեւ վերջը:

ԲԱՌԵՐ.— Վանառորդ = Բան մը ծախող: Գանձել = Դրամ
առնել: Կը պահանջէր = Կ'ուզէր: Յանձնարարութիւն = Մէկուն
ընելու համար ըսուած բան կամ հրաման: Սնունդ = Ոյժ առողջ
ուտելիք: Պարսիլ = Պարտք տնկնալ:

ՀԱՐՅՈՒՄՆԵՐ.— Լեւոն ի՞նչ տեսաւ.— Ի՞նչ մտածեց.
— Ի՞նչ է հաշուեցուցակը.— Լեւոն ինչո՞ւ գրեց.— Ի՞նչ
պէս գրեց.— Մայրիկը ի՞նչ ըրաւ.— Լեւոն ի՞նչ զգաց.—
Յետոյ ի՞նչ ըրաւ.— Ո՞վ է պարտականը միտ:

ԳՐԱԻՈՐ ՊԱՐՏԱԿԱՆՈՒԹԻՒՆ
(Հետեւեալ խօսքերը ամբողջացուցէ)

Մայրիկս բնաւ պարտական չե ինձի: Ես պարտական եմ մայրիկիս
որովհետեւ : Որովհետեւ մայրիկս : Որով-
հետեւ մայրիկս : Որովհետեւ մայրիկս : Ասկէ
տղայ պարտական ե միշտ իր : Ես պիտի աշխատիմ, որպէսզի օր-
մը ըզլաւ մայրիկիս եւ հայրիկիս:

49. ԿԱԹՆԱՎԱՃՈՒՈՒՀԻՆ
Ե Ի Ի Ր Ե Ր Ա Ջ Ր

Կարին ամանը բարձիկով՝ գըլխին,
Մարոնիկ բըռնեց համբան ֆալափին:
Սակայն հանգիստ ֆալ առնելու համար:
Կարն հագուստ հագաւ, կօշիկներ յարմար:
ձամբուն ընթացքին, ողջընձեւով միտ,
Կարին արժէքը կը հաշուէր ան հիշ:
Այդ դրամով հարիւր հաւկիք կը գրնէր
Եւ երեք թուխով շատ մը վառեակներ
Կը հանէր: Աղուէսն անդին կար հարպիկ,
Բայց ինքն ալ ապուշ չէր, բան մը կոկիկ՝
Այս գործէն նորէն,
Կը մընար իրեն:

Ինչ որ ալ ըլլար, ըլլալիք շահով՝
Խոզիկ մը կրնար գրնել ապահով.
Խոզը մեծցընել անտուտ բան մը չէր,
Բայց ձագ կ'ունենար, ան շատ բան կ'արժէր:
Ինչո՞ւ չունենար օր մ'ալ հանոյժով:
Իր այնքան սիրած հորթուկը եւ կով:
Աղուո՞ր հորթուկ մը որ դեռ կաթընկեր,
Սանկ պահիկ մըն ալ, կ'ելէր, կը ցաշկէր:
Իր հորթուկին հետ միեւնոյն ատեն,
Տեսնես, Մարոն ալ ցաշկէ՛ց: Չա՛ր բախտէն,
Ամանն է ինկաւ, կաթը բափեցաւ,
Խեղճին երազը ցընդեցաւ, ի՞նչ ցաւ:
Ո՞վ երազ չունի այս աշխարհի մէջ,
Ուր ցաւեր, հոգեր լեցուն են անվերջ:

Անկէ կը սարուին հաւասարապէս
 Գիտունն ու սրգէս, ինծի, քեզի պէս:
 Դիպուած մը պէտք է անախորժ այնքան,
 Որ հասկըցնել գայ մեզի սակայն,
 Թէ պէտք չէ սարուիլ երազէն բընաւ,
 Ան խաբուօսիկ է եւ կեանքի իրաւ:

ԲԱՌԵՐ. — Ընթացքին = Միջոցին, աստե՛ն: Ողջնձեւ = վերի
 վերոյ չափ, ձեւ. ո՛չ բոլորովին ճիշդ: Թուխս դնել = Հաւը հաւ-
 կիթներուն վրայ նստեցնել՝ ձագ հանելու համար: Կարրնկեր =
 կար և կեր բառերէն. կը նշանակէ կաթ ուտող: Անվերջ = վերջ
 բառէն և ան ժխտական մասնիկէն, կը նշանակէ վերջ չունեցող:
 Դիպուած = Մէկէն պատահած բան: Խաբուօսիկ = Խարող:

ԲԱՅԱՏՐՈՒԹԻՒՆ. — Երազ բառը հոս, գիշերուան մեր
 տեսած երազը չի նշանակեր, այլ կը նշանակէ երեւա-
 կայել, մտքին առջեւ բաներ մը բերել: Շատերը միջոց մը
 կ'ունենան տոյս տեսակ երազներ կամ երազանք և անշուշտ
 հաճոյք կ'զգան անոնցմէ, ներելի ժամանց մը պահիկի
 մը համար անշուշտ: Բայց ծիծաղելի կ'ըլլան անոնք որ խեղճ
 կաթնավաճառուհիին պէս, երազը իրականութեան, այս-
 ինքն իրաւի տեղ կ'ընդունին: Այն ատեն, զժբախտութիւնը
 այն է որ, ոչ միայն բան մը չեն շահիր, այլ ունեցածնին ալ
 վրայ կուտան:

50. ՔԵՐԱԿԱՆՈՒԹԵԱՆ ՊԱՐԶ ԴԱՍԵՐ

Դ Ե Ր Ա Ն Ո Ւ Ն Ն Ե Ր

Անո՛րո՛ց դերանուններ. — Անորոջ ածականները, երբ
 առանձին գործածուին, կամ անուններուն տեղ դըր-
 ուին, անորոջ դերանուն են. օրինակ, փոխանակ ըսե-
 լու ուրիշ տղայ չեմ սիրեր, երբ ըսեմ ուրիշը չեմ սի-
 րեր, ուրիշը անորոջ դերանուն է: Անորոջ դերանուն
 են շատր, քիչը, մէկը, ուրիշը. բան մը, եւայլն:

Յարաբերական դերանուն. — Յարաբերական դերա-
 նուն կը կոչուի որ բառը — յոգնակին՝ որոնք — որ իրմէ
 ստաջ գտնուած բառի մը տեղ կը դրուի կամ զայն
 կը յարաբերէ: Օրինակ, Չեմ սիրեր այն տղան որ դաս
 չի սորվիր: Հոս, որ բառը դրուած է տղայ բառին տեղ
 և յարաբերական դերանուն է. կը յարաբերէ տղան,
 այսինքն տղային տեղ դրուած է:
 Դերանունները անուններու պէս կը հոլովուին:
 Վերջը պիտի տեսնէք:

ՎԱՐԺՈՒԹԻՒՆ. 1. — (Հետեւեալ դերանուններուն տեսակներ
 նշանակել պարսկականութեան տեսակին մէջ):

Մենք, իրենք, աս չեմ ուզեր, իմինս ասոր, շատեր տեսան,
 անոնք եկան, ասոնք չեմ ուզեր, ինք խօսեցաւ, քու կինդ կ'ուզեմ,
 ասոնք ներս եկան, այն տղան, որ չ'աշխատիր, չի սիրուիր, քիչը
 ասոր անոր:

ՎԱՐԺՈՒԹԻՒՆ 2. — (Հետեւեալ խօսքերուն մէջ կրկնուած բա-
 ւերուն տեղ յարմար դերանուն մը դրեմ):

Արշալոյս բարի աղջիկ մըն է, Արշալոյս շատ կ'աշխատի: Այս
 տղան ծոյլ է, այն տղան աշխատասէր: Իմ թեւերս մաքուր չեն,
 քու թեւերդ ազո՛ւր են: Այս տղաքը բարի են, այն տղաքը
 ինչ որ կ'ուզես որ մարդ մը բնէ քու անձիդ, գուն ալ այն մարդուն
 այնպէս ըրէ:



51. Գ Ա Ր Ո Ւ Ն .

Մեր քաղաքին համար Մարտի գարնան առաջին ամիսը չէ կրնանք ըսել: Անիկա իր փոփոխական օդերով, աւելի ձմեռ է, քան թէ գարուն: Մեր գարունը սովորաբար Ապրիլին կ'սկսի. եթէ երբեք գարուն կայ այս կլիմային տակ, վասնզի ցուրտերէն վերջ, յանկարծ տաքը կ'սկսի:

Ասոր հետ մէկտեղ, ձմրան անտանելի օրերէն յետոյ հաճոյք մըն է ողջունել աղուոր, տաքուկ արեւը, որուն կարօտը կը քաշէինք ամիսներէ ի վեր: Այլ չկայ հիւսիսային պաղգաւակ քամին, որուն սառուցիկ շունչը մինչեւ ոսկորներդ կը քափանցէր: Անուշիկ գեփիւնը հաճելի զովութիւն մը կը սփռէ ամէն դի:

Սիրտ բացող, սիրուն կապոյտը երկինքին՝ կը ցունայ յագուարք կապոյտին մէջ ծովուն: Եւ ո՞ւր աւելի շէնշող է կապոյտը քան Վասփուրի մէջ, ինչպէս կը կրկնէր հրբեմն մեր շատ յարգելի գրագէտներէն մէկը, զոր պիտի ճանչնար յետոյ:

Կանանչ են հազեր դաշտերը բոլոր, ծաղիկ են հազեր ծառերը բովանդակ և սպիտակ երիցուկներ կը կէսկիսեն մարգերուն զմուխ կանաչութիւնը:

Չատկի տօնը գարնան տօնն է, յոյսերու, նոր կեանքի մը տօնը զոր մեր նախնի գեղեցիկ մտածումով մը՝ դրած են գարնան մէջ: Արդարեւ երբ չորացած ծառը կը ծլի և սմբած թուփը կը ծաղկի, ինչո՞ւ մարդիկ յուսահատին և գարնան հետ նոր կեանք մը ապրելու չսկսին: Գարունը նոր կեանք և կենդանութիւն կը բերէ ամէնուն:

ԲԱՌԵՐ՝. — Կլիմայ = Տեղի մը օդին վիճակը: Ողջունել = Բարեւել: Թափանցել = Մէջը անցնիլ: Լագուարք = Կապոյտ գոյն մը (լանիվեր): Վասփուր = Պոլսոյ նեղուցը: Գրագէտ = Գրելու և հասկնալու ուսումը ունեցող մարդ: Երիցուկ = ձերմակ ծաղիկ մը (փափաքիա): Կեսկիսել = Տեղ տեղ զարգարել: Զմուխ = Կանանչ թանկապին քար մը: Սմբած = Քաշուած:

ՀԱՐՑՈՒՄՆԵՐ՝. — Ե՞րբ կ'սկսի գարունը. — Պոլսոյ համար ի՞նչպէս է. — Ի՞նչու. — Գարնան ի՞նչպէս է օդը. — Հս՞վը. — Երկի՞մբը. — Ծո՞վը. — Դաւե՞ս՞ըր. — Ծառե՞րը. — Չասիկը ե՞րբ կուգայ. — Ինչո՞ւ. — Կը սիրէ՞ք գարունը. — Չասի՞կը. — Ինչո՞ւ:

ԳՐԱԻՈՐ ՊԱՐՏԱԿԱՆՈՒԹԻՒՆ
(Պակաս խօսքեր ամբողջացուցիկ)

Բերա, 15 Ապրիլ 1933

Սիրելի ընկերուհիս,

Կը շնորհաւորեմ Ս. . . ը եւ սարկներ կը ընտրեմ
. Չասկուան նուէրի համար կը որի՞նք ինչի . . . կամիր . . .
. . . որոնք մեր . . . ամսած են: Ծաս . . . են: Կը խնդրեմ որ . . .
. . . Բարեւներ

Քեզ սիրող ընկերուհիդ

52. ԳԱՐՈՒՆ ԵՒ ՄԱՆԿՈՒԹԻՒՆ

(ԵՐԳ)

Ողջո՛յն, շէկող դու գարուն,
Ողջո՛յն զրարք մանկութիւն,
Կեանքի աղուռ այս առտուն,
Ոսկի արեւն է ժրպսուն:

Մն, երգենք խանդավառ՝
Մենք գարնան համար:
Գարունը մեր մէջ
Թո՛ղ ապրի անվերջ:


ժըպիս, ծիծաղ ամէն դի,
Երգ, դայլայլիկ, մեղեդի,
Մանուկ, քրոջուն փվէ փվ,
Պար բրունած են հահոյփով:

Մն, երգենք խանդավառ՝
Մենք գարնան համար:
Գարունը մեր մէջ
Թո՛ղ ապրի անվերջ:

Մանկութիւնը մեր կեանքին
Արեւոյսն է թանկագին,
Յարգը գիտնանք մենք անոր՝
Կեանքի գարունն է աղուռ:

Մն, երգենք խանդավառ
Մենք գարնան համար:
Գարունը մեր մէջ
Թո՛ղ ապրի անվերջ:

ԲԱՌԵՐ.— Ողջոյն = Բարե՛ւ: Խանդավառ = Սիրով լեցուն,
խանդով լեցուն: Դայլայլիկ = Թռչուններուն անոյշ երգը: Մեղեդի
= Սրտի զպչող տխուր երգ:



53. ՄԱՅԻՍԻ ՊՏՈՅՏԸ

Մայիս 5ը պտոյտի օր նշանակուած է դպրոցներուն համար: Շատ իմաստուն որոշում, որովհետեւ ուսումը որքան կարեւոր, առողջութիւնն ալ այնքան կարեւոր է, և թէ տղաքն ալ մարդ են վերջապէս: Այդ սիրուն փոքրիկները ձմեռուան բանտարկութեան երկար օրերէն վերջ, ծաղիկներու պէս, քիչ մըն ալ օդի և լոյսի պէտք ունին, գարունը լիաթոք շնչելու կը կարօտին ապրելու համար:

Մայիսի պտոյտը պարտաւորիչ է, բայց օրը խընդիր չէ, որովհետեւ մեր քաղաքին համար, օդերը ընդհանրապէս փոփոխական են Մայիսի սկիզբները: Մեր վարժարանին պտոյտը տեղի ունեցաւ Մայիս 29ին: Բուժէլի Գավաք պիտի երթայինք: Ժամադիր եղանք Շիրքէթի շոգենաւերէն մէկը, որ կամուրջէն կը մեկնէր առաւօտեան ժամը 9.30ին: Ժամը 9էն սկսեալ՝ ամէն հասակի ընկերներ և ընկերուհիներ մաքուր, կոկիկ հագուած, պայուսակներով կը խուժէին դէպի շոգենաւին վերնայարկը, որ քիչ ատենէն

կատարեալ զպրոց մը դարձաւ: Որոշեալ ժամուն, երգերով և ուրախութեան ազադակներով մեկնեցանք դէպի Վոսփոր: Ի՛նչ հաճելի ժամանց: Չախ կողմերնիս՝ Եւրոպան, աջերնիս՝ Ասիան: Միշտ մէկ կողմէն միւսը կը վազէինք կուշտ ու կուռ ծծելու ծովուն առողջարար օդը և անյագ աչքերով գիտելու սիրուն, աղուոր գիւղերը իրենց ծովահայեաց ապարանքներով, ծաղկազարդ պարտէզներով և գմբուխտի պէս անտառակներով: Կէս օր էր, գրեթէ, երբ Գավաք հասանք: Ծովեզերեայ զբօսարանը անմիջապէս մեր տեղերը զրաւեցինք, սեղաններ պատրաստեցինք և մեր սիրելի ուսուցիչներուն և ուսուցչուհիներուն հետ աղուոր դաշտային ճաշ մը ըրինք համով ու հոտով:

Օրը բոլոր, երգերով, պարերով և պտոյտներով անցընելէ յետոյ իրիկուն վերագարձանք, հաճելի յիշատակ մը պահելով մեր այս պտոյտէն:

ԲԱՌԵՐ.— Լիարտ ընչել = Ենչել լեցուն թորով. ուժով մը շունչ ատնել: ժամադիր ըլլալ = ժամ որոշել: Ասիա, Եւրոպա = Մեր նեղուցին՝ Բերայի կողմը Եւրոպա, Սկիտարի կողմը Ասիա կը կոչուի: Ծովահայեաց = Ծով տեսող: Ապարանք = Պալատ, գեղեցիկ մեծ շէնք:

ՀԱՐՅՈՒՄՆԵՐ.— Ե՞րբ է վարժարաններու պսոյսը.— Պսոյսը կարեւոր է.— Ինչո՞ւ.— Անպատճառ Մայիս 5ի՞ն կ'երթան պսոյսի.— Դուք այս տարի ո՞ւր գացիք.— Ի՞նչ միջոցով գացիք.— Ի՞նչ ըրիք ամբողջ օրը.— Ձուարճացա՞ք.— Ե՞րբ վերադարձաք.— Ժամը քանի՞ն.— Ի՞նչպէս.— Պսոյսը կը սիրէ՞ք.— Ինչո՞ւ:

54. ՔԵՐԱԿԱՆՈՒԹԵԱՆ ՊԱՐՉ ԴԱՍԵՐ

Բ Ա Յ

Բայ.— Բայ կ'ըսուին այն բառերը, որ գործողութիւն մը կամ ընել, ըլլալ և ըլլալի ցոյց կուտան: Օրինակ. ուտել՝ բայ է, որովհետեւ բան մը ընել ցոյց կուտայ. իյնալ՝ բայ է, որովհետեւ բան մը ըլլալ ցոյց կուտայ, պատժուիլ՝ բայ է, որովհետեւ բան մը ըլլուիլ ցոյց կուտայ:


Բայերը շորս տեսակ են. էական, ներգործական, կրաւորական և չէզոք:

էական բայ.— Ըլլալ բայը, եթէ անձի մը համար գործածուի, կը կոչուի էական բայ: Օրինակ. եմ, ես, է. եղայ, պիտի ըլլամ, պիտի ըլլայ, էական բայեր են, որովհետեւ եզոզը կամ իմ անձս է կամ քու անձդ կամ անոր անձը:

Ներգործական բայ.— Ներգործական կ'ըսուի այն բայը, որ բան մը ընել ցոյց կուտայ: Օրինակ. կ'ուզեմ, կը գրեմ, կը տեսնեմ. ներգործական բայեր են, որովհետեւ բան մը ընել ցոյց կուտան:

Կրաւորական բայ.— Կրաւորական կը կոչուին այն բայերը, որ ըլլալի ցոյց կուտան կամ գործողութիւն մը մէկէ մը, բանէ մը կրել: Օրինակ. պատժուիլ, սիրուիլ, տարուիլ՝ կրաւորական բայեր են, որովհետեւ ըլլուիլ կամ մէկէ մը բան մը կրել ցոյց կուտան:

Չէզոք բայ.— Չէզոք կը կոչուի այն բայը որ ըլլալ կը նշանակէ: Չէզոք բային մէջ գործողութիւնը կամ կատարուածը ընողին վրայ կը մնայ, ուրիշին բան մը չըլլար: Օրինակ. իյնալ, ելլել և հիւանդանայ՝ չէզոք բայեր են, որովհետեւ գործողութիւնը ընողին վրայ կը մնայ և ուրիշին բան մը չըլլար:



55. ԽՂՃԻՆ ՁԱՅՆՐ

Գիւտերօրիկ վարժարանի մը մէջ քսանըհինգ ընկերներ էին: Ասոնք շնորհքով կրթութիւն մը կ'ստանէին: Այնքան բարի էին, աղնիւ և իրարու հետ այնքան լաւ վերաբերում մը ունէին որ տեսնողը դանոնք միեւնոյն ընտանիքի զաւակ հարազատ եղբայրներ պիտի կարծէր: Արդարեւ նախանձ, ատելութիւն չկար անոնց մէջ: Իրարու կ'օգնէին, իրարու կը հասնէին և իրարու վրայ հոգի կուտային: Չար ըսուածը չէին հասկնար, քանի որ միշտ մտիկ կ'ընէին իրենց ներքին ձայնին, որ խիղճ կը կոչուի, որուն պաշտօնն է ցոյց տալ միշտ բարին և ճամբայ չտալ չարին: Եթէ պատահէր որ թիւրիմացութիւն մը ծագէր անոնց մէջ, իրարու կը նայէին պահ մը և հասկնալով իրենց սխալը անմիջապէս ներողութիւն կը խնդրէին:

Երբեմն այցելութեան մը առթիւ, երբ իրենց ծնողքը անուշեղէն կամ խմորեղէն բերէին իրենց և կը զնէին զանոնք ննջարանը գտնուած իրենց մասնաւոր պահարաններուն մէջ, և սակայն երբ վայելելու կարգը կար, բնաւ չէին մոռնար բաժին հա-

նելու իրենց ընկերներուն ալ: Ընկերութիւնը, եղբայրութիւնը այսպէս կ'ըլլայ: Օր մը, Շաւարշ և Արա ննջարանը առանձին էին: Վահանին ծնողքը այն օրը թարմ կարկանդակ բերեր էին, որ անոյշ անոյշ կը բուրէր:

— Արա՛, ըսաւ Շաւարշ, ընկերոջը դառնալով, սա կարկանդակէն քշիկ մը առնենք և ուտենք, ի՞նչ անոյշ կը հոտի, բերնիս ջուրը կը վազէ:

— Կը վայելէ՞, Շաւարշ, պատասխանեց Արա նեղանալով, ի՞նչպէս կ'ընանք ձեռք զարնել բանի մը, որ մերը չէ:

— Ի՞նչ կ'ըլլայ, սիրելիս, քշիկ մը, պատառ մը, չէ՞ որ ընկերներ ենք: Արդէն մեզի պիտի տայ: Պահ մը առաջ կամ վերջը, ի՞նչ նշանակութիւն ունի:

Վերջապէս որկրամուտղան այնքան ազաչեց, թախանձեց որ Արա տեղի տուաւ: Պահարանը բաց էր, կտոր մը կարկանդակ առին ու կերան: Յետոյ Արա դասարանը ելաւ: Այս դասարանին ճակատը կախուած էր դաստիարակին պատկերը, այնքան աղուոր գծուած, որ կարծես թէ երեսիդ կը խնդար, որ կողմէն ալ նայելու ըլլայիր: Զարմանալի բան, Արայի այնպէս կուգար թէ այսօր դաստիարակին դէմքը փոխուած էր, սովորական ժպիտը չուներ և ծուռ, ծուռ իրեն կը նայէր: Խեղճ տղան դրան առջեւ գամուած՝ մնաց. ծունկերը կը դողդողային և չէր կրնար քայլ առնել: Միւս կողմէն, ձայն մը իր ականջին «գո՛ղ, գո՛ղ» կը կրկնէր: Անհանելի էր վիճակը: Վերջապէս յուսահատական նիզ մը ըրաւ և թաքտեղութեամբ տեղը անցաւ: Դասը սկսած էր: Դասը սկսեց, Արայի խելքը գլուխը չէր: Վերջապէս զանգակը հնչեց: Այլ միջոց էր: Ազնիւ տղան, աչքերը արցունքով լեցուն, գնաց, գտաւ վահանը և զայն առանձին անկիւն մը տանելով խոստովանեցաւ իր տգեղ աշտօնը և ներողութիւն խնդրեց:


Վահան ժպտեցաւ և ապահովցուց զայն թէ, ընաւ նշանակութիւն չունէր այդ ըրածը սրտակից ընկերներու համար:

— Ընդհակառակը, աւելցուց Արա, շատ անվայել էր, միայն թէ կը վստահեցնեմ զեզ, ազնիւ ընկերս, թէ առաջինը ու վերջինը պիտի ըլլայ ինծի համար այս արասը, զոր այնքան ազնուութեամբ կը սրբես: Ներողութիւն:

Արայի խիղճը հանդարտած էր հիմա:

ԲԱՌԵՐ.— Վերաբերում = վարուելու կերպ: Ներքին = ներսի, ներսը գտնուող: Թիւրիմացութիւն = Սխալ հասկացողութիւն: Իբրեւ նուէր = նուէրի համար, նուէրի տեղ: Տեղի տալ = Ըտուածը կամ ուզուածը ընել: ձիգ = Ուժով ջանք: Արար = Գործ: Անսանելի = Չտարուելիք. չքաշուելիք: Գիւտրոքիկ = Գիշերը պակկելիք, անցնելիք (տեղ): Արաս = Բիծ:

ՀԱՐՅՈՒՍՆԵՐ.— Ի՞նչ է գիւտրոքիկ վարժարանը.— Ի՞նչ տեսակ կրթութիւն կ'առնէին տղաք այդ դպրոցին մէջ.— Արա եւ Շաւարս ո՞ր էին.— Ի՞նչ պատահեցաւ.— Ի՞նչպէս համոզեց Շաւարս.— ձի՞ւղ էին ըսածները.— Ի՞նչ եղաւ Արա.— Իրա՞, դաստիարակին դէմքը փոխուած էր.— Ինչո՞ւ այնպէս կ'երեւէր — Ի՞նչ ըրաւ Արա.— Ի՞նչպէս խիղճը հանդարտեցաւ.— Ի՞նչպէս կը գտնէր Արայի ընթացքը:



56. Կ Ա Թ Ի Լ Ն Ե Ր

Կանանչներ հագած սա ժպտէն յուշիկ,
Կը կաթէ գուլալ ջրիկ մ'անուշիկ:
Կարծես ազամանդ՝ կաթիլներն լրտա
Կը ժրպտին քեզի նուրբ ցոլբերուն սակ:

Թէ ուզես խրմել գաւաթ մը անկէ,
Բաւական տեսն ըսպատել պէտք է.
Ուսի ափիս մէջ ժողովելով ըզգոյ՛՛՛
Պոտ մը խրմեցի, ա՛ն, ո՛րեան անո՛յ՛:

Ինչո՞ւ համար էր այս ցուրբ համեղ,
Ինչո՞ւ աղբիւր մի չեն շիներ այստեղ,
Կը մըրմընջէի, հարց տալով ինծի,
Երբ այ՛ֆիս զարկաւ ծառը դիմացի:

Ճիւղերուն վրայ անոր փառաւոր,
Բոյնը դրած էր քրոջուն մը աղուոր,
Երբեմն ան կուգար այդ կաթիլներէն
Կըտցել, ձագերուն սանիլ որ խրմեն:

Հիմա հասկըցայ թէ բարին Ասուած
Գութին երակն էր ձագերուն բացած:
Անոնց համար էր դրած այդ կաթիլ.
Ուրեմըն ինչո՞ւ կենալ, գանգաւսիլ:

ԲԱՌԵՐ.— Յուշիկ = Կամաց մը: Զուլայ = Շատ յտակ:
Ազամանգ = Տեսակ մը աղնի քար (եմաս): Կուրբ = Բարակ:
Յոլք = Բարակ լոյս, փայլ: Հարց սալ = Հարցնել: Կսցել = Կտու-
ցով առնել: Գուք = Մեղքնալու զգացում: Համեղ = Համ բառէն
և եղ մասնիկէն, լաւ համ ունեցող:

Մ Տ Ա Ծ Ո Ի Մ Ն Ե Ր

Բնութիւնը կամ աշխարհը, եթէ ուշադրութեամբ դի-
տենք, պիտի տեսնենք որ ամէն բան իր տեղը ունի և իր
օգուտը: Բնութիւնը կընտանք ըսել թէ բաց գիրք մըն է,
զոր պէտք է կարգալ գիտնալ: Միայն միտքով կոյրերն են
որ գայն չեն տեսներ: Պէտք է լաւ նայիլ, մտածել և սրտ-
ճառները հասկնալ:

57. ԻՇԽԱՆԸ ԵՒ ԾԵՐՈՒՆԻՆ

Արեւելքի հին իշխաններէն մէկը, որ սովորու-
թիւն ունէր երբեմն ծայելով ժողովուրդին մէջ մտնե-
լու, անցած դարձածը աչքովը տեսնելու և ականջովը
իմանալու համար, օր մը, պտոյտի միջոցին, հանդի-
պեցաւ վաթսուն տարեկան ծերունիի մը և հարցուց
անոր. «Ի՞նչ են իր կրօնքին պայմանները», այսինքն
թէ, ի՞նչ պէտք է գիտնալ կամ ի՞նչ պէտք է ընել կա-
սարեալ կրօնաւէր մը ըլլալու համար: Խեղճ ծերունին, որ
բարի հաւատացեալ մըն էր, այդ տեսակ խրթին բաներէ
չէր հասկնար: Ան՝ ժամանակին, աղօթքը կընէր, մէ-
կուն ծուռ աչքով չէր նայեր և կը ջանար ձեռքէն
եկած բարիքը ընել ամէնուն: Ամէնը այսչափ: Ան
ուրիշ բան չէր գիտեր: Ուստի կակազեց և պատաս-
խան մը շկրցաւ տալ:

Իշխանը ուշադրութեամբ գայն դիտելէ վերջ, տա-
լիքը հարցուց և յետոյ բարկութեամբ աւելցուց.
«Դուն ի՞նչ տեսակ մարդ ես, որ վաթսուն տարի շա-
րունակ կրօնքի մը մէջ ապրելով, տակաւին չես գիտեր թէ
ի՞նչ են անոր պայմանները: Պակա՛ս թող ըլլայ քեզի
պէս մարդը:» Ու իր հետեւորդներուն հրամայեց որ
այդ մարդը բռնեն, բանտ նետեն, յաջորդ օրը կա-
խաղան բարձրացնելու համար:

Տղաք, այն ատենը տակաւին, հանրապետութիւն,
օրէնք չկային երկրին մէջ, իշխանին հրամանը օրէնք
էր: Գիտցէք մեր ժամանակին յարգը:

Ծերունին շատ խելացի տղայ մը ունէր որ բարձր
դպրոց մը կը յաճախէր: Իրիկունը երբ տուն դարձաւ,
աաստիկ զարմացաւ տեսնելով ամէն բան տակն ու
վրայ, ամէնքը իրար անցած, լացի, ողբի մէջ:

— Ի՞նչ կայ ըսաւ, գրեթէ խելացնոր: Ի՞նչ է այս վիճակը:

— Մի հարցներ, զաւակս, ըսաւ մայրը հեծկլսալով: Ձիւն եկաւ մեր գլխուն: Ըլլալիքը եղաւ, ո՛չ հարցուր, ո՛չ ալ փնտռէ: Աստուած քու արեւդ պահէ:

— Աստժ՛՛ւ սիրուն, եղածը ըսէք. Ի՞նչ կ'անցնի, կը դառնայ:

Տնեցիները վերջապէս, բաւական սիրտ հատցնելէ վերջ, ճշմարտութիւնը մէջտեղ հանեցին:

— Հո՛գ մի ընէք ըսաւ տղան, և մէկէն դուրս նետուեցաւ: Շիտակ, բանտ վազեց և ջանաց հայրն ալ հանդարտեցնել:

— Ո՞չ, տղաս, ո՛չ, ըսաւ ծերունին լալագին: ձակասագի՛ր, բան մըն ալ չես կրնար ընել: Իշխանին հրամանն է: Ա՛լ իմ գործս լմնցած է: Աստուած ձեզ պահէ, զաւակս:

— Հայր, հայր, մի յուսահատիր, մեծ է Աստուած, կրկնեց տղան և դուրս ելաւ, աչքերը լեցուած:

Անմիջապէս ընթերցարան գնաց և թուղթ մը առնելով՝ հետեւեալ աղերսագիրը գրեց.

«Մեծ Իշխան.

Այսօր հօրս սոսկալի պատիժ մը սահմանած էք: Շատ արդար է այդ պատիժը, քանի որ այդ տարիքով մարդ մը պարտաւոր է կրօնքին պայմանները գիտնալ: Միայն թէ, ներողութիւն, պատիժը կուտան յանցաւորին, մինչդեռ հայրս չէ յանցաւորը, քանի որ զիս վարժարան զրկած է պէտք եղածին պէս պատասխանելու համար ձեր հարցումներուն: Բուն յանցաւորը հօրս հայրն է, որ զայն վարժարան չէ զրկեր և ուսմունք չէ տուեր: Ուրեմն արդարութիւնը կը պահանջէ որ պերեզմանէն հանէք մեծ հայրս և զայն կախաղան բարձրացնէք:»

Իշխանը, որքան ալ հին մարդ, բնականէն չար մէկը չէր, ուստի երբ աղերսագիրը առաւ, կանչել տուաւ տղան և զայն լաւ մը քննելէ վերջ, տեսնելով որ գոհացուցիչ պատասխաններ կուտար իր հարցումներուն, ազատ արձակեց ծերունին և զայն իր մօտ հրաւիրելով ըսաւ. «Կը շնորհաւորեմ քեզ. դուն պատուական զաւակ մը ունիս, որ գանձ մը կ'արժէ: Ո՛ւր էր թէ ամէն հայր քեզի պէս զաւակներ հասցնէր այս երկրին»:

ԲԱՌԵՐ.— Ծագիլ = Հագուստները փոխել չճանչցուելու համար: Կրօնք = Մէկու մը Աստուծոյ հաւատարմութիւնը, օրինակ, մեր կրօնքը քրիստոնէութիւնն է: Կատարեալ = Լման. պակաս չունեցող: Հետեւորդ = Ետեւէն գացող մէկը: Կախաղան = Բարձր ձող մը, ուրիշ մարդ կը կախեն չուանով: Յանախել = Տեղ մօտիշտ երթալ: (Ածանց՝ յանախորդ): Խելացնոր = Խելքը ցնդած (խել և երթալ: (Ածանց՝ յանախորդ): Խելացնոր = Խելքը ցնդած (խել և երթալ: (Ածանց՝ յանախորդ): Լալագին = Լալու վիճակով մը. շատ լալով: ձակասագիր = ձակաւի գիր. այսինքն բախտ: Աղերսագիր = Բան մը աղաչելով ուղեւ համար գրուած թուղթ: Գոհացուցիչ = Գոհ ընող: Գանձ = Դրամ կամ թանկագին քար, հարստութիւն: Սահմանել = Որոշել, տալ: Հաւատարմութիւն = Աստուծոյ հաւատացող: Կրօնատէր = Կրօնք և տէր բառերէն. կրօնքը սիրող:

ՀԱՐՅՈՒՄՆԵՐ.— Իշխանը Ի՞նչ սովորութիւն ունէր. — Ինչո՞ւ. — Ուր՞ն հանդիպեցաւ. — Ի՞նչ հարցուց. — Ծերունին կրցա՞ւ պատասխան տալ. — Ինչո՞ւ չէ. — Ի՞նչ պատիժ տրուեց իրեն. — Տղան Ի՞նչ րաւ. — Ի՞նչ գրեց աղերսագրին մէջ. — Իրաւունք ունէ՞ր տղան. — Ինչո՞ւ. — Ի՞նչ րաւ իշխանը. — Ի՞նչ րաւ. — Գու՞ր Ի՞նչ կ'ընէիք, եթէ այս տղան տեղը ըլլայիք:

ԲԱՐՈՅՍԱԿԱՆ.— Տարիքը կամ հասակը նշանակութիւն չունի միշտ: Ամէն մէկը իր տարիքին մարդը ըլլալու է խելքովը և մտածումովը:

58. ՔԵՐԱԿԱՆՈՒԹԵԱՆ ՊԱՐԶ ԴԱՍԵՐ

Մ Ա Կ Բ Ա Յ

Մակ՝ վրայ ըսել է, ուրեմն մակբայ կը նշանակէ բային վրայ: Արդարեւ մակբայ են այն բառերը որ բայի մը գործողութիւնը կ'որակեն կամ կ'որոշեն: Օրինակ, աղէկ խօսիլ, ուր հասնիլ: Աղէկ և ուշ մակբայ են:

Անշուշտ կը յիշէք թէ այս կանոնը սորված էք ածականներու ատեն ալ: Ածականը բառ մըն էր որ կ'որակէր կամ կ'որոշէր բայց ի՞նչ.— Անուն մը կամ գոյական մը, այնպէս չէ: Մակբայն ալ բառ մըն է որ կ'որակէ կամ կ'որոշէ ո՛չ թէ անուն մը, հապա բայ մը: Լաւ հասկցա՞ք: Շատ զիւրիւն է, Արդէն շատ մը բառեր թէ ածական են և թէ մակբայ: Ածական են երբ հարցումը գոյականին վրայ կ'իյնայ, մակբայ են, երբ հարցումը բային վրայ կ'իյնայ: Օրինակ, աղէկ խօսք, ի՞նչ տեսակ խօսք.— աղէկ, հոս աղէկ ածական է, որովհետեւ խօսք գոյականին ինչպէս ըլլալը ցոյց կուտայ: Աղէկ խօսիլ, ինչպէս խօսիլ, աղէկ: Հոս աղէկը բայ մը կ'որակէ, ուրեմն մակբայ է:

Ուրիշ կանոն մըն ալ, լա՛ւ ուշադրութիւն: Մակբայները կ'որակեն կամ կ'որոշեն ո՛չ միայն բայ մը, այլ երբեմն ալ ուրիշ ածական մը կամ մակբայ մը. օրինակ շատ ազուր: Հոս շատը կ'որակէ ազուրը ածականը: Շատ ուշ: Հոս շատը կ'որոշէ ուր մակբայը:

Մակբայները գործողութիւն մը կամ գործողութեան մը պարագաները, այսինքն տեղը, ժամանակը և կերպը կ'որակեն կամ կ'որոշեն և կը գտնուին հետեւեալ հարցումներով. տեղի համար՝ ո՞ւր. օր. հոն կը բնակի: Ո՞ւր կը բնակի.— հոն, Հոն՝ մակբայ է: Ժամանակի համար՝ ե՞րբ. օրինակ. այսօր եկաւ: Ե՞րբ եկաւ.— այսօր: Այսօր՝ մակբայ է: Կերպի համար՝

Ի՞նչպէս. օրինակ. աղէկ խօսեցաւ. Ի՞նչպէս խօսեցաւ.— աղէկ: Աղէկ՝ մակբայ է:

ՎԱՐԺՈՒԹԻՒՆ.— Հետեւալ բառերէն զանի ածականներ եւ մակբայները յարմար հարցումներով:

Շատ խօսեցաւ, վաղը պիտի գայ, շատ բազմութիւն կար, արագ վազեց, արագ աշխատութիւն, ներս մտաւ, դուրս ելաւ, համարձակ կը քայլեր, համարձակ խօսք մը, այսօր պիտի գայ, կամ մայ կը քայլեր, սաստիկ աշխատեցաւ, շատ ազուր խօսեցաւ:

Շ Ա Ղ Կ Ա Պ

Շաղկապ կը կոչուին այն բառերը կամ վանկերը որ երկու բառ կամ խօսք իրարու հետ կապելու կը ծառայեն: Արդէն շաղկապ՝ կը նշանակէ կապ կամ կապող. դուն եւ ան: Եւ շաղկապ է, կը կապէ դուն անին հետ:

Գլխաւոր շաղկապներն են. և, ու, որ, կամ, բայց, սակայն, որովհետեւ, վասնզի, եթէ, թէ, ուստի. եայլն:

ՎԱՐԺՈՒԹԻՒՆ.— Հետեւալ խօսքերուն մէջ շաղկապները նշանակեցէ՛ք:

Այլն և Շուշան դուրս ելան: Շունը և կատուն ընտանի կենդանիներ են: Կ'ուզեմ որ բարի ըլլաս: Եթէ ոչ գաս, կը պատժուի: Կ'ուզէի գալ, բայց ժամանակ չունեցայ: Ոտք տուաւ, ուստի պիտի գայ: Այլն կամ Շուշան, մէկը թող գայ: Պէտք է աշխատիս, որովհետեւ պատուաւ: Ես: Չեմ կրնար երթալ. վասնզի ժամանակ չունիմ: Թէ՛ աշխատասէր է և թէ՛ բարի: Դասը չէ պատրաստեր, ուստի պէտք է պատժուի:



59. ՄՏԱԾԷ ՈՒ ԳՈՐԾԷ

«Ա՛ն, շո՛ւս հասէ՛ք, շո՛ւս, սրղա՛ք,
Գորս մը ահա պաղգաւակ.»

Պոռաց մանչ մը չար ու *հենգ*,
«Եկէ՛ք զանի ըսպաններէ:»

Ասոր վրայ բազմաթիւ
Տրղա՛ք. անկիրթ, անպատիւ՝

Վազմի՛վազր աղմուկով,
Եկան հասան գորսին ֆով:

Որ մէկուն ձեռք փայտ մը կար,
Ուրիճներն ալ տռիճ ֆար,

Ու խեղճ կենդանիին
Պիտի սպաններին.

Երբ էօ մ'եկաւ անդիւն,

Քաշեղով կառք մ'եսեւէն:

Ո՛հ, գորսն էր հիւզ ոսփին տակ,

Ինչ վրտանգ,

Քայլ մըն ալ նոր

Մահն էր անոր:

Բայց ի՞նչու մեր անբան
Փոխեց մէկէն իր նամբան:
— Տրղա՛ք, ըսաւ Կովսաս,
Ահա մեզի աղուոր դաս.
Էօ մը բարի՛ ու մենք չա՛ր,
Ըսէ՛ք, տեսնե՛մ, չէ՞ք զողջար:

ԲԱՌԵՐ.— Նենգ = Ուրիշին ծածուկէն գէլ մտածող: Մահն
էր անոր = Պիտի մեռնէր:

ԲԱՐՈՅԱԿԱՆ.— «Տաս՛ը համրէ, մէկ գործէ», կ'ըսէ
ժողովրդական առածը: Սա կը նշանակէ թէ մարդ առանց
մտածելու բան մը ընելու չէ, հոգ չէ թէ ընկեր մը ըլլայ
ըսողը: Անպիտան ընկերներէ զգոյշ ըլլանք: Անոնք շատ
անգամ անպատուութիւն կը բերեն մեզի:

Այս առակը ուրիշ դաս մըն ալ կուտայ մեզի: Մարդ
իբր խելջովը, իբր ազնիւ զգացումներովը միայն բարձր է
կենդանիներէն: Երբ այդ լաւագոյն յատկութիւնները պակ-
սին մարդուն քով, ան իրաւունք չունի պարծենալու, վա-
սնդի կենդանիներ կան, որ իրենց բնազդով աւելի կ'արժեն
քան մաս մը անպիտան մարդիկ, որ երեւոյթով միայն
մարդ են:

60. ՔԵՐԱԿԱՆ ՈՒԹԵԱՆ ՊԱՐԶ ԴԱՍԵՐ

ԵՆԹԱԿԱՅ, ՍՏՈՐՈԳԵԼԻ

Ենթակայ. — Ինչպէս տեսանք, բայց գործողութիւն ցոյց կուտայ, այսինքն ընել, ըլլալ, ըլլուիլ: Սակայն դուք գիտէք որ բան մը ինքնիրենը չըլլար, անպատճառ ընող մը կ'ունենայ: Այդ ընողը կամ գործողութիւնը կատարողը կը կոչուի ենթակայ կամ սէքքայի:

Ենթական միշտ ուղղական հոլով կ'ըլլայ և կը գտնուի խօսքին մէջ՝ ո՞վ կամ ի՞նչ հարցումով: Օրինակ. Ալիս եկաւ, ո՞վ եկաւ. — Ալիս: Ալիս ենթակայ է եկաւ բային: Քարը ինկաւ, ի՞նչ ինկաւ. — քարը: Քարը ուղղական հոլով ենթակայ է ինկաւ բային:

Ստորոգելի. — Ստորոգելի կը կոչուի այն ածականը կամ գոյականը որ էական բային հետ կը գործածուի և ենթակային ինչ կամ ինչպէս ըլլալը ցոյց կուտայ: Ստորոգելին կը գտնուի ի՞նչպէս կամ ի՞նչ հարցումով: Օրինակ. Արշակ բարի է, Արշակ ի՞նչպէս է. — բարի: Բարի ստորոգելի է Արշակին: Այս տղան եղբայրս է, Այս տղան ի՞նչ է. — եղբայրս: Եղբայրս ստորոգելի է տղային:

ՎԱՐԺՈՒԹԻՒՆ. 1. — (Հետեւեալ խօսքերուն մէջ ենթակաները գտնեցէ՛ հարցումներով)

Անձրեւ եկաւ, հաց կերայ ես, Արա դուրս ելաւ, Յակոբ պատժուեցաւ, ծաղիկը բուսաւ, տղաքը քար կը նետեն, ան պիտի գայ, ապակին կտորեցաւ, օրիորդը դաս տուաւ, այս տիկինը երգեց:

ՎԱՐԺՈՒԹԻՒՆ. 2. — (Հետեւեալ խօսքերուն մէջ ստորոգելիները նշանակեցէ՛):

Ձուրը պղտը է, այս մարդը ծեր էր, դուք եկայն էր, ես բարի պիտի ըլլամ, դուն քաջ եղիր, չունը հաւատարիմ է, այս տղան առաջին եղաւ, դուն հիւանդ պիտի ըլլաս, Տիգրան և Ջաւէն եղբայրներ են, դուն վերջինը եղար:

61. ԾԱՂԻԿՆԵՐՈՒ ԼԵԶՈՒՆ,

(Մեկախօսութիւն)

Առտուան քունը անոյշ է կ'ըսեն: Սխալ, շատ «խալ»: Ընդհակառակը, մանաւանդ գարունը և ամառը, շատ աւելի անոյշ է առտուն կանուխ ելլել, այց մը տալ ձեր պարտէզին, բարի լոյս մաղթել ծաղիկներուն և մտեմիկ խօսակցութիւն մը ունենալ անոնց հետ, անուշակ բոյրերը ծծելով լիաթօք: Ի՞նչ հաճոյք:

Ծաղիկները լեզու ունին, պիտի ըսէք: Անշուշտ, անշուշտ, և լեզուներուն է՛ն շնորհալին, գոյներու և ներգաշնակութեան լեզուն, զոր կը հասկնան միայն անոնք որ ճաշակ ունին, զգացում ունին: Ինծի համար, այս լուռ խօսակցութիւնը, սիրտերու խօսակցութիւնը շատ աւելի հաճելի է քան անհամ շարակրասութիւնը մաս մը վայրեալներու, որոնք ժամեր ամբողջ՝ կկոցի պէս կը բանին սրահներու մէջ, և յետոյ. «բամբասանք չէ, բանն ասանկ է», ըսելով, կէս ժամ այ կը շարունակեն դրան սեմերուն վրայ, արդուկը կասարեալ ընելու համար: «Ըսէ ինծի թէ որո՞ւ հետ կը տեսնուիս և ես ըսեմ թէ դուն ո՞վ ես», կ'ըսէ առածը: Առանց ինքնագովութեան, կրնամ ըսել թէ իմ ընկերներս և բարեկամներս եղած են միայն ծաղիկները: Եւ ասոր համար բնաւ դժգոհելու պատճառ մը չունիմ, վասնզի ո՞ր ընկերը պիտի ըլլար աւելի սակաւախօս՝ քան ծաղիկը, ո՞ր բարեկամը պիտի ըլլար աւելի գաղտնապահ՝ քան ծաղիկները: Մեր խօսակցութիւնները ո՛չ աղմուկ ունին, ո՛չ իրարանցում: Ո՛չ գլխու ցաւ ունինք, ո՛չ ալ ձանձրոյթ: Ի՞նչ երջանկութիւն:

Տեսէք, այս առտու էր տոկաւին, տրշալոյսին

արթնցայ: Վազեցի մէկէն ու պատուհանս բացի: Հրաճալի էր: Աստուան թարմ օդին հետ՝ խնկագոծ բոյրերու հոսանք մըն էր, որ սենեակէս ներս թափանցեց: Անմիջապէս հասկցայ, ծաղիկներս էին որ բարի լոյս կը մաղթէին ինձի: Պահիկ մը ետքը արդէն պարտէզս էի, շրջապատուած՝ սիրելիներէս, որոնք աջէն ու ձախէն. «Ծո՛ր յի քեզի, ժոյլ քեզի, կը մըմնջէին, այսքան ո՛ւշ, այսքան ո՛ւշ:» Ժպիտ մը մէկուն, համբոյր մը միւսին, և ահա անոնց աղուոր աչուկները սկսան ուրախութեամբ փայլիլ: Եւ թոյրերու ու բոյրերու գեղեցիկ բացատրութիւններով սրտէ սիրտ՝ լուռ խօսակցութիւն մը սկսաւ մեր մէջ: Ո՞ր մէկը լսել, որո՞ւն մտիկ ընել: Չեմ գիտեր թէ ո՞րքան ատեն անցաւ այսպէս, միայն թէ արեւը հորիզոնին վրայ բարձրացեր էր արդէն, երբ լսեցի մայրիկիս ձայնը որ կ'ըսէր... Նուարդ, Նուա՛րդ, ո՛ւր մնացիր: Նախաճա՞շը որուն միտքը կուգար, բայց մայրիկին հնազանդիլ պէտք էր: Իմ սիրուն բարեկամուհիներս չուզեցին բաժնուիլ ինձմէ, հո՛ս են հիմա անոնք ամէնքով՝ սա շնորհալի փունջին մէջ քովէ քով:

Կ'ուզէ՞ք որ քիչ մը խօսիմ անոնց հետ, իրա՛ւ որ շատ գոհ պիտի մնաք:

Ահա եղանակին առաջին վարդը, Տեսէք ի՞նչ կ'ըսէ.

- « Պըլպուլին պէս ու՛՛ս ասեմ,
- « Զիս երգողներ խիստ աս են,
- « Սակայն միայն քովս առնուն՝
- « Քեզ կը գրքնեմ ես արթուն:
- « Քուկդ է շէնուդ բոյրս անոյ՛ւ,
- « Եւ չարերուն իմ սուր փու՛ւ:

Ներկայացնեմ հիմա: Սիրուն մեխակը, խօսքը անորն է.

- « Վարդը սպուռ եւ իննոյ՛ւ
- « Դըժբաղդարար ունի փու՛ւ:

- « Առանց փու՛ւի վարդ միակ
- « Ունիս քեզի քոյր՝ մեխակ:

Սա աղուոր մարգարտածաղիկը, տեսնե՛ք, ի՞նչ կ'ըսէ.

- « Թերթերու մէջ շափիւղայ
- « Ոսկի սիւրս մը կը շողայ:
- « Զարդ մ'է քեզի մարգարիս,
- « Բարեկամըդ հրճուարիս:

Ներկայացնեմ, անմոռուկը, յիշատակի ծաղիկը:

- « Երկինքին պէս բաց կապոյտ,
- « Սիւրս կը բանամ ամենուդ.
- « Յիշատակն է սիւրսս, հոգիս.
- « Անունս է. «մի մոռնար գիս:»

Հիմա անմեղուկ շուշանը, եթէ կը հաճիք:

- « Չիւներու պէս թափսալ
- « Մախուր սիւրս մը կուրծքիս քակ՝
- « Ծաղիկներուն գունազեղ
- « Օրինակ մ'եմ ես անմեղ:
- « Շուշանը քեզ օրինակ,
- « Անքի՛ծ եղիւ արունակ
- « Սիւրսդ ըլլայ, թէ մախուր
- « Զիս ունիս մի՛տ քեզի քոյր:

Վերջին խօսքը մանուշակինն է, այնքան ազնիւ ու համեստ:

- « Արժանիքն իրական
- « Պէ՛տ չէ փնտել վերն այնքան:

- « Խորշերու մէջ շուրջը ձեր,
- « Գրքսնել կարող էք գանձեր:
- « Տերեւներու սակ ըզգոյ՛»
- « Ծաղիկներ կան շատ քննոյ՛»:
- « Անոնք համես են, սակայն
- « Եւ գեղեցիկ չե՞ն այնքան:
- « Աղջկան մը համար,
- « Էն չքնաղ գոհար
- « Բնութիւնն է համես,
- « Ընթացքը պարկեծ:
- « Չենք ու ցոյցեր
- « Բան մը չեն արժեր:
- « Արժանիքն ըստոյ՛»
- « Խոնարհ է, պարզուկ:»

ԲԱՌԵՐ.— Մտերիկ = Շատ մտէն բարեկամ: Վայրերան = Ուրիշին համար զէջ խօսող: Հրաշայի = Շատ զարմանալիք, շատ ախորժեկիք: Շաղակրատ = Շատախօս: Արդուկը կասարեայ ընելու համար = Շատ խօսելով զուխ ցաւցնել: Իրական = Իրաւէն, ճիշդ: Խորշ = Ներս քաշուած տեղ: Խնկազօծ = Խուճկ և օծել բառերէն, խուճկով օծուած, խուճկի հոտ ունեցող: Հոսանք = Հոգիէ կամ հեղուկի մը վազելով անցնելը: Թոյր = Գոյն: Բոյր = Հ, Շափիւղայ = ձերմակ գոյնով թանկագին քար մը: Կը շողա Կը փայլի: Գունագեղ = Գեղեցիկ գոյներով: Իրական = ճի, Չկնաղ = Շատ գեղեցիկ: Գոհար = Թանկագին քարերով կամ մաւաղներով զարդ:

62. ՔՆՆՈՒԹԻՒՆՆԵՐԷ ՎԵՐՉ

ՀԱՅՐԸ, ՄԱՅՐԸ, ՍՕՆԱ ԵՒ ԶԱԻՆ

(Տրամախօսութիւն)

ՀԱՅՐԸ.— Տղաք, կարծեմ թէ այս օրերս եռամսեայ քննութիւն մը անցուցիք, այնպէս չէ՞:

ՍՕՆԱ և ԶԱԻՆ.— Այո՛, հայր:

ՀԱՅՐԸ.— Լա՛ւ: Սա վիճակացոյցները ինձի բերէք, տեսնեմ:

ՍՕՆԱ.— Անմիջապէս, հայր:

(Վիճակացոյցը կը ներկայացնէ):

ՀԱՅՐԸ (վիճակացոյցը բնկելով).— Ապրի՛ս, աղջիկս, լաւագոյն թիւեր և Չրդ՝ 35 աշակերտուհիներու մէջէն: Արդա՛ր, շատ արգար: Կը շնորհաւ որեմ, աղջիկս: Յարատեւ ջանքերդ, որոնց ախանաեսն կ'ըլլանք ամէն օր, շատ ուրախ եմ որ կը գնահատուին նաեւ վարժարանին կողմէ: Սա վիճակ մըն է, որ պատիւ կը բերէ թէ քեզի և թէ մեզի: Այս բնթացքով, սպասով եմ թէ առաջիկայ եռամսեային՝ առաջնութիւնն ալ պիտի չահիս: Հաճոյք մըն է ինձի համար ստորագրել վիճակացոյցդ՝ վարժարանին յայտնելով իմ օրմագին գոհունակութիւնս, թէ վարքիդ և թէ աշխատութեանդ համար:

ՀԱՅՐԸ.— Չաւէն, ո՛ր ես:

ԶԱԻՆ.— Հրամմէ, հայրիկ:

ՀԱՅՐԸ.— Չլսեցի՛ր, վիճակացոյցդ: Շատ երես ելլելու բան չէ՞, է, ի՞նչու անկիւնները կը քաշուիս:

ԶԱԻՆ.— Բնա՛ւ, հայրիկ. միայն թէ քաղաքավարութիւնը կը անանջէր որ առաջնութիւնը քուրիկիս տայի, քանի որ ան ինձմէ մեծ է:

ՀԱՅՐԸ.— Լա՛ւ, պարոն քաղաքավար: (վիճակացոյցը կ'առնէ): Զարմանալի՛ բան, բաւական լաւ թիւեր, և 12րդ՝ 30 աշակերտներու մէջէն: Ի՞նչպէս կ'ըլլայ այս: Շիտակը, խելքս չի հասնիր: Այս դպրոցին մէջ՝ երկու չափ, երկու կշի՞ր կայ:

ԶԱԻՆ (կարմրելով).— Ի՞նչ ըսել կ'ուզես, հայրիկ:

ՀԱՅՐԸ.— Դուն շատ աղէկ կը հասկնաս ըսածս, պարոն խելկասակ: Տեսէ՛ք, տեսէ՛ք, հայերէն 7: Ո՛րիկէ աօրի այս 7ը, երբ տող մը գրուածքին մէջէն 25 սխալ կը հանես:

ՄԱՅՐԸ.— Բայց, սիրելիս, ա՛յ մէկու մը հետեւէ չիջնաս: Մէկ տողին մէջ 25 գիր կա՛յ որ, 25 սխալ հանէ:

ՀԱՅՐԸ.— Կնիկ, կ'աղաչեմ տեղդ ծանր նստէ: Այս տղուն սա ողորմելի վիճակին պատճառը դուն չե՛ս: Միշտ պաշտպանութիւն, միշտ կողմակցու թիւն: Ըշմարիտ սէրը այդպէս չըլլար. թերու-

թիւնը մի պարսկեր: Աղէկին աղէկ, գէշին գէշ: Նայէ, աղջկանդ բան մը բսած ունի՞մ: Ան ալ զատակս է, ա՛ս ալ:

ՄԱՅՐԸ.— Հիմա ալ իմ օձիքիս մի փակչիր: Ո՞վ ի՛նչ կ'ըսէ, խրատէ, յանդիմանէ, բայց չափը մի անցներ: Տղան ալ անձնասիրութիւն ունի:

ՀԱՅՐԸ.— Անշուշտ, անշուշտ, անոր համար է որ խաբէութիւն կ'ընէ բնականաբար: Այնպէս չէ՞: Նայէ, թուաբանութիւն Ծ, այսինքն միջակէն վեր, երբ պարզ գումար մը ընելու համար, տասն անգամ «ձեռքը, ոսքը» կը մոռնայ: Գիտութիւն Ծ. է՛. կեցցես, բսելիք չկայ: Դուն ո՞ր, գիտութիւնը ո՞ր: Սըւոր տգիտութիւնը սէք, այն ատեն խնդիրը կը փոխուի, 10ն ալ կ'արժես: Միս զասերն ալ այսպէս: Ամօ՛թ, ամօ՛թ:

ՉԱԻԷՆ (աչեբեր լեցուած) — Բայց, հայրիկ, կ'աղաչեմ, այս թիւերը ե՛ս դրած եմ կամ կը կասկածի՞ս որ կեղծած եմ:

ՀԱՅՐԸ.— Ո՛չ, ես այդպիսի բան բսած չունիմ: Միայն թէ կը հաճի՞ս ինձի ըսել թէ ինչո՞ւ համար առած են քեզի այս թիւերը:

ՉԱԻԷՆ.— Անշուշտ աղուոր աչքերուս համար չէ:

ՀԱՅՐԸ.— Աշխատութեան համար ըսել կ'ուզես:

ՉԱԻԷՆ.— Հարցնելը աւելորդ է:

ՀԱՅՐԸ.— Լա՛ւ, սակայն դուն ո՞ր թուականէն ի վեր սուտ կը խօսիս: Աշխատութիւն, կը համարձակի՞ս այդ բոլոր բերանդ առնել: Դուն ո՞ր ատեն կ'աշխատիս որ մենք չենք տեսներ:

ՉԱԻԷՆ (յուզուած).— Հայրիկ, կ'երեւի թէ աչքէդ այնքան ելած եմ որ բրածս անգամ աչքիդ չերեւիր:

ՀԱՅՐԸ.— Ո՛չ, տղաս, ատոնք պատուականներ են օձիքդ աղաթելու համար: Եթէ քեզ չսիրէի, սիրտ չէի հատցներ: Գալով սա ըրածիդ, գիտեմ, այո՛, կը տեսնեմ որ, երբ ես հոս եմ կամ դաս հարցնեմ քեզի, սանկ պաճիկ մը գիրքդ ձեռք կ'առնես և ակնարկ մը կը նետես վրան, բայց երբ ես ուշադրութիւն չընեմ կամ գրաղում կը նետես վրան, բայց երբ ես ուշադրութիւն չընեմ կամ գրաղում մը ունենամ, անուշիկ հոգիդ կ'աղաթես: Ա՛յ փնտռէ որ գտնես: Այդ ըրածդ, տղաս, աշխատութիւն չէ, այլ աչքկապուկ: Սա սիրաւ կան մարիկդ թո՛ղ ըսէ, ուրիշ ատեն կ'աշխատի՞ս:

ՄԱՅՐԸ.— . . .

ՀԱՅՐԸ.— Կը տեսնե՞ս, մայրիկդ անգամ չի կրնար բան մը ըսել: Կը նշանակէ թէ գպրոցը կ'աշխատիս, բայց ես ժամանակացոյցդ տեսայ, բոլոր ժամերդ ալ բռնուած են, միշտ դաս ունիս: Ուրեմն, կը հաճի՞ս ըսել թէ ե՞րբ կ'աշխատիս, պարոն գիտիկոս:

ՉԱԻԷՆ.— Բաւական է որ կը յաջողիմ, հա՛յր: Ասոր ըսելիք ունի՞ս:

ՀԱՅՐԸ.— Այո՛, կը յաջողիս, տղաս, բայց ստութեամբ և խաբէութեամբ: «Ստախօսին ճրագը ժամանակ մը կը վառի» կ'ըսէ առածը: Այդ քու ճրագդ վաղը ստտու պիտի մարի, քեզի կ'ըսեմ:

ՉԱԻԷՆ (ղող ելած).— Ի՛նչ պիտի ըլլայ վաղը, հա՛յր:

ՀԱՅՐԸ.— Վաղը, պարոն, խաբեբայ մը պիտի խայտառակուի և ճամարտութիւնը մէջտեղ պիտի ելիէ:

ՉԱԻԷՆ (լայով).— Ես խարդախ, խաբեբայ, ինչե՛ր ալ կ'ըսես, հայր: Վիճակացոյցին թիւերը ե՛ս պատրաստեցի կամ թէ զանոնք փոխեցի՞: Կ'աղաչեմ, հայր, մի մոռնար որ գաւակդ եմ:

ՀԱՅՐԸ.— Անշուշտ, անշուշտ: Եթէ գաւակս չըլլայիր, ինչո՞ւ այսքան սիրտ պիտի հատցնէի, թիւերը խնդիր չեն, բայց խնդիր է թէ ի՛նչպէս յաջողեցար ստանալ զանոնք:

ՉԱԻԷՆ (միտք բաւկիմակը աչիկ).— Դասի ելլելով և քննութիւն տալով: Ուրիշ կերպով կարելի՞ է:

ՀԱՅՐԸ.— Շատ լաւ, պարոնիկ, եթէ, իրա՛ւ, այդ գասերը ըսողը դուն ես, քննութիւնը տուողն ալ դուն ես, ուրեմն պատրաստուէ, վաղն ալ քննութիւն պիտի տաս:

ՉԱԻԷՆ (լացր շարունակելով).— Հա՛յր, ինչո՞ւ, ինչո՞ւ նորէն քննութիւն պիտի տամ: Ի՛նչ կ'ուզես ինձմէ:

ՄԱՅՐԸ.— Մա՛րդ Աստուծոյ, ա՛յ հերի՛ք, տղուն հոգին հանեցիր: Դուն գու՛թ, զգացում չունի՞ս:


ՀԱՅՐԸ.— Նորէն սկսար դուն, Տիկին, այդ քու զգացում բսածդ հիւանդութիւն մըն է: Ես ալ կը սիրեմ այս տղան, անգամ մըն ալ ըսե՛մ, բայց ո՛չ քեզի պէ՛ս թերութիւններուն աչք դոցելով: Դուն ալ գիտես որ այս տղան չաշխատիր, ուրեմն ինչպէս կը յաջողի: Ես ցոյց պիտի տամ որ այդ ճամբան սխալ է, պէտք է ինքզինք ուղղէ:

ՉԱԻԷՆ.— Ամէնքը ինչ որ կ'ընեն, ես ալ նոյնը կ'ընեմ: Ուրեմն ինչո՞ւ խայտառակուիմ զպրոցին մէջ:

ՀԱՅՐԸ.— Ամէնը ինձի չի վերաբերիր, բայց քեզի համար չեմ կրնար անտարբեր գտնուիլ: Սայտառակութեան խնդիր չկայ: Եթէ, իրաւ, դուն ես այդ քննութիւնները տուողը, ինչո՞ւ զող կ'ելլես, բնականաբար նորէն պիտի յաջողիս և ես ամէնուն մէջ ճակատող պետի համբուրեմ, բայց «գո՛ղ, սիրտը դո՛ղ», դուն ալ գիտես որ այդ քու գործդ չէ: Ճշմարտութիւնը կ'ուզե՞ս, անա ըսեմ քեզի թէ ի՛նչպէս յաջողած ես: Երբ դասի ելած ես, ընկերներդ ետեւէդ բսած են: Ատկէ աւելի մեծ թշնամութիւն չըլլար: Քննութեան մէջ ալ ուրիշներէն օգտուած ես անպատճառ, անպատճառ: Հասկցար, պարոն:

ՉԱԻԷՆ (հեկեկալով).— Ա՛խ, հայրիկ, սիրելի հայրիկս, չա՛տ կը ցտիտ: Ինչո՞ւ, այդքան գէշ համարում ունիս իմ վրայ:

ՀԱՅՐԸ.— Փախուտի մի դիմեր, հայրական զգացումներուս կոչում րեկելով: Տարակոյս չկայ որ քեզ կը սիրեմ, բայց ճշմարտութիւնը աւելի կը սիրեմ: Որոշումն ինչպէ՞ս պիտի կարգուի, վաղը Պ. Տնօրէնին պիտի գամ և վերաքննութիւն պիտի սահմանեմ: Քեզի հետ ես ալ



պիտի ցուիմ, եթէ խայտառակուիս, սակայն ուրիշ կերպ չեմ կրնար ընել: Պէտք է շտկուիս, որովհետեւ այդ ճամբան չ'ելլեր: Խօսքս խօսք է, պարտքս պիտի կատարեմ: Վերջակե՛տ: Գն՛ա:

ԶԱԻԷՆ (լայով անկիւն մը քաշուած է եւ չի հեռանար: Մայրն ալ քաշկիկակը աչքին արած է:)

ՍՕՆԱ. (յուզուած) — Հայր, ներողութիւն, բան մը կրնամ խնդրել:

ՀԱՅՐԸ. — Հրա՛մմէ աղջիկս պատրաստ եմ միշտ քեզի մտիկ ընելու, դուն ազնիւ զաւակ մըն ես:

ՍՕՆԱ. — Ազնիւ աղջիկդ ուրեմն կը խնդրէ իր սիրելի հայրիկէն որ բաւական սեպէ աղբարիկին այսորուան տուած դասը, որ շատ արդար էր, այնպէս չէ՞ Զաւէն: Այս օրուրն սկսեալ անոր դասերը պատրաստել պիտի տամ իմ հսկողութեանս տակ, ճիշդ իմ դասերուս պէս: Հա՛յր, ապահով կրնաս ըլլալ. ազնիւ խօսք: Զա՛ւէն, դուն ալ կը խոտանաս, այնպէս չէ՞:

ԶԱԻԷՆ (հեծկլայով եւ գլուխը շարժելով). — Այո՛. . . Այո՛. . .

ՀԱՅՐԸ. — Շա՛տ լաւ, սիրելի աղջիկս. ազնուական սիրտէ մը բխած այդքան ազնիւ խնդրանք մը չեմ մերժեր: Վաղը դպրոց չեմ երթար, քանի որ այդ աստիճան կ'ապահովցնես զիս: Միայն թէ որոշուած որոշում է: Եթէ մինչեւ ատօջիկայ քննութեան այս պարունը չուզէ ինքզինքը, ըսածս պիտի ընեմ: Ա՛լ ինք գիտէ:

ՍՕՆԱ և ԶԱԻԷՆ. — Ա՛հ շատ չորհակալ ենք, ազնիւ հայրիկ, սիրելի հայրիկ. . .

(Սօնա եւ Զաւէն հայրիկին ու մայրիկին ձեռներ կը համբուրեն եւ յետոյ, իրենց պայուսակները առնելով հոլի սենեակը կ'երթան առ խաշու համար):

ԲԱՌԵՐ. — Ականասես ըլլալ — Աչքով տեսնել, Գնահատել — Գին կտրել, արժէքը հասկնալ: Զեմագին — Զեմ բառն է, գին մասնիկէն, շատ տաք, շատ սիրով: Գոհուցակութիւն — Գոհ ըլլալը: Գոհ ըլլալու զգացում: Խելկասակ — Անչորհք կատակ ընող, խենթ ձեւեր ընող: Պարկել — Գոհել, ծածկել բանի մը մէջ: Կեղծել — Սուտը կամ սխալը իրաւի տեղ դնել, չինել: Պատուակ — Սուտ պատճառ: Գիտիկոս — Ինքզինքը գիտցողի տեղ դնող: Խաբեբայ — Մարդ խաբող: Համարում — Կարծիք, գաղափար: Կոչում ընող — Կանչել, գիծել: Ազնիւ խօսք — Կ'ըսեն նաեւ. պատշոյ խօսք. պատիին վրայ տրուած խօսք: Կեցցես — Ապրիս:

ՎԵՐՉ




	Էջ
1. Վերամուտ	5
2. Սիւուած տղան	7
3. Աշխատութիւն եւ հանգիստ	8
4. Կեանքը շարժում է	10
5. Իշխանն ու բանուորը	12
6. Քերականութեան պարզ դասեր. — Անուն	14
7. Պարտք եւ իրաւունք.	15
8. Աշուն	17
9. Քերակ. պարզ դասեր. — Անուններուն տեսակը	19
10. Հայրիկին անունը	20
11. Երկրագործը	21
12. Քերակ. — Անունին թիւը	23
13. Կրակը, ջուրը եւ պատիւը	24
14. Նապաստակը եւ կրիան	25
15. Քերակ. — Անուններուն հոլովումը	27
16. Գոհն ու կովը	28
17. Տունն ու դպրոցը	30
18. Քերակ. — Անուններուն հոլովը	32
20. Երկու ճամբայ (թրգ.)	33
21. Կրթութիւնը, ամէն բանէ առաջ	35
22. Մայրիկիս	37
23. Քերակ. — Հոլովներ	38
24. Պարկեշտ եղիւր ամէն բանէ առաջ	39
25. Ազտան ու աղուէսը (թրգ.)	41
26. Քերակ. — Անուններուն հոլովը	45
27. Հայրենիք	46
28. Ո՞վ է բուն հայրենասէրը	48
29. Քերակ. — Յօդ	50
30. Երկրին չորս զխաւոր կողմերը	51
31. Արեւ եւ երկիր	53
32. Ստուերին ետեւէն վազող շունը	54
33. Ժամացոյցը	55
34. Զմեռ	57
35. Կաղանդ	59
36. Կաղանդին իրիկունը	61
37. Քերակ. — Ածական	63



38. Լոր Տարի	65
39. Տօնական օրեր	67
40. Ժիծիճ եւ մրջիւնը	69
41. Շատ լսէ, քիչ խօսէ	71
42. Քերակ.— Բառերու կազմ	73
43. Գիտուններ եւ զիւտեր	75
44. Կախարդը	78
45. Քերակ.— Չայնաւորներու կորուստ եւ փոփոխ	80
46. Կօշիկէդ վեր մի ելլեր	81
47. Քերակ.— Դերանուն	84
48. Երկու հաշուեցուցակներ	86
49. Կարնավաճառուհին եւ իր երազը	89
50. Քերակ.— Դերանուններ	91
51. Դարուն	92
52. Գարուն եւ մանկութիւն	94
53. Մայիսի պտոյտը	95
54. Քերակ.— Բայ	97
55. Խղճին ձայնը	98
56. Կարիւնը	101
57. Իշխանը եւ ծերունին	103
58. Քերակ.— Մակբայ	106
59. Մսածե ու գործէ	108
60. Քերակ.— Ենթակայ եւ ստորոգելի	110
61. Ծաղիկներու լեզուն	111
62. Քննութիւններէ վերջ	115

Վ Ր Ի Պ Ա Կ

էջ 13	տղ	վերջին —	Թագուն	պէսք է	բայ	բառն
» 32	»	6րդ.—	Ինչէ՞ն	»	»	ինչի՞ն
» »	»	25րդ —	Հարցումներով	»	»	հարցումներով
» 37	»	Բառեր.—	Անտամ	»	»	անգամ
» 42	»	վերջին.—	Քեզ	»	»	նեզ
» 43	»	24րդ.—	Կան	»	»	կամ
» 44	»	վերջին.—	Գիրք	»	»	դիրք
» 48	»	11րդ.—	Աշխատելու	»	»	աշխատելու
» 52	»	Բառեր.—	Մագնիս մը	»	»	Մեծազ մը
» 56	»	8րդ.—	Ժամանկին	»	»	ժամանակին
» 66	»	Վարժ.—	Անուցներէն	»	»	բառերէն
» 71	»	4րդ —	Կ'արդու կեր	»	»	կ'արդու կեր



<< Ազգային գրադարան



NL0246401

9434

Մ. ԱՍԼԱՆԵԱՆ
ԳԻՏՈՒԹԵԱՆ ԴԱՍԵՐ

Ա.	գիրք	գին	30
Բ.	»	»	40
Գ.	»	»	75
Դ.	»	»	85

ԱՆԴՐԱՆԻԿ ԿԱՐԱՊԵՏԵԱՆ
ՏԱՐԵՐՔ ԳԻՏՈՒԹԵԱՆՑ

Ա.	գիրք	գին	25
Բ.	»	»	35
Գ.	»	»	50
Դ.	»	»	60

ԶԱՐՄԱՅՐ Ա. ՔԶՆՅ. ԿԷԶԻՐԵԱՆ

ԳԻՏՈՒԹԵԱՆ ԴԱՍԵՆԹԱՑՔ ԿՐՕՆԻ

Հին Ուխտի	գին	40
Նոր Ուխտի	գին	50

ԾԱՂԿԱՔԱՂ ՔՐԻՍՏ. ՎԱՐԴԱՊԵՏ. գին 50

ՖՐԱՆՍԱԶԱՅ ԳՐՊԱՆԻ ԲԱԴԱՐԱՆ Մ. Նուպարեան

Գին 100 դրու

ԲԱՐԻ ԼՈՅՍ	ԽԱՆԿԱՎԱՐԺ. ՔԵՐԱԿԱՆ Մ. ՍՈՒԼԹ.	գին	30
»	»	ԸՆԹԵՐՑԱՐԱՆ Ա ՏԱՐԻ	գին 35
»	»	»	Բ. ՏԱՐԻ գին 40

Գ Ի Ն 40 Ղ Ր Ո Ւ Ը